




WANTOK



Wan Wik, Julai 28 - Ogas 3, 2005 NAMBA 1619

Niuspepa bilong yumi ol PNG stret! K1.00 long Mosbi tasol - Ausait Mosbi K1.30

Wan raun long nait...



UPNG KEFIU



Wenge laikim moa skol long LPV - **PES 2**

Palamen komiti bai glasim ol nait klub - **PES 3**

INSAIT: Infomel Sekta Skills Ekspo spesel



Lukim stori long pes 2

Ona: 'Strongpela Lida'

Veronica Hatutasi i raitim

OL Bogenvil lida i wari bikos ol i laik givim luk-save long Francis Ona olsem wanpela Bogenvil lida tasol ol sapota bilong em i no laikim bai bodi bilong em i go long Buka.

I go moa long pes 3



TRUCKS

...from 2 tonne up to 60 tonne
We Provide

✓ Sales ✓ Service ✓ Finance ✓ Lease Packages

Contact : Jim Maxwell : Ph 3229400


Email : jmaxwell@elamotors.com.pg



Ela Motors TRUCKS

ONE STOP SHOP

Nogat raun long nait UPNG KEFIU



• Bikpela pait i bin kamap long UPNG namel long ol sumatin na sekyuriti gad bilong Yunivesiti yet i lukim ol sumatin i bagarapim wanpela bas bilong ol sekyuriti. Ol sumatin i tok ol sekyuriti yet i kirapim dispela birua.

OL SUMATIN bilong Yunivesiti bilong Papua Niugini (UPNG) bai no inap raun long nait namel long 7 kilok i go

inap 6 kilok moning stat long aste nait na i go. Dispela em toktok i kam long Standing Komiti bilong Yunivesiti

Kaunsil, Nesenel Sekyuriti Etwaisari Komiti na Polis.

Ol i sanapim kefiu bihain long bikpela pait i bin bruk namel long ol sumatin na ol sekyuriti bilong UPNG yet long Trinde moning.

Ol polis bai stap raun long UPNG na husat sumatin i brukim dispela kefiu oda em ol bai holim em na sasim em long stil o traim long kirapim birua.

Long wankain taim bai ol tisa na leksera bilong UPNG bai go het na traim pinisim gut dispela semesta skul we ol bai sukurim i go inap tripela wik moa.

Vais Sansela Profesa Leslie Eastcott i singaut long ol sumatin long go bek skul na dispela bikpela pait namel long ol sumatin na sekyuriti i nogut tru na i wok long bagarapim sindaun bilong planti sumatin.

- Stori: Neville Chol, Piksa: Nicky Bernard

PALAMEN NIUS

Polis mas kisim K500m

POLIS Fos long Papua Niugini mas kisim K500 milien long lukautim na stretim olgeta wok na hevi bilong em, Minista bilong Polis Bire Kimisopa i tokim palamen long Trinde.

Mista Kimisopa i tok PNG gavman i go het na kisim ol polisman bilong Australia i kam (ECP) long wanem PNG Polis Fos i sot tru long strong bilong mani na ol samting bilong mekim wok.

Na gavman i mas makim K500 milien long polis fos long lukautim ol haus slip na bareks, ol operesen na ol arapela bikpela wok.

Mista Kimisopa i tok kain

bikpela operesen bilong painimaut ol hevi olsem Nesenel Providen Fan (NPF) na Sauten Hailans i mas gat mani mak olsem K2 milien long ol polisman i ken raun long sekim na redim ol evidens na witnes bilong ol dispela hevi taim i kamap long kot.

Ol polis bareks i mas gat K450 milien bilong karimaut wok mentenens long stretim na tu sanapim moa haus bilong ol polismanmeri insait long kantri.

Mentenens wok bilong olgeta samting na ol wok bilong polis fos bai painim K130 milien samting insait long kantri. Nau yet i nogat mani stret long mekim dis-

pela.

Long nau yet Polis Dipatmen i gat K4 milien dinau long ol polismanmeri long balus fea bilong ol long go long ples bilong ol long malolo. Tupela krismas nau planti polismanmeri no go malolo long asples bilong ol na i stap yet long wok.

Tasol Mista Kimisopa i tok maski polis fos i kisim planti mani, dispela i no inap stretim hevi bilong lo na oda insait long kantri. Bikos i gat arapela eria bilong kamapim tu long mekim wok bilong polis fos i ron gut moa olsem sait bilong trening insait long wan wan eria we hevi i kamap long ol.

Wenge laikim moa skul long LPV

GAVANA bilong Morobe Luther Wenge laikim gavman i skulim gut ol manmeri long nupela rot bilong vot long 2007 nesenel ileksen.

Mista Wenge i tok planti manmeri bilong Morobe provins na em i bilip long planti arapela provins tu i no klia gut yet long dispela nupela rot bilong bihainim long makim lida bilong ol long nesenel ileksen.

Olsem na em i askim sapos gavman i mas karimaut gut dispela kempen long skulim gut na mekim klia long dispela samting.

Dispela nupela vot em ol i kolim Limited Preferensel Voting (LPV) Sistem.

Gavana Wenge i tok



• Wenge: Planti pipel bai paul yet long nupela Limitet Preferensel Vot sistem (LPV)

em i save olsem planti manmeri i save yet olsem olpela rot bilong makim wanpela vot tasol o wanpela X tasol em i klia long ol na isi long ol i mekim. Dispela tripela tik o mak em bai paulim ol yet.

Em i askim tu sapos ol pipel i ken makim

kaunsil presiden bilong ol ileksen tu na i noken olsem nau we ol kaunsel memba i makim kaunsel presiden bilong ol.

Em i tok i gat sampela hevi long dispela na sapos Minista i go pas long wok bilong Inta Gavman Rifesens i

ken luksave long dispela na mekim sampela samting long en.

Minista i go pas, Sir Peter Barter husat em rijinel memba bilong Madang, i tok dispela toktok bilong ol pipel i makim kaunsil presiden bilong ol em gutpela tingting na em bai glasim gut dispela toktok wantaim ol opisa bilong en pastaim long em i ken kam bek wantaim sampela gutpela bekim long en.

Long sait bilong karimaut moa awenes na skul long LPV vot em Praim Minista Sir Michael Somare i go pas long dispela na em bai bekim gut ol dispela toktok.

Yama kamap wan de Gavana

MEMBA bilong Usino Bundi Peter Yama i kamap Gavana bilong Madang provins long wanpela de tasol.

Spika bilong Palamen Jeffery Nape i tokim Palamen long Mande dispela wik olsem

Mista Yama em Gavana bilong Madang provinsel gavman bihain long provinsel asembli i bin votim em las wik long kisim ples bilong memba bilong Raikos James Yali.

Mista Nape i tok em i luksave long Mista Yama olsem Gavana bilong Madang bikos em i no

kisim wanpela kot pepa nabaut long stopim kamap bilong Mista Yama olsem Gavana.

Tasol long Tunde dispela wik Spika i tokim palamen gen olsem em i senisim ol toktok em i mekim long Mande. Em i rausim luksave bilong em long Mista Yama olsem Gavana bilong Madang provins na larim ol samting i stap olsem tasol inap em i kisim klia pepa na toksave long en.

Ol provinsel memba bilong Madang i bin kamapim wanpela spesel asembli na votim memba

bilong Usino Bundi Peter Yama olsem Gavana bilong Madang provins las wik bihain long Gavana James Yali i gat sampela bikpela kot i stap long nem bilong em long pasin bilong reip long wanpela yangpela meri.

Ol singaut i go long Mista Yali long stap ausait inap dispela kot i klinim nem bilong em pastaim, tasol Mista Yali i no mekim olsem.

Olsem na dispela i pusim ol asembli memba long mekim dispela eksen long senisim Gavana bilong provins.



LONG MADA'S DE TORO-EM KUKI BILONG OL MERI LONG HAUS LOTU..

EM FRAIM OL MIT BILONG OL...

LONG SEMTAIM EM WOK LONG HAIT NA KAIKAIM MIT I STAP...

SANS YAH!...OL I NO LUKLUK MI MAS KAIKAI HARIAP TRUI

NAU KAIKAI I REDI NA OL MERI I SINGAUTIM TORO LONG KAM KAIKAI...

TORO KAM KAIKAI...YU HATWOK TRU LONG FRAIM MIT.. YU RAIT MAN!

SAMTING TRU EM TORO I HAIT NA KAIKAI PINIS NA BEL BILONG EM I TAIT GUT TRU...

OL MAMA NOKEN BISI LONG MI..EM DE BILONG YUPELA, YUPELA KAIKAI.. MI INAP, MI DRING KOFI TASOL..

Ona: 'Strongpela Lida'

Veronica Hatutasi i raitim

OL Bogenvil lida i wari bikos ol i laik givim luksave long Francis Ona olsem wanpela Bogenvil lida tasol ol sapota bilong em i no laikim bai bodiblong em i go long Buka.

Ol Asembli memba bilong Otonomes Bogenvil Gavman (ABG) i bin sindaun long

wanpela spesel kibung long Tunde bilong givim luksave long Mista Ona olsem wanpela strongpela lida husat i bin sanap long rait bilong ol pipel long ailan. Na sapos leit Ona i

no kisim dispela strongpela sanap, Bogenvil i no inap stap long mak em i stap nau longem long kisim Otonomes Gavman we ol pipel i bin kraik long em longpela taim.

Long wankain taim tu, lida bilong ABG Presiden Joseph Kabui husat i bin wok klostu wantaim Mista Ona long taim bilong bikpela hevi i tok tupela (Mista Ona na Kabui) i bin gat wankain tingting long helpim ol pipel bilong ol, moa yet, long pait bilong helpim ol papagraun na agensim pasin bilong bagarapim envairomen tasol pasin ol i bihainim long stretim ol dispela i narakain. Kabui i bihainim pasin bilong sindaun na toktok long stretim ol samting taim leit Ona i wokim long pasin bilong pait.

Tasol Mista Kabui i tok tru planti pipel bilong Bogenvil i bin dai long pait, em i singaut long ol manmeri long ailan long luksave long ol gutpela samting we i

kamap na bikpela em long Otonomes Gavman we ailan i kisim long las mun tasol.

Leit Mista Ona i bin dai long Sande Julai 24, long apinun long 1 kilok samting long ples bilong em long Guava. Ol i bilip olsem sik malaria na taipoit i kilim em i dai.

Wanpela bikpela toktok i bin kamap long luksave ol ABG memba i givim long leit Mista Ona em "man i sanap strong long bilip na pasin na em bin gat strong long go het na pait long samting we ol pipel i kraik long em, moa yet, long bihain taim bilong ol Bogenvil pikinini."

Bung bilong ABG Asembli em ol i lusim inap long neks wik bilong givim wanpela wik luksave long Mista Ona olsem wanpela bikpela na trupela Bogenvil lida.

Singaut i bin go tu long ABG long planim bodi bilong em long wanpela hap graun bilong gavman bikos Mista Ona i gat longpela histri long Bogenvil, PNG na ovasis na ol pikinini bilong Bogenvil wantaim tu ol intenesenel poroman bai laik lukim matnat bilong em.

Tasol ol sinia komanda bilong Me'ekamui i no laik larim bodi bilong Ona i go long Buka na dispela i no inap kamap.

Chris Uma i go pas long dispela na ol i wokim strongpela rotblok long Mogen Jansen na i no laikim ol ABG na ol arapela gavman lain long go antap long ples Guava long givim laspela toksori long dai bilong bikman bilong ol. Long wankain taim, ABG i

Nem: Francis Ona

Krismas: 52

Wok: Me'ekamui lida na man i bin kirapim Bogenvil hevi long Septemba 1988. Pastaim wok long Bogenvil Kopa Kampani olsem Seveiya.

As long pasim main: Wari long bagarap bilong main posin na laikim gutpela kompensesen bilong ol Panguna papagraun.

Asples: Guava Viles, Panguna, Sentrel Bogenvil. Famili: Marit long Manam Ailan gat 5-pela pikinini

Sindaun: Stap hait long Panguna inap 16 krismas. Epril 2005 em i lusim haitples na raun namba wan taim long Arawa, Buka na Buin.

Dai: Sande, Julai 24, 2005 long 1 kilok apinun long sik malaria na taifoit.

Bogenvil mekim wanem: Luksave long Ona olsem lida na makim wanpela wik olsem taim bilong sore. Otonomes Asembli noken sindaun inap neks wik Tunde. Salim kofin bokis na K25, 000 helpim. Mekamui les long salim bodi long Buka na holim stet funerele.

Planim: Guava Viles, Panguna.



givim K25, 000 na sampela kaikai samting long helpim ol funerele wok bilong Leit Mista Ona. Ol bin salim tu wanpela kofin we helikopta bilong Yunaitet Nesen i bin karim i go long Arawa bilong putim bodi bilong bikman ya long em.

ABG Presiden Mista Kabui na Spika Nick Peniai i tok ol i bilip olsem dai bilong Mista Ona bai kamap olsem mak bilong yuniti

bilong ol Bogenvil pipel. Long wankain taim tu, i gatwari long tupela waitman i save stap long Panguna, stat yet long las ya Septemba.

Wanpela ripot i tok wari i kamap long tupela i lusim Panguna na Bogenvil las wik tasol na bikman ya i dai. Ol ripot i kam long Bogenvil i tok bai i gat wanpela wok painimaut tu long dispela tupela man.



HEVI long UPNG nau i wok long go waiulus olgeta. Ol sumatin tok ol sigi giaman long singautim ol polis, ol sigi tok ol sumatin kros pait nating long ol, na ol polis i tok ol ausait raskol man i bagarapim ples. Nau kefiu i kamap, bai i nogat asua. Yu husat sumatin i no harim tok na raun long nait, em yu stil man o man i laik kirapim birua.

TINGTING bilong mipela i go bek gen long ol turangu sumatin husat i kam long UPNG long skul tasol. I no bilong stonim na kukim ka, paitim ol man nating na bagarapim skul bilong ol arapela wan sumatin.

MIPELA i luksave long namba wan hevi i bin kamap long UPNG long sait bilong makim bilong ol. Tasol nau, i kamap ples klia olsem i gat wan wan ol sumatin o ausait man i wok long sukuruim dispela hevi i go moa yet. Wanem taim bai dispela longlong pasin i pinis? Taim wanpela moa sumatin i lusim laip bilong em?

NAU gutpela sindaun bilong UPNG bai stap aninit long lukaut bilong polis. Na ol blupela lain yet i tok. "Mipela olsem ol pikinini tru tru bilong gavman. Mipela kam long lukautim ol was pikinini bilong gavman. Ol i bikhet liklik olsem na mipela i kam long soim ol long gutpela rot." Tru tumas, ol dispela pikinini i wok long laik kamap ol pait man gen.

TUPELA biknem musik atis bai kam raun long PNG long mun Ogas. Wansolwara bilong yumi Sharzy bilong Solomon Ailans bai kam neks wik na raun long kantri. Em bai planti manmeri i save laikim tru musik bilong em bai indai kirap.

Na long pinis bilong mun Ogas bai bikpela rosnek man husat i save bikmaus raun ya, Jimmy Barnes bai kam pairapim musik bilong em long Mosbi. Em nau bai yu lukim ol lapun bai sanap, seksekim lek na ekting yangpela gen. Gi-aman tu i orait!

Spesel Palamen komiti bai lukluk long ol naitklab

Veronica Hatutasi i raitim

ENTATENMEN bisnis olsem ol nait klab na ol kain pasin i save kamap long ol bai kam aninit long glasim bilong wanpela Spesel Palamenter Komiti.

Dispela komiti bai lukluk long kamapim lo long stretim ol hevi i kamap long ol nait klab. Ol dispela hevi em ol samting olsem mat resling, wet tisiot na tu pasin pamuk.

Wari long dispela i bin kamap long wanpela bung long Palamen taim Komyniti Developmen Minista Dame Carol Kidu i bin givim wok bilong Helt na Famili Welfea i go long Spesel Palamenter Komiti aninit long Siaman na Memba bilong Ijivitari Cedikling Doruba las wik Fraide. Ol narapela memba bilong dispela komiti em Gavana bilong Westen provins Dokta Bob Danaya, Kandrian Glosta Memba David Sui, Okapa

Memba Tom Amukele na Unggai Bena Memba Benny Allan.

Nesenel Risets Kaunsel, Nesenel AIDS Kaunsel, Sensosip Bot na Opis bilong Stet Solisita bai helpim ol long dispela wok.

Komiti bai mekim ripot long pasin pamuk na ol nait klab pastaim long em i givim ripot long Palamen. Na em i tingting long mekim dispela pastaim long pinis bilong dispela yia o long stat bilong neks yia.

Dame Kidu i mekim planti toktok pinis long Palamen long pamuk pasin na bikos wanpela memba tasol i no inap long karimaut ol wok long dispela samting, em i putim i go long han bilong Palamenter Komiti.

Siaman Doruba i tok planti taim ol papa bilong ol nait klab i save rejistaim bisnis bilong ol olsem ol hotel o motel tasol ol i save karimaut ol narapela wok.

Em i tok ol bai karimaut ol wok painim na bihain long

em, ol bai kamapim lo bilong kontrolim ol naitklab na ol kain wok i save kamap long hap.

Dokta Danaya i tok pasin pamuk em i komyniti, ikonmik na famili hevi long na i ken go bikpela tru long bihain taim. Olsem na i moa-beta long stretim dispela hevi nau.

Bikman bilong Sensasip Bot i tok Pablikesen. Ekt i no karamapim ol naitklab na bodi so. Tasol opis bilong ol i kisim pinis planti komplek long ol dispela samting i kamap long ol nait klab. Na em bin tok tenkyu long Palamenter Komiti i kisim dispela na lukluk long em.

Dame Carol i tok em i no amamas long midia i no paulim toktok bilong em long prostitusen o pasin pamuk.

Em i tok em i no sapotim pasin pamuk i mas kam aninit long lo long PNG tasol long

noken mekim ol pamuk lain olsem ol kriminel o man nogut.



• Pes bilong ol PNG pikinini i amamas long stap long skul.

Ripot soim paitim pikinini go bikpela

WANPELA ripot i soim olsem pasin bilong paitim pikinini long ples na insait long komyniti i wok long kamap bikpela.

Wankain tu long ol narapela hevi olsem vailens o pait na pasin bilong bagarapim insait long famili, wokim nogut long pikinini, lusim pikinini wantaim nogat lukaut, ova disaplin o tromoi planti toktok tumas long bihainim gutpela pasin, tromoi planti toktok tumas na givim hevi long ol, hevi long mani na ol samting long skul.

Seksuel abius o bagarap i kamap long sait bilong manmeri i slip wantaim, reip o bagarapim meri, inses o slip wantaim wan

famili na wokim ol nogut toktok i bin kamap olsem sampela long ol bikpela wari.

Wankain tu long kisim ol drag o spakbrus we i as long kamapim tu ol arapela pasin nogut. Ol komyniti i bin autim wari tu olsem moa yangpela pipel i wok long dring na smokim spakbrus.

Famili na Seksuel Vailens Eksen Komiti (FSVAC) wantaim sapot bilong UNICEF na Nesenel Rises Institut (NRI) i bin karimaut wanpela wok painimaut long kisim tingting bilong ol pikinini long ol bagarap ol i save bungim na wok we komyniti i mekim long stopim ol dispela kain hevi i kamap.

Ol i bin kirapim FSVAC long yia 2000 bilong bungim wantaim ol wan wan manmeri na ol oge-naisesen i gat wari long ol hevi i kamap insait long famili, pasin bilong bagarapim ol meri long PNG na wok wantaim long daunim ol.

Ripot i tok i nogat gutpela lain i wari long stretim ol hevi ol pikinini i stap long em.

Long ol paitim tok wantaim ol pikinini insait long ol provins long kantri, planti papamama i save paitim nogut ol pikinini wantaim ol pawa kebol na ol narapela samting moa bilong mekim ol i lainim gutpela pasin tasol dispela i no stret na em i bagarapim pikinini.

Givim luksave long dai bilong Ona

LIDA bilong Niu Bogenvil Pati na Polis Minista long Otonomes Bogenvil Gavman (ABG) Ezekiel Masatt i singautim ol pipel, moa yet ol Me'ekamui sapota, long noken kamapim meknais na tu, noken pauhim ol pipel.

Mista Masatt i tok dispela wik we ABG i makim olsem wik bilong sori long dai bilong Me'ekamui lida Francis Ona em ol Bogenvil pipel i mas givim luksave na noken wokim trabel long bagarapim.

Bogenvil Etmnistresen i bin ripotim olsem ol Me'ekamui sapota long Buka i odaim ol stoa long pas tasoli no kisim tok orait long polis o Otonomes Bogenvil Gavman.

Em i tok bihain long Etmnistreta Peter Tsiamalili i toktok wantaim ol Buka Me'ekamui sapota, long kliarim tingting bilong gavman, ol bin opim bek ol stoa.

Etmnistreta i tok dispela em i paul toktok

bikos em i no pablik hollide tasol em i de bilong stap isi na sori long bikman ya.

Em i mekim klia olsem ol skul, ol bisnis haus na ol arapela gavman sevis i op i stap long dispela taim.

Tasol long ol pilai na ol arapela bung, em i tok long lusim ol pastaim long dispela wik long soim luksave bilong ol long leit Mista Ona inap long neks wik.

Fleg bilong Bogenvil i flaj long hap mast inap long neks wik.



• Laspela taim we Ona i bin soim pes bihain long em i hait long ples bilong em Guava klostu 16 krismas olgeta. Foto: THE NATIONAL

PEA bos long Bogenvil givim luksave long Ona

Aloysius Laukai i raitim

PRESIDEN bilong han bilong Pablik Employiis Asosiesen long Bogenvil Joseph Noro i tok leit Francis Ona i bin wanpela strongpela lida husat i bin sanap long samting em i bilip long em inap em i dai.

Mista Moro i tok sapos nogat Ona, Bogenvil bai ino inap long kisim Otonomes Gavman na em bai stap tasol olsem wanpela driman.

Em bin tok ol Bogenvil lida i bin yusim sanap strong bilong Mista Ona olsem strong long olgeta

negosiesen bung bilong ol wantaim Nesenel Gavman long ol samting i sut long Bogenvil we i bin kamapim Bogenvil Pis Agrimen long Ogas 2001.

Mista Noro i tok sapos Mista Ona i bin go insait long pis proses o wok bilong painim gutpela sindaun, strong bilong paitim toktok na negosiet bai i no strong na kain Otonomes gavman Bogenvil inap long kisim bai i olsem tasol provinsel gavman sistem we i no strongpela o kain we ol Bogenvil pipel i laikim.

Mista Noro i tok tru, planti pipel i ting olsem Mista Ona i egensim Bogenvil pis proses, em

i no save bagarapim ol wok bilong painim gutpela sindaun, ol nara-pela selebresen na tu, Otonomes ileksen.

Em i tok sori long ogensesen bilong em (Bogenvil PEA) na Me'ekamui ino bin wokim yet bel gut na sekan seremoni wantaim ol pablik sevan we laip bilong ol i bin stap long sindaun nogut long taim bilong Bogenvil hevi.

Mista Noro i bin wokim ol dispela toktok long makim ol pablik sevan bilong Bogenvil taim em i salim tok sori i go long meri, pikinini, ol hauslain na sapota bilong leit Mista Ona.

Nupela buk bilong ol Bogenvil meri i kamap

OL meri long Bogenvil i bin lonsim wanpela buk we i toktok long laip bilong ol long taim bilong hevi na bihain.

Tupela bikmeri i bin raitim kamap dispela buk ol i kolim long "As Mothers of the Land" em long Marlyne Havini na Josephine Kauona.

Ol bin lonsim dispela buk insait long wanpela wik forum bung we ol bin holim long Arawa las wik.

Bogenvil Wimens Pis na Fridom Muvmen (BWPF) we Misis Kauona i go pas long em i bin kodinetim dispela bung. Na ol meri long olgeta hap bilong ailan i bin kam long en.

Misis Kauona i tok as tingting bilong holim dispela bung em long glasim ol visen o driman bilong ol meri bihain long Otonomes gavman i kirap na i bilong redim ol meri na pikinini

long bikipela wok i stap we ol i mas helpim long en.

Em i tok forum i bin holim wanpela woksop long kamapim netwok, strongim ol meri (empowerment) na rot we ol meri i ken go insait long wokim ol disisen.

Misis Kauona i tok ol bin toktok tu rot we ol i ken wok wantaim tripela meri i stap long Otonomes Gavman na tu, long ol samting we i kamapim ol meri na ol pikinini.

Suprim Kot stopim IRC long BCL

SUPRIM Kot long las Fraide i bin putim stop long Intenel Revenyu Komisn (IRC) long kisim K30 milien em i tok Bogenvil Kopa Limitit i gat olsem ol dinau long takis. Dispela em long ya

1998 inap long 2001. Kampani i bin putim wanpela bilong kari-maut wanpela judisel rivyu o glasim nesanel Kot oda long peim ol takis we IRC i makim long 1998 inap long 2001.

Jastis Timothy Hinchliffe taim em i givim tok orait long stopim IRC long bihainim dispela mani i bin tok BCL i gat gutpela keis na sapos ol i tok nogat, em bai kamapim hevi na i luk olsem ol

disisen i wansait. Emi tok sapos em i tok nogat long aplikesen, BCL bai pasim opis, em ino inap kisim intres long dispela mani, no inap long kisim kompensesen na ol woklain bai lusim wok.

Jastis Hinchliffe i tok em bin lukluk long ol sabmisen o ripot we IRC na BCL i putim na bihain em i glasim na skelim ol samting, em bin tok oraitim askim bilong BCL.

Bai kot i harim moa long dispela long nara-pela taim.

Long wankain taim, BCL i mas toktok yet wantaim Bogenvil Otonomes Gavman, PNG Gavman na ol papagraun long ol samting i sut long Panguna main tasol em i no ting olsem dai bilong Francis Ona bai kamapim sampela bikipela senis long sait bilong opim bek main.



• Ol pipel bilong Arawa i welkamim Otonomes Bogenvil Gavman Presiden Joseph Kabui na ol arapela ABG lida taim ol i go kamap long Arawa. Foto: ALOYSIUS LAUKAI

Lihir Gol Main painim nupela pawa



• Minista bilong Nesenel Piening Arthur Somare na Minista bilong Fainens na Tresari Bart Philemon i opim nupela Jio Temal Pawa Stesen bilong Lihir Gol Kampani.

Neville Choi i raitim

LIHIR Gol Main insait long Nu Ailan provins i painim pinis nupela rot bilong kisim pawa long mekim wok.

Long Mande long dispela wik, Lihir Maining Kampani (LMC) i bin opim nupela 30 megawat pawa stesen bilong ol.

Dispela nupela pawa stesen em kampani i yusim stim ol i kisim i kamaut long graun long ronim jenereta we i givim pawa long olgeta masin bilong kampani.

Bikpela samting tru long dispela nupela rot bilong kamapim pawa we ol i kolim jio temal (Geo Thermal) pawa stesen em i narakain tru long ol arapela samting i ken kamapim pawa olsem yusim oil na disel.

Taim yu yusim wel na disel long ronim jenereta, i gat planti pipia i save kamaut we i ken bagarapim graun na wara na kamapim ol arapela kain kain hevi.

Na sapos yu yusim disel na wel, i gat ol arapela hevi olsem kos bilong baim disel.

Wantaim dispela nupela Jio Temal Pawa stesen, bihain

long yu yusim wara bilong tanim wil bilong jenereta, wara we yu no yusim i ken i go bek long graun na bai i no inap long bagarapim ples.

Dispela nupela kain pawa stesen, nau em i strongim wok bilong gavman bilong daunim ol hevi long graun, bus na solwara aninit long ol bikpela agrimen bilong wol ol i kolim Kyoto Protokol.

LMC bai go het long senisim ol hevi piul na disel enjin we ol i wok long yusim nau. Ol dispela disel na wel i save tromoi planti pipia i go insait long envaromen.

Dispela nupela pawa stesen nau bai i no inap mekim wankain. Nogat. Tupela samting tasol we bai kamaut bihain long ol i yusim stim bilong wara pinis em wara nating na hotpela ges o win tasol.

Siaman bilong Lihir Gold Limited, Ross Garnaut i tokaut olsem dispela projek i ken suvim PNG i go pas long sait bilong developmen.

***Lukim moa stori long dispela nupela kain pawa stesen na rot em i ken mekim mani bilong PNG long Wantok Niuspepa neks wik.**



• Tupela pipia bilong dispela nupela kain pawa stesen em wara na stim tasol

Ol Foto: Neville Choi

Ol tisa mas save moa long prektikel Sains

Maisan Pahun i raitim

MOA long 32 sumatin bilong Kabaleo Tisas Kolis long Is Nu Briten provins husat i save lainim prektikel sains olsem wanpela lessen bilong ol i open ai bilong ol stret taim ol i bin raun lukim ol ol sains prodaksen ples insait long Gazelle eria.

Sains leksara bilong Kabaleo tisa koles Stanley Sirifave husat i bin kisim ol dispela Diploma sumatin husat i nau wokim insevis trening long Kabaleo i kam raun i opim ai bilong em taim em i lukim ol kain kain eksperimen samting i stap long Nesenel Agrikalsa Risets Institut (NARI) long Kerevat.

"Mipela i save lainim insait long klasrum olsem tiri, tasol nau mi lukim samting stret na planti askim i pulap long het bilong mi," Mista Sirifave i tok.

Em i tok tu olsem nau long kantri tete planti ol

sumatin bai lainim ol save long klasrum tasol na long kam ausait na bihainim em ol i no save yet.

Dispela raun bilong ol tisa i bin kamap bihain long olgeta tisa long Niugini Ailans i bin go bek long Kabaleo long wokim Diploma bilong ol.

Presiden bilong ol dispela diploma sumatin Patricia Aisan bilong Buka long Not Solomons provins i bin amamas long dispela raun ol i bin wokim i go long Lowlen Agrikalsa Risets Stesin na Vulcan sop fektori long Kerevat.

"Mipela em ol tisa bilong Sains na planti samting mipela i save lainim ol sumatin em mipela i tisim long klasrum tasol," Patricia Aisan i tok.

Dispela kain raun ol tisa i bin wokim i gutpela bikos long taim ol i go bek long lainim ol sumatin bilong ol bai ol i save long wanem samting ol bai i skulim ol sumatin long en.

Sampela bilong ol Tisa sumatin tu i wokim wankain toktok tu bihain long ol i lukim kain kain samting ol Saintis bilong NARI i stap long Kerevat i bin wokim long ol kaikai na binatang nogut.

Long wanpela raun bilong ol tisa i go long eksperimen fil, ol i lukim rot bilong trenim prut diwai long liklik yet na i ken karim prut.

Man ol i maus pas stret na dispela em wanpela bikpela samting ol i lainim na tu ol i ken go bek long ples ol i tis long em na lainim ol sumatin bilong ol.

"Mi kam long Buka na ol narapela ya em ol i kam long Manus, Nu Ailan, Is na Wes Niu Briten Provins, na dispela raun mipela i wokim i gutpela tru we planti bilong mipela em i namba wan taim long lukim ol samting NARI i save kamapim long helpim ol Fama insait long Kantri," Patricia i tok long makim maus bilong ol sumatin tisa.

HAP HAP NIUS

Hat wok karim kaikai

WANPELA wod kaunsil long Watom long Is Nu Briten i tok amamas long hat wok bilong ol pipel bilong em long bungim mani bilong wanpela wara saplai projek bilong wod.

Vunakabai Kaunsil Joseph Paluka i tok aninit long Komyuniti Patisipesen Konsep (CPC) bilong Rabaul distrik, ol pipel bilong em i bin bungim mani bilong dispela wara saplai projek.

Ol i bin bungim samting olsem K3,500 long go insait long Komyuniti Developmen Skim na distrik etministresen yet i bin kisim ol pipel bilong wod bilong em long stretim ol rot insait long wod na ol i kisim pei inap long K3,000.

Paluka i tok namel long nau na pinis bilong dispela yia, ol pipel bai gat 4-pela tang long zon 1, 5-pela long zon 2 na 4-pela tang long zon 4.

OL PIPEL bilong Watom long Is Nu Briten i kisim moa long K18,000 bihain long ol i stretim ol rot insait long distrik bilong ol.

Ol ples manmeri yet i bin brukim ol yet i go long ol grup bihainim ol wod bilong ol long mekim bikpela wok mentenens

James Kila i raitim

OL lain husat i gat bikpela tingting long groim kopi insait long Is Nu Briten provins bai lukim wanpela nupela man i raun na givim ekstensin sevis na stia tok long kopi.

Nem bilong dispela man em Isaho Koe na em bilong Kainantu long Isten Hailans provins. Kopi Industri Koporesen (CIC)

aninit long Rabaul Distrik Sivil Woks Program.

Aninit long dispela program, K30, 000 em ol i makim bilong Watom ailan LLG bilong stretim olgeta rot long ailan.

Rabaul distrik etministresen i wok long yusim ol ples manmeri long

i bin makim Mista Koe na em i lusim Goroka na nau i stap long Tailigap long Is Nu Briten long karimaut wok bilong kopi ekstensin sevises namel long ol famas insait long provins. Em i go long Rabaul long las wik Fraide.

Koe em wanpela save-man tru long kopi ekstensin long CIC na em i bin wok klostu 18-kris-mas olgeta na i sevim ol

helpim long mekim wok aninit long Komyuniti Patisipesen Konsep we i opim rot bilong ol as ples manmeri long kisim pe bilong mekim ol bikpela wok aninit long woks program insait long wan wan hap long distrik.

Loko! Level Gavman

Presiden Samuel Billy Nibi i bin tok amamas long ol pipel bilong em na hat wok bilong ol aninit long program.

"I gat planti pipel yet husat i mas senisim pasin bilong ol na dispela em i wanpela rot we gavman i mas yusim long givim ol

wok bai ol i ken mekim wok na kisim gutpela pei bilong en.

"Nogat wanpela man i ken stap em yet na mipela olgeta i mas helpim mipela yet long kamapim wok developmen insait long komyuniti bilong mipela," Mista Niba i tok.

Watom ailan pipel kisim pei

Nupela kopi opisa long Is Nu Briten

fama long planti hap insait long Halfans rijen olsem Kainantu, Okapa long Isten Hailans, Chuave na Kamtai distrik long Simbu na Wapenamanda long Enga provins. Em i bin wok olsem fama-treina na ekstensin kodineta (PFTEC) long Isten Hailans provins bipo long CIC i makim em long go kisim dispela posisen

long Is Nu Briten. Em bai stap long Tailigap tasol ol wok bilong em bai lukim em i raun long olgeta hap long provins na givim ekstensin sevis long ol kopi fama. Wanpela eria long provins we Mista Koe bai wok klostu long en em Abraham Agro-Nuklius Estet Projek long Baining eria, we ol pipel yet i kirapim wanpela bikpela kopi projek.

CIC i wok bung wantaim Is Nu Briten provin-sel gavman na provin-sel dipatmen bilong Agrikalsa long strongim wok bilong kopi insait long provins.

CIC i bin opim nupela opis bilong en long Is Nu Briten tupela yia i go pinis bihain long ol i sainim wanpela memorandum ov agrimen (MOA) wantaim provin-sel gavman.

As ples kaikai bilong ol rebit



• NARI wok man Bongji Masu i sekim ol rebit long Laipstok Program bilong NARI long Labu, Morobe provins. Stori na Piksa: SENIORL ANZU (NARI)

OL FAMA i save lukautim rebit insait long PNG nau i gat as ples kaikai yet we ol i ken givim long ol rebit bilong ol.

Dispela mekpas kaikai em Nesenel Agrikaisarel Risets Institut (NARI) yet i bin kamapim na insait i gat ol lip kaukau na kokonas we ol i ken givim wantaim ol kain kain sayor na kumu.

Dispela kaikai bai ol fama i ken givim long ol yangpela rebit.

Bihain long ol rebit i kamap long PNG long 1993, Yunivesiti bilong Teknoloji i bin karimaut wanpela wok painim long kaikai bilong ol rebit.

Dispela i bin kamapim ol kaikai bilong rebit we Lae Fid Mills yet i bin mekim.

Tasol bikpela kos bilong dispela kain kaikai na ol i bin pinis long mekim.

Olsem na maski long givim ol rebit kaikai bilong ol pik, kakaruk na hos, Labu Laipstok Program i bin karimaut sampela tes wantaim Unitech.

Ol i painimaut olsem kaukau na kokonas em tupela kaikai we ol i ken givim long ol rebit. Em nau NARI i toksave long ol liklik rebit fama olsem ol i ken givim dispela tupela kaikai wantaim ol sayor.

Ol rebit i gat strong long stap laip insait long ol kain kain ples, olsem na planti man-meri i stat long lukautim ol nau.

Insait long PNG yet mipela i gat tupela kain rebit - Canberra Half Lop na Nu Silan Wait.

Pis sevei bai kamap long Morobe

WANPELA sevei o wok glasim bai kamap long ol nambis ples insait long Morobe provins long kisim tingting bilong ol ples lain long wok bilong painim pis na salim.

As tingting em long helpim ol ples lain i kisim moa mani long ol pis bilong ol. Na tu, long traim save gut long ol samting we i kamapim hevi long asples pis bisnis long provins.

Dispela sevei em i hap long Menesmen na divelopmen projek bilong Nesenel Fiseris Atoriti.

Ol bai karimaut sevei long ol nambis ples ol i makim pinis. Em long Sialum, Salamaua, Saut kos na Siassi Allan.

Ol ripot i tok ol i makim Siassi bikos em i gat komesel pis bisnis long planti yia na tu, em i gat ol samting i stap pinis i sut

long pis bisnis. Ol i makim Salamaua na Morobe saut kos long wanem wanpela non gavman ogenaisesen bilong kantri Jemeni em GTZ i karimaut pinis ol wok risets planti yia i go pinis. Na Sialum long wanem em i wanpela nambis ples tasol i stap longwe.

Ol ripot i tok samting olsem 800 haus bai stap insait long dispela wok glasim.

Morobe gavana helpim ol drop aut

Paulus Tali i raitim

PLANTI ol skul pikinini husat ol i pinisim gret 10, 12 o yunivesiti na ol koles na i nogat sans long painim wok i mekim ol pasin i no stret na bagrapim ol yet long kain kain pasin bilong taun laip.

Long dispela as tasol na Morobe Gavana, Luther Wenge i lukim olsem dispela em wanpela bikpela hevi nau long ol yangpela i go long ol meri na man tu na em i givim gutpela sapot mani long wanpela skul bilong sios, Balob Tisa

Koles, skul bilong ol tisa.

Mista Wenge i givim pinis K500 000 mani long helpim baim skul fi long husat ol yangpela i ken aplai long kamap tisa.

Las wik wanpela tisa o leksera bilong Balob, Jackson Biaro, i bin kamap long Mosbi na tokaut long ol Luteran kristen long husat yangpela i pinisim gret 10 o 12 na nogat skul fi long skurum edukesen i ken kisim pepa na aplai long Balob long tren long kamap tisa sapos ol em ol luteran.

Morobe Gavana i lukim

hevi mekim na planti yangpela nau i raun nating na nogat gutpela sidaun long helpim ol yet.

Sapos yu bilong Hailans o Morobe, o Niugini Ailans, tasol yu pikinini Luteran na yu gat laik long kamap tisa long strongim wok miti o gutnius, rot i op long yu long aplai.

Yu husat i stap long Pot Mosbi, yu ken ringim Dokta Tee Zanggo klinik long namba, 326 1848 o yu ken askim long Jackson Biaro, Balob Tisa Koles Lae long namba, 472 4353 long save moa.

EXPENDITURE CONTROL IMPORTANT NOTICE TO SUPPLIERS OF GOODS & SERVICES TO GOVERNMENT



GAVMAN TOK LUKAUT LONG WAS LONG MONI BILONG OL PIPEL BIKPELA TOKSAVE IGO LONG OL BISNIS NA OL KAMPANI HUSAIT I SAVE MEKIM BISNIS WANTAIM GAVMAN

The Government has identified the control of expenditure as one of its foremost priorities.

On the 1st March 2003 a new framework of expenditure control was introduced to promote greater rigor in the government expenditure process and to provide suppliers and contractors with certainty that Government funding will be available to pay for their goods and services.

Legislation has provided that claims for payment must be supported by either:

- A computer generated ILPOC (Integrated local purchase order & claim form),
- or, an APC (Authority to Pre-Commit).

Claims and contracts that are not supported by a valid ILPOC or APC are null and void and will not be honored by the Government. If you do not have either a valid ILPOC or an APC you do not have a binding claim against the State.

Question: Where do I need an ILPOC?

Answer: You require a valid ILPOC if you are providing goods and services to a National Department or Provincial Administration when the value of the transaction is less than K100,000.

Question: When do I need an APC?

Answer: You require an APC (together with a contract) if you are providing goods or services to a National Department, Provincial Administration or Local Level Government when the value of the transaction is greater than K100,000.00.

Question: As a Government Officer what Am I required to do?

Answer: Any Officer from a National Department, Provincial Administration or Local Level Government who seeks to contract suppliers without providing the appropriate ILPOC or APC is acting outside of the law and without authority.

Remember, when doing business with the Government get an ILPOC or an APC.

Gavman i luksave pinis olsem rot bilong was long moni bilong ol pipel em i wanpela nambawan samting insait long Kantri.

Long Mun Mas 2003, Gavman i kamapim wanpela lo pinis na em i givim pawa long gavman long mekim bisnis wantaim ol kampani na ol bisnis haus olsem Gavman bai i gat mani long baim olgeta bisnis husait i givim sevis i go long gavman. Dispela nau bai stopim kain pasin bilong nogat moni bikos nupela lo nau i strongim Gavman long imas igat moni olgeta taim long benk long baim ol man na meri o kampani husait i givim sevis i go long Gavman. Dispela nupela Lo i tok olsem, olgeta bisnis kontrak wantaim Gavman imas igat ol kain fom ol i kolim olsem:

- ILPOC fom em komputa yet i printim long em, na
- APC fom, em kain fom i tok orait long Gavman Dipatmen long spendim moni em bai kisim long baset (budget) long taim bihain.

Ol kontrak bisnis wantaim gavman em ol ino gat kain tupela fom olsem ILPOC o APC, em bai gavman ino luksave long wanem kain wok i kamap na bai ino inap baim. Dispela tu i min olsem, ol bisnis na ol kampani bai wok nating na tu bai ino inap long bringim gavman igo long kot aninit long dispela lo.

Kwesten: Wanem taim tru bai mi kisim dispela fom ILPOC?

Ansa: Yu bai i mas kisim ILPOC sapos yu wanpela man o kampani isave givim sevis igo long gavman bipo long yu laik sevis igo long gavman.

Kwesten: Wanem taim ru bai mi kisim dispela fom APC?

Ansa: Yu bai imas kisim APC fom taim yu gat bikpela kontrak wantaim Gavman, Gavman Dipatmen, Provinsol Gavman, o Lokal Level Gavman. Dispela kain kontrak, moni bilong em i mas istap antap long K100,000.00.

Kwesten: Mi olsem wanpela Gavman Opisa, mi mas mekim wanem samting anini long dispela nupela lo bilong mekim bisnis wantaim gavman?

Ansa: Ol Gavman Opisa bilong Nesenel Dipatmen, Provinsol Administresen, o Lokal Level Gavman, husait i laik givim kontrak wok igo long ol bisnis man na meri o kampani, na ino bihainim dispela nupela Lo i mas save olsem ol bai brukim dispela lo na ino bihainim stret wanem samting em dispela nupela Lo itok long em.

Tingim, taim yu laik wokim bisnis wantaim Gavman yu mas igat dispela ILPOC fom o APC fom em nau bai bisnis bilong yu bai orait tasol.

Thaddeus Kambanei
Secretary

Bihute kalabusman mekim komyuniti wok

...taun redi long MSG bung

James Kila i ratim

OL KALABUSMAN bilong Bihute Haus Kalabus long Isten Hailans provins i bin kamapim gutpela komyuniti wok tru long Goroka taun we nau i lukim planti ol eria insait long taun i klin tru.

Ol dispela lain i bin wokim komyuniti sevis wok insait long taun bihain long Komanda bilong Bihute, Charles A'au i kamapim wanpela tok orait wantaim opis bilong Gavana bilong Isten Hailans, Malcolm Kela Smith long ol kalabusman i ken mekim komyuniti wok insait long taun eria.

Man i go pas long wok bung wantaim ol lain kalabusman bilong Bihute em eksekutiv opisa bilong Gavana, John Sari husat i helpim long baim ol yunifom bilong ol kalabusman na ol narapela samting na helpim ol long mekim komyuniti wok insait long taun.

Ol hap ples namel long Goroka taun na arere long bikpela ples balus bilong provins i luk klin na nais tru bihain long ol lain kalabus-

man bilong Bihute i bin helpim long katim gras na mekim wok long klinim Goroka taun.

Komanda bilong Bihute CIS, Charles A'au i tokim Wantok Niuspepa olsem dispela program i kam aninit long 'Komyuniti Restoretiv Jastis' program na i lukim ol lain kalabusman husat i stap aninit long lo-risk tasol o husat ol i no inap long ronawe i kamaut long mekim wok

"Mipela i laik soim komyuniti long Goroka olsem dispela ol lain kalabusman i no moa birua long komyuniti. Goroka em taun bilong mipela na mipela laik mekim komyuniti wok long bringim kamap gutpela na naispela taun bilong mipela," Komanda A'au i tok.

Dispela i soim tu olsem dispela ol lain lo ris kalabusman i no moa birua long komyuniti. Mista A'au i tokaut olsem ol dispela lain kalabus lain em CIS i skelim ol na lukim olsem ol i no birua moa long komyuniti. Dispela i save kamap bihain long ol kalabus i go long banis na ol woda i save skelim pasin

bilong ol na putim ol long tripela gret em Hai-risk, medium risk na lou risk.

Komanda A'au i tokaut tu olsem dispela komyuniti wok ol lain kalabus i wokim bai go het yet. Long olgeta Tunde na Fonde ol kalabus bai go aut long banis wantaim ol woda husat bai was long ol taim ol i mekim wok.

Narapela ol gutpela wok tu i bin kamap insait long taun em ol wokman i stretim ol simen wol long planim flaua na tu ol rot namel long taun we i bruk bruk em ol wokman bilong Shorncliff em Goroka Taun Kapitel Atoriti na Isten Hailans provinsel gavman i peim ol long mekim wok.

Dispela ol wok long redim na bilasim Goroka taun i go wantaim redi bilong bikpela Melanesian Splashet Grup (MSG) bung we bai kamap long Goroka long namel bilong mun Ogas long dispela yia.

Narapela bikpela bung we bai i lukim planti lain manmeri i go long Goroka em Medikel Simposium na tu 30-Yia PNG Independens selebresin long mun Septemba.



• Ol lain kalabusman bilong Bihute CIS wantaim ol woda i katim gras arere long Raun Raun Tieta long Goroka.

Foto: JAMES KILA

Ol WHP tisa sindaun long helt woksop

OL TISA i mas gat save na skulim ol pikinini long ol sik olsem HIV/AIDS aninit long ol nupela senis i kamap long Edukesen sistem.

Long dispela as tasol na 31 tisa insait long Westen Hailans provins i bin sindaun long wanpela wik seksuel riprodaktiv trening we i bin pinis long las wik Fraide.

Seksuel na riprodaktiv helt em skul i sut long sait bilong man na meri slip wantaim na tu, ol hap bilong bodi i sut long karim pikinini.

Ol samting we ol tisa i lainim em ol bai yusim na karimaut insait long ol skul program bilong ol stat long neks yia.

Dispela trening woksop i skulim ol long sait bilong pesenel developmen o strongim save bilong ol yet, ol rot long mekim mani long en, wok bilong ol wan wan hap bilong bodi na save bilong givim stia tok.

Long ol ripot, bikpela samting em dispela bai helpim ol sumatin i abrusim ol long kisim HIV/AIDS na kisim bel taim krismas bilong ol i no inap yet na bai ol i ken kamap ol gutpela manmeri bilong kantri.

UNICEF i go pas long dispela woksop wantaim helpim mani. Ol provinsel edukesen opisa wantaim ol seksuel helt program opisa husat i bin go olgeta long Pot Mosbi i bin karimaut dispela woksop.

21 skul long Sauten Hailans i pas

FRI Edukesen Polisi long Sauten Hailans provins i kamapim hevi long ol skul na i gat ripot olsem 21 skul i pas.

Ol ripot i kamap long dispela wik i tokaut olsem ol skul i pas bihain long ol skul i nogat kaikai, o kisim ol skul saplai na ol skul metiriel ol tisa i save yusim long karimaut wok bilong ol inap long 6-pela mun olgeta.

Ripot i tok Sauten Hailans Provinsel Gavman i no givim

mani long ol skul long karimaut ol wok bilong ol na hevi i kamap.

Long dispela yia, provinsel gavman bilong Gavana Hami Yawari i bin tokaut long Fri Edukesen Polisi bilong provins. Aninit long dispela polisi, Sauten Hailans Provinsel Gavman i katim sampela milien Kina long helpim ol skul insait long provins.

Ol ripot i tok i kam inap nau, 13-pela Hai skul, tripela

Sekonderi na 5-pela vokesenel skul i pas i stap. Ol boding skul i nogat kaikai, olsem na ol i pas na salim olgeta sumatin i go bek long ples.

Ol ripot i tok ol skul atoriti long provins i wari bikos Sauten Hailans Provinsel Gavman i no inapim promis bilong em na nau ol sumatin na tisa i karim hevi.

Planti papamama i wari nau na ripot i tok ol i laik kisim provinsel gavman i

go long kot.

Planti papamama i autim wari bilong ol na tok dispela fri edukesen polisi em pilai politiks na em i giaman polisi we i kamapim hevi long ol sumatin na tisa.

Long wankain taim, Mista Yawari i tokim Palamen olsem ol ripot long 21 skul i pas i no tru.

Em i tok provinsel gavman bilong em i gat wok long mekim na ol i wok hat nau long kisim ol saplai i go long provins long dispela wik.

Yau na Magin wanpisin soim wanbel

OL PIPEL bilong Yau na Magin wanpisin long Enga provins bai stap gut wantaim nau bihainim wanpela agrimen ol i sainim las wik Fonde long stopim pait namel long ol yet.

Polis i bin lukautim bung bilong tupela birua wanpisin ol bin holim long Wabag taun. Tupela wanpisin i stap long boda bilong Laiagam,

Porgera na Wabag long Enga provins.

Provinsel Polis Komanda Thomas Korhan i tok ol Yau na Magin wanpisin i bin bung wantaim long namba wan taim long Wabag taun las wik na toktok long lusim pait na sindaun gut na go hetim laip bilong ol.

Em i tok tupela sait i gat bikpela laik long stopim

olgeta bel hevi namel long ol, sekan na stap gut.

Planti pipel i bin dai na planti samting i bin bagarap long pait namel long tupela wan pisin ya.

Mista Korhan i tok ol polis long Wabag i bin toktok wantaim ol lida bilong tupela wan pisin na olsem, ol i wokim agrimen long stopim pait na stap gut.



DELTA

DAIHATSU Powered by Toyota Diesel Engine

WIDE CAB 3 TONNE LWB CARGO TRUCK

K69,990*
Drive Away!

WE PROVIDE ✓ SALES ✓ SERVICE ✓ FINANCE ✓ LEASE PACKAGES

Contact : Jim Maxwell : Ph 3229400 or Email : jmxwell@elamotors.com.pg

*Conditions Apply



PROVEN
IN PNG

Ela Motors
TRUCKS



• Sir Paulias i kisim luksave bilong Sief John Kasapwalova husat i givim em yam bilong Milamala we bikpela bilong em i winim olgeta arapela yam. • Ol yangpela meri Trobrien husat i sanap resis long Mis Milamala taitel. Ol Poto: Opis bilong Gavana Jenerel

Milamala Festival i kirap gen...

GAVANA Jenerel Sir Paulias Melano i bin opim Milamala Festival long Kiwina ples insait long Milne Bay provins long wik i go pinis. Sir Paulias i bin raun i go long Yabuwawa ples we Sief John Kasapwalova i go pas long em.

Milamala festival i save kamap long tupela de tasol na i save gat Mis Milamala resis long bilong ol pikinins yam, ol tumbuna danis na singisan na salim bilong ol samting ol i mekim yet long Trobrien aifans. Sir Paulias i tokim ol manmen bilong Kiwina olsem olgeta wan wan Papua Niugini manmen i mas

strongim tru tru kalsa na pasin tumbuna bilong ol insait long ol dispela kam liklik kalsa festival. Em i tokim ol pipel long lukluk i go ausait long Kiwina long strongim nom bilong ples na kalsa bilong ol.

Polis bai stap lukaut long UPNG: Inguba

Andrew Molen i raitim

SINDAUN bilong ol sumatin long Yunivesiti ov Papua Niugini (UPNG) long Pot Mosbi i no stret yet we long dispela wik i lukim ol i pait wantaim ol yunivesiti seRyuriti.

Las wik Fraide komisina bilong polis, Sam Inguba i tok ol polis bai i stap tasol long was long ples na i nogat kros na pait bai i kamap namel long ol polis na sumatin olsem bipo.

Komisina Inguba i tok polis i stap tasol long kempus long lukim olsem nogat bikhet pasin i kamap na ol i no stap long kros pait wantaim ol sumatin.

Em i tok polis bai i stap raun long kempus long lukim olsem nogat bikhet pasin i kamap.

"Polis bai i stap long hap long was long ol bilding olsem laibreri, ol klasrum na dormitori.

"Mipela i respektim tingting na wari bilong ol sumatin tasol i gat sampela bikhet lain namel long ol na ol eksen bilong ol i ken brukim lo," mista Inguba i tok.

Em i tok olsem polis mobail skwat bai i raun na lukautim ples insait long kempus.


Mista Inguba i tok dispela taim em i singaut long ol sumatin long ol i mas go bek long skul.

Em i tok polis i holim pinis faipela saspek husat i kukim ka bilong wampela bikman bilong yunivesiti na bihain long sampela moa wok bai ol i sasim ol.

Mista Inguba i tok tu olsem ol bai lukluk long ol narapela samting insait long dispela hevi bilong ol sumatin bilong wanem maski ol i straik bihainim wari bilong ol, i gat ol sampela lain nogut long ausait husat i save kam hait namel long ol husait i nap kamapim hevi long skul.

"Long dispela mipela i wok long tingting long kamapim keyu insait long kempus tasol nau yet mipela i lukluk pastaim," em i tok.

"Polis bai i stap long kempus inap wanem taim yunivesiti kaunsel i lukim olsem olgeta samting i orait na tokim



• Komisina Inguba -Polis i stap tasol long kempus long lukim olsem nogat bikhet pasin i kamap na ol i no stap long kros pait wantaim ol sumatin.

mipela nau bai mipela i lusim ples," em i tok.

"Mi laikim yupela i go bek long skul. "I gat planti husat i laik skul tasol ol narapela i wok long pasim ol," komisina i tok.

Long dispela as em i tok tu olsem bai i nogat moa forum o miting na polis bai i stap long hap bilong bung.

Em i tok ol i mas tingting long bihain taim bilong ol na tu long hatwok bilong ol mamapapa na ol sponsa bilong ol.

Tupela Sentral ples holim PMV straik

Paulus Tali raitim

TUPELA ples insait long Sentral provins bai kamapim wampela bikpela bung long dispela wik Fraide long mekim wok aweanes na paitim toktok long ron bilong ol PMV insait long provins.

Ol komyuniti long Rigo na Abau ples bai go pas long dispela bung.

Dispela bai kamap bihanim singaut i kam long dairekta bilong "Cry For Hope Foundation" Roger McKenzie Dagga. Em i bin singaut long dispela i mas kamap long wanem planti birua i save kamap long rot olsem ol holap, pasin bilong reipim meri na ol arapela pasin we i bagarapim wokabaut bilong ol manmeri bilong ples taim ol i save go kam long siti.

Em i tok: "Dispela aweanes we Krai fo Hop Faundesen bai i go pas long em long mekim gavman i mas luksave long kain hevi i wok long kamap. Nau yet ol polis i

no strong tumas long daunim ol kain hevi olsem."

Mista Dagga i singaut long Sentral Gavana Alphonse Moroi, Memba bilong Rigo, Anderson Vele, Minista bilong Graun Dokta Puka Temu, Minista bilong Intenel Sekyuriti, Bire Kimisopa na Sentral Polis Komanda Peter Taiang, long ol i mas kamap long dispela bung na harim kraik bilong ol Sentral pipel.

Em i tokim ol pipel bilong Rigo na Abau olsem ol i noken pret taim ol polis i kamap.

"Ol i no bilong pretim yupela, ol i kam long daunim ol hevi bilong lo na oda long ples bilong yumi."

"Long dispela kain pasin bai yumi inap daunim ol pasin nogut long hap bilong yumi na yumi ken stap gut wantaim amamas.

Em bai mekim isi long yumi i go i kam long taun na ples," Mista Dagga i tok.

Hap Hap Nius

K24 milien stap bilong stretim ol NCD rot

NESENEL Kapitel Distrik komisen i putim pinis K24 milien bilong stretim ol rot insait long Pot Mosbi siti.

Inta Gavman Rilesens Minista, Sir Peter Barter i tok nau yet NCDC i wok long stretim ol strit lait bilong ol bikpela rot na wok bilong rausim ol pipia na klinim ples i wok long kamap i stap.

Sir Peter i tok dispela moni NCDC i rausim i kam em bilong statim wok long ol rot.

Em i bikpela wok bilong stretim rot bai kamap long ol mein rot we ol bikman bai i ron long en long lukim ol amamas bilong namba 30 independens selebresen bilong kantri.

Raun lukluk long ol meri na pikinini



• Tupela ailan pikinini em liklik Hortense na brata bilong em i redi long go bek long ples bihain long piknik long ailan long Sande. Tupela i bilong Buka Ailan.



•Taim bilong go bek long ples long Buka Taun bihain long piknik long Wait Ailan. Ol dispela mama na ol pikinini wantaim tu ol arapela hauslain bilong Buka i bin gat gutpela taim tasol nau ol i mas go bek long ples.



Ol hatwok meri bilong Keitering Seksen long Crowne Plaza i bin redim na sevim wampela gutbai kaikai long Nu Silan Hai Komisn long Pot Mosbi taim Wantok i bungim ol. Foto: NICKY BERNARD



Gutpela prenmeri bilong Bogenvil na PNG Zoe Coulsson i lusim PNG bihain long em i pinisim tripela yia kontrak bilong em wantaim Nu Silan Hai Komisn long Pot Mosbi. Tok Pisin em kaikai bilong em. Em i sanap hia wantaim Hai Komina Laurie Marks long gutbai pati bilong em. Foto: NICKY BERNARD

Jaintong singautim ol yangpela long bihainim tumbuna lo

James Kila i raitim

WANPELA strongpela mausmeri bilong ol mama, Theresa Jaintong i tok strong olsem planti hevi bilong lo na oda na bikhet pasin we i kamap nau long kantri em

bikos ol yangpela i no moa kisim gutpela skul na bihainim ol lo bilong tumbuna bipo.

Misis Jaintong i bin makim ol meri long Bogenvil na i go wantaim delegesin bilong Bogenvil long bikpela gan

kibung we i bin kamap long Goroka.

Misis Jaintong i bin go wantaim ol 4-pela memba deligesin bilong Bogenvil long givim ekspiens ol mama na famili i bungim long taim bilong Bogenvil hevi. Planti ol lain long dispela gan samit ol kibung i bin putim yau gut tru long harim stori ol dispela lain i bin givim. Theresa em mamegraun bilong Arawa taun. Misis Jaintong i stori olsem dispela hevi long Bogenvil em i narakain long Papua Niugini. Tasol dispela hevi long Bogenvil em bagarapim gutpela sindaun insait long ol famili na komyuniti.

Em i tokaut olsem wampela hevi we i save kamapim hevi long ol yangpela em plani bilong ol i no save kisim skul bilong rispektim pasin tumbuna. Dispela pasin bilong tumbuna em ol yangpela i lusim tingting pinis bikos planti yangpela nau yet i bihainim ol nupela laipstail bilong ol waitman. Ol i bihainim western

kalsa na lus tingting long kastom.

"Ol tumbuna bilong mipela bipo i save gat planti ol gutpela pasin i stap long rispektim ol narapela manmeri. Ol dispela pasin sapos ol yangpela bilong mipela i bihainim long nau bai yumi nogat dispela pasin bilong kros, pait na bagarapim ol samting bilong narapela brata susa," Misis Jaintong i tok.

Dispela strongpela mausmeri bilong Bogenvil i tok olsem ol wanwan papamama bilong ol pikinini tude i mas skulim ol pikinini bilong ol long sampela gutpela pasin tumbuna we i ken stiarim ol dispela lain i ken kamap gutpela man na meri long bihain taim. Em i tok ol kalsa bilong mipela bipo i save holim sosaiti bilong yumi strong tru. Kalsa i save holim mipela strong na pasin bilong rispek i save stap strong na planti taim nogat ol bikpela hevi i save kamap long bagarapim sosaiti bilong ol tumbuna bipo.



• Misis Theresa Jaintong wantaim bipo rebel paitman Hilary Masiria long gan samit long Goroka.

Ol mama Mapos mekim wok misin

Paulus Tali i raitim

WOK misin long arapela em i wampela gutpela rot long strongim wampela arapela sapos i gat hevi i stap.

Las wik ol mama Mapos long Buang insait long Morobe provins tasol ol i stap long Mosbi i bin mekim wok misin i go long Morata 2 na bungim sampela famali i gat hevi long sindaun na wokabout bilong ol. Ol mama Mapos i wokim dispela olsem hap sios wok bilong ol.

Siaman bilong Mapos mama grup Titi Liseki Wantok olsem dispela kain pasin ol

i kamapim bilong wanem planti famili i no save kamap tumas long lotu. Em i lotu tasol bai inap mekim kamap laip bilong yumi na yumi ken stap gut.

Gut.

Tasol long kain rot ol mama i bungim ol na sea an toktok wantaim ol, ol famili i ken tok aut long ol hevi na long wanem as ol i no bisi long kamap long bung lotu.

Em i tok moa olsem pastaim, mama bung i save kamap gut tru long wanem nogat planti tok tok i save kamap long wokabout bilong ol taim ol go long arapela wok misin eria.

Mista Lisek i tok ol mama Mapos em ol Luteran Sios memba i stap long Mosbi na ol save lotu long wan wan kongrigesen bilong ol. Na long wiken olsem Sarere o Sande ol i save go lukim ol arapela husat i gat hevi i stap o sik long bodi.

Em bihanim tok long buk Baibol tu olsem ol meri i bin namba wan lain long lukim Jisas long matmat. Na olsem, ol mama i gat bikpela wok long mekim na yumi noken ting ol meri i stap nating tasol, ol tu gat i gat

wok long mekim, Mista Lisek i tok.

Lo bilong Lukautim ol Meri



Rait bilong ol Meri:

- Em i rait bilong ol meri we ol narapela i noken bagarapim ol.
- Em i rait bilong ol meri long stap isi na noken harim ol narapela i bagarapim tingting bilong ol.
- Em i rait bilong ol meri long makim wanem taim ol i laik slip wantaim man na ol i gat rait tu long tok nogat.
- Ol meri i gat rait long stap fri long pasin bilong pait na bagarapim ol samting.
- Em i rait bilong ol meri long stap longwe long ol man i noken holim nabaut skin bilong ol.
- Em i rait bilong ol meri long stap amamas.
- Em i rait bilong ol meri long mekim samting long laik bilong ol yet.
- Em i rait bilong ol meri long tokaut long tingting bilong ol yet.
- Em i rait bilong ol meri long prenim wanem man ol i laikim
- Em i rait bilong ol meri long stap amamas tasol.

Sotpela Tok Lukaut:

Skuirim HIV Toktok

BIHAIN long sampela taim, ol lain i gat binatang bilong AIDS i luksave long situesen bilong ol. Dispela i gutpela bikos em i helpim maloloim tingting bilong ol na ol i kisim gutpela tingting. Dispela i helpim ol tu long tingting long gutpela wei ol i ken stap long em long ol yia i kam.

Tingting bilong ol i sut long:

- Bai mi mekim wanem long laip mi gat yet long en?
- Wanem kain kaikai bai mi kisim long helpim mi i stap helti?
- Bai mi mekim wanem plen long ol pikinini bilong mi na ol bai stap long gutpela lukaut long futja?

Ol i ken tingting tu long:

- Mi mas tok tenkyu long olgeta de mi stap long en
- Mi mas tok amamas long ol pren na famili bilong mi.



Kuk Kona wantaim MERI WANTOK

Kwik Banana Skon

Yu Mas i Gat o ol Ingridiens:

- 2-pela kap flawa
- Haf tebolspun sol
- 3-pela tispun beking pauda
- Kwata kap suga
- 2-pela tispun bata i melt pinis
- Haf kap banana yu mekmekim pinis
- 1-pela kiau
- 2-pela tispun milk

We long Kukim:

- 1-Siftim o seksekim flawa wantaim ol arapela drai ingridiens.
- 2-Tanim na kombainim o bungim wantaim banana, bata, kiau, na milk.
- 3-Wokim hul long namel bilong miksa long ol drai ingridiens na kapsaitim ol wara wara ingridiens.
- 4- Miksim isi wantaim fok.
- 5-Kisim wantaim spun na putim i go long beking trei yu grisim pinis.
- 6- bekim long 400 digris F long 15 minit o inap em i kuk.

TOKTOK NATING Wantaim Fr. Paul Liwun SVD



LONG wampela Trinde moning sampela wik i go pinis, long Jun 29, 2005, mi karim ka bilong mi go long woksop. Ples bilong woksop i stap long Kunai Strit, long Hohola. Bihain long lusim ka long hap, mi bin kalap long bas namba 17 na kam bek long Erima. Tasol dispela bas i no go olgeta long Erima. Tru tumas. Planti manmeri i save komplem olsem bas i no save pinisim ron bilong em. Em i stop long Gordon maket tasol na olgeta pasindia i painim narapela bas i go long Erima.

I bin i gat sampela lain i bin wetim mi long haus, olsem na mi hariap i go long narapela sait bilong maket na painim narapela bas i go long Erima. Mi bin kalap long bas namba 15 na go long Erima.

Tasol taim mi stap long bas stop, tripela boi i wokabaut bihainim mi long baksait. I gat wampela bas namba 15 i pul aut na go long Erima, tasol mi no bin kalap bikos mi save olsem tripela raskol boi wokabaut bihainim mi. Long tingting bilong mi, i luk olsem ol i laik mekim samting nogut long mi o pulim poket bilong mi.

Olsem na mi sanap tasol na i no kalap hariap i go long bas. I gat narapela bas 15 tu i stap. Taim mi no lukim tripela boi i stap long baksait bilong mi moa, olsem na hariap mi kalap antap long bas. Boskru i tokim mi, "yu mas kalap hariap. Yu no save, ol manki i bihainim yu? Sapos ol i mekim samting nogut long ausait, bai mipela i no inap helpim yu".

Mi painim sia bilong sindaun pinis na mi lukim planti manmeri kalap long bas. Na long dispela taim, mi lukim gen dispela tripela boi i bin bihainim mi i kalap na blokim dua bilong bas. Han bilong ol i sekim poket bilong ol pasindia na kisim wanem samting ol i gat long poket bilong ol. Na long wankain taim, sampela manmeri i singaut: "em inap..! Larim ol manmeri i go insait long bas". Na tripela boi i kalap go daun na sanap gen long fran dua bilong bas. Ol i sanap olsem ol i no bin wokim wampela samting nogut long ol pasindia. Na mi kirap nogut tru taim sampela pasindia i stap insait pinis long bas i bin tok: "em i orait. Larim ol i wokim. Em i wok bilong ol long painim kaikai". Mi tingting planti stret long dispela kain tok.

Wanem samting mi raitim hia, em i no wampela nupela samting. Em i kamap olgeta de long Gordon maket, long Pot Mosbi kapitel siti bilong Papua Niugini. Sapos yu no bilip long wanem samting mi stori long hia, yu yet i go na lukim long ples bilong bas long Gordon maket.

Askim bilong mi long hia em i olsem: Bilong wanem dispela samting i kamap long ai bilong yumi olgeta de, na nogat wampela inap long stopim? Manmeri i save husat dispela boi, bikos em i olgeta de ol i stap na mekim dispela kain pasin long Gordon maket i stap. Tasol bilong wanem i nogat manmeri i stopim ol? Bilong wanem sampela manmeri i tok: "larim ol i wokim. Em i wok bilong ol long painim kaikai".

Peter Maime, wampela man husat i save rait long dispela WANTOK niuspepa i bin raitim stori bilong em sampela wik i go pinis, i soim narapela nogut sait bilong Gordons maket, em i bin raitim: Gordons maket, ples bilong dringim bia.

Caritas kamapim jenda na envairomen komiti

CARTAS Oseania i kamapim wampela komiti bilong lukluk long ol samting i sut long Jenda o ol man na meri wantaim na tu, narapela komiti bilong lukluk long ol hevi long sait bilong bagarapim envairomen.

Envairenmen i karamapim ol samting i stap long bus, graun, wara na ol samting i stap insait, aninit na antap long ol.

Wok bilong sanapim Envairenmen Komiti i bin kamap long rijinel bung bilong ol memba bilong Caritas Oseania long Nuku'alofa long wansolwara ailan kantri em Kingdom bilong Tonga.

Het tok bilong dispela bung em "Jenda- Bikipela samting long ol man na meri i wok wantaim i karamapim ol samting long Forum..

Bikipela as tingting bilong bung em long ol lain i bin stap long bung

long serim ekspiriens, resim aweanes long ol jenda isu na long kamapim ol plen na ripot i kamap insait long bung.

I bin gat lain i makim Esia Caritas wantaim tu Presiden bilong Caritas Intenesenel Jenda Woking Komiti, Margaret Mwanaki bilong kantri Kenya long Afrika, ol lain



Sampela long ol lain i bin stap long Caritas Oseania bung long Tonga

Poto: CATHY BOLINGA

i makim ol Non Gavman Ogenaisesen, gavman na Pasifik Kaunsil ov Sios i bin stap long dispela bung.

Planti toktok i bin kamap long Jenda woksop na long pinis bilong Forum, Caritas Oseania i bin kamapim wampela wokplen we wampela komiti ol i fomim bai go pas long em.

Caritas PNG i bin salim ol

lain bilong em long makim em long dispela konferens. Caritas em i han bilong Katolik Sios na i gat han long olgeta rijen long wol.

Ogenaisesen i save givim helpim long ol pipel i bungim hevi long ol hevi we neitsa o bikipela ren, san, win, graun i bruk, guria, bikipela solwara i kirap na tu long hevi pait o wo

i kamapim na ol arapela moa hevi olsem.

Ol narapela bikipela wok bilong Caritas em long sait bilong promotim wok developmen na soset jastis sevis.

Caritas i wok long moa long 200 kantri long wol long kamapim gutpela sindaun we i gat jastis na pis.

CLTC amamasim 40 bonde

Paulus Tali i raitim

OL Sios insait long PNG i save helpim long ol wok developmen na givim sevis i go long ol pipel.

Kirsten Lidasip Trening Koles (CLTC) em i wampela skul i stap long Banz insait long Westen Hailans provins i save givim lidasip trening long ol sios wokman na yangpela pipel i laik karimaut wok bilong Bikipela bilong Yunaitet, Angliken, Luteran na ol arapela Kristen Sios.

Long amamasim namba 40 bonde bilong em, moa long 500 Kristen manmeri na pikinini i bin bung long selebretim dispela bikde.

Reveren Robert Sanassi bilong Yunaitet Sios i bin tok amamas tru long wok ministri bilong CLTC.

Prinsipel bilong CLTC, Joshua Damoi, i bin tok yumi ol Kristen i

mas tenkyu long God long lukautim ol lain husat go pas long kirapim CLTC long yia, 1964 i kam inap nau 2005, we

ol i amamasim bikde long en.

Prinsipel Damoi i bin givim tok tenkyu i go long ol lain olsem Minista bilong Komyuniti Developmen, Dame Carol Kidu Dokta Puka Temu, Dokta Alan Marat na ol arapela ol bikman tu husat i luksave long wok ministri bilong CLTC na wok bilong em.

Bipo Prinsipel bilong CLTC em Kay Liddle i tok pasin bilong wok bung long nem bilong Kraisi i wok long kamap gut long prea na planti sumatin

i pinis skul long CLTC na nau mekim bikipela wok long eria, bilong o.I

Prinsipel Damoi i tok planti yangpela bilong Yunited Sios, tu planti yangpela husat i bin pinisim skul long CLTC nau i mekim gutpela wok ministri long wan wan peris bilong ol yet.

CLTC. skul i laikim ol sios olsem Yunitet, Luteran Angliken na arapela kristen sios mas salim moa yangpela we ol komitim ol yet long god, ol ken kam skul long CLTC.



Taim bilong givim...

OL LAIN Yunaitet Sios bilong ples Keapara, Hula Seket i amamasim Haves De bilong sios we i lukim olgeta seket bilong sios i kam bung wantaim kaikai samting bilong tilim na amamasim lotu wok. Dispela bikipela Haves De bilong Yunaitet Sios insait long Sentrai Provins i bin kamap long wiken i go pinis.

Towamo yut mekim wok misin long Afrika

Paulus Tali i raitim

TOWAMO Triniti Luteran Sios Kongrikesen long Papua, distrik i mekim planti wok pinis long sapatim ol yut go long wok misin.

Wampela memba em Peter Gigmai husat mekim wok long ovasis na tu long

PNG nau i go pas long Operesen Mobilaisesen opis long Lae.

Narapela em long Pastor Zerriga na narapela em yut memba Simon Potenu husat i bin mekim wok misin long kantri Mosambik long Afrika.

Em bin wok wantaim ol Kristen long hap long tripela yia.

Simon i tok long wok misin bilong em, God i blesim wok bilong em na nau ol Kristen i kamapim kongrigesen bilong ol.

"Wok misin i gat hevi bilong em olsem na yumi wan wan i mas givim yumi yet long wok bilong yumi go long Papa God," Simon i tok.

Long wok misin bilong em long Afrika, Simon i save lainim ol yut long Spots.

Em bin helpim wampela yangpela manki husat i skruim ol wok long yut ministri na nau Simon i kam bek long PNG.

Em i tok em i wetim tasol singaut bilong God na taim dispela i kamap, em go bek long Afrika.

Towamo Triniti Luteran kongrikesen i helpim long skruim na strongim wok bilong Bikipela long sait bilong wok misin na yut.

Em tok nau em yumi yangpela i mas givim yumi yet long wok bilong Bikipela.

Towamo Triniti Luteran kongrikesen i sanap long tok bilong God na i stap long Matyu, 28:19.

Na ol i sanap long 3-pela bikipela poin na em long prea, givim mani na go mekim wok.

Interim Siaman bilong PNG Wol Misin Haggai Zerriga i tok kaikai bilong wok i kamap pinis na God i kisim biknem.



"OL KRISTEN I MAS WOKABAUT LONG NUPELA PASIN"

Olsem na yupela i mas lusim pasin bilong gلمان. Yupela olgeta i mas mekim tok tru tasol long ol arapela Kristen, long wanem, yumi olgeta i stap hap bilong wampela bodi. Sapos bel bilong yupela i hat, orait yupela i lukaut. Nogut yupel i mekim sin. Nogut yupela i belhat yet i stap na sain i go daun. Nogut yupela i opim dua long Satan. Ol stilan i no ken stil moa. Nogat. Nau ol i mas wok. Ol i mas mekim gutpela wok long han bilong ol yet, na ol bai i kisim planti samting. Inap long ol i ken helpim ol man i sot long ol samting. Yupela i no ken larim ol kain kain tok nogut i kamap long maus bilong yupela. Nogat. Gutpela tok tasol i mas kamap. Inap long strongim ol man i slek. Dispela kain tok i save bringim marimaril bilong god i kam long ol man i harim. Yupela i no ken givim bel hevi long Holi Spirit bilong God. God i givim Holi Spirit long yupela olsem mak bilong yupela i stap ol manmeri bilong em stret, na bilong soim yupela olsem em i makim taim bilong kisim bek yupela na mekim yupel i kamap fri tru. Yupela i mas rausim olgeta pasin bilong bel nogut na kros na belhat na bikmaus na tok bilas, na olgeta kain pasin nogut. Yupela i mas mekim gutpela pasin long arapela Kristen na givim bel bilong yupela long ol. Yupela i mas lusim sin bilong ol, olsem God i lusim sin bilong yupela long nem bilong Kraisi.

EFESUS 4: 25-32

Nius Bilong HIV AIDS

wantaim David Ephraim



LONG dispela wik bai yumi lukluk i go insait long iligel seks industri o pasin pamuk bisnis i agensim lo na i wok insait long Mosbi na tu skelim ekspot driven polisi bilong Gavman.

Tude yet i gat moa long 29 haus pamuk insait long Mosbi siti. Planti bilong ol dispela bisnis i save wok olsem ges haus, lods na motel.

Moa long dispela planti danis ples tu i save wokim dispela bisnis bilong pamuk. Nau yet i gat planti ol yangpela meri i save wok olsem ol prostitute o pamuk meri husat i save salim bodi bilong ol yet long kisim mani.

Dispela em i kamap ples klia we lo i ken save o luksave tasol nau yet em i stap pinis na planti manmeri insait long Mosbi i save long en.

Dispela kain pasin tu i tukim planti meri ol piksa nogut i kamap pinis na i lukim planti meri PNG wantaim ol waitman i stap insait long ol piksa, muvi na tu long intanet. Planti long ol dispela samting em ol ejensi i save long en tasol ol i no wokim wok bilong ol long kotim dispela ol lain. Nau Gavman i gat 'export driven' polisi em bilong strongim foren investmen o ovasis bisnis insait long kantri.

Dispela em i opim rot tu bilong ol kain kain manmeri long kam insait na statim ol bisnis nabaut. Planti i save ronim ol bisnis we lo bilong kantri i no luksave long en long kirap bilong HIV/AIDS long kantri na ol kain kain hevi.

Yumi mas luksave na sanapim gut ol lo we bai i luksave long lukautim ol PNG manmeri husat i save wok insait long ovasis bisnis o foren investmen long kamapim gutpela sindaun bihain yu wan wan i mas traim bihainim stret lo bilong kantri em bihainim tok bilong God.

Tok Lukaut

BIKPELA hangre, graun bagarap, ol pipel i dai na Gavman i nogat gutpela na strongpela sistem na risos we i ken helpim na strongim kantri.

Dispela em ol bikpela hevi we i wok long kamap strong insait long ol ted wol kantri o kantri we i nogat bikpela wok developmen i kamap long en olsem yumi.

Long Afrika we i tukim ol kantri olsem Sudan, Guinea Bissau na ol arapela moa i kisim bikpela bagarap stret. Nau yet ol G8 grup kantri o 8-pela bikpela kantri long wol i kamapim pinis wanpela rot long helpim na strongim ol kain kantri olsem wantaim ol bikpela eid o helpim mani we bai i lukim ol dinau bilong ol bai pinis nating.

Nau yet yumi tu i gat dispela kain helpim bai kam we ol i kolim long Global Fund we bai lukluk i go insait long ol bikpela hevi bilong helt na ol arapela developmen wok na hevi.

Tasol planti pipel insait long Afrika na yumi tu i wok long kros bikos planti taim ol dispela mani i no save karim kaikai stret. Planti i save go long baim ol wok manmeri na i no save kamapim gutpela ol sevis long pipel.

Long stopim dispela kain pasin, yumi mas stop tu long kisim ol kain helpim mani na kamapim strong ol risos yumi gat we bai ol pipel i luksave long tuhat bilong ol na bai ol i wok strong long kamapim gutpela kantri. Ol pipel i wokim kamap strong bilong kantri i no ol lida bilong palamen.

Nupela kurikulum i salensim ol tisa

OL TISA bilong tete nau i gat salens long tanim ol save na tingting bilong ol i go long gutpela rot bilong mekim wok we i ken karim kaikai.

Ektim Edukesen Sekretri Dokta Joseph Pagelio i tromoi dispela salens long pinis bilong Nesanel Kurikulum Rifom Konferens long Mosbi. Moa long 200 tisa na woklain bilong Edukesen i kam long olgeta hap bilong kantri long sindaun long dispela kibung bilong ol we ol bin glasim nupela Kurikulum rifom o senis.

"Salens nau em long tanim save na tingting na strongim ol long karimaut wok bilong ol bihainim ol dispela senis. I gat planti samting we i save kamapim hevi long ol sumatin we yumi mas stretim. Dispela i karamapim tok ples skul, jenda ekwiti o wankain sans long ol pikinini man na meri long skul, go hetim kurikulum, monitaim na glasim, tisa trening na insevis, asesmen, kwaliti tisa na lainim, strongim save, self rilaiens o wokim

samting long helpim ol yet na hevi bilong HIV/AIDS.

Wok bung namel long ol tisa, ol provinsel edukesen divisen, Edukesen Dipatmen na gavman wantaim sapot bilong komyuniti, ol sios na ol praivet ogenaisesen bai kamapim gutpela kaikai long nupela kurikulum rifom.

Senis i go long nupela samting i save hat tumas na man i ken paul tu," Dokta Pagelio i tok.

"Autkam Beis Edukesen i nupela long PNG tasol i mas gat senis i kamap long ol wok na rot bilong skulim ol pikinini insait long klasrum, plening, tisa na asesemen. Na em bai no inap kamap hariap, bai em i kisim taim, sapot na trening," Dokta Pagelio i tok.

Na long PNG i gat gutpela kurikulum we i sut long kain sindaun bilong yumi yet, em bai no inap kamap hariap, bai em i kisim taim, sapot na trening," Dokta Pagelio i tok.

Em i tok dispela em i stap bilong rot we long namba wan taim, ol tisa na woklain

bilong edukesen long kantri i bung wantaim ol samting we i kamap ples klia long ol samting ol i lainim na bungim insait long nupela rifom.

Na ol tisa na sumatin bai lukluk long kamap wantaim gutpela kaikai long dispela.

Dokta Pagelio i tok kantri i gat samting olsem 8,000 skul na 35,000 tisa. Na ol menasa lida bilong ol i wok strong long kamapim wankain kaikai bilong ol edukesen autkam o senis.

Em i tok ol dispela senis kurikulum i kisim i go insait long kalsa bilong PNG tasol long wankain taim, kisim yumi i go kamap wankain insait long intanesenel komyuniti.

Em i tok aninit long nupela kurikulum rifom, ol pikinini bilong yumi bai lainim ol samting we i ken redim ol long ol save na pasin bai helpim ol long wokim samting, noken wetim narapela tasol mekim samting long helpim yumi yet na bai i ken i gat helti laip.

Kurikulum rifom bai helpim gut edukesen

Veronica Hatutasi i raitim

PLANTI tisa i bin givim ol tingting bilong ol long nupela edukesen kurikulum rifom long kantri na lukim olsem ol i mas sapotim bikos ol i wokim long rot we i karamapim ol samting i sut long laipstail na save bilong PNG yet. Na em i mekim ol sumatin i tingting moa.

Caroline Maniat husat i wanpela tisa long 18 krismas na tisa nau long Kagamuga Praimeri skul long Hagen, Westen Hailians provins i tok tru, em bin gat tubel long dispela nupela kurikulum senis, em bin go het tasol long bihainim nupela rifom na em i sapotim na bihainim nau.

"Long olpela kurikulum, ol tisa i redim olgeta samting na givim na ol yet i gat save long ol samting taim ol sumatin i lainim tasol. Na planti samting i no sut long kain laip na sindaun bilong yumi long PNG.

Ol tisa i save yusim ol samting we ol i redim pinis. Tasol nau aninit long nupela rifom, em i olsem i mekim olpela wok bihainim nupela rot.

Ol i kolim dispela long "Outcome Based learning" na dispela i givim ol laip skil long ol pikinini husat bai yusim ol save long laip na sindaun bilong ol.

Ol sumatin i gat sans long givim tingting bilong ol na tu, go aut na kisim ol infomesen o ol samting long yusim long wok bilong ol na i no bihainim tasol samting we tisa i givim long ol.

Dispela i mekim ol pikinini i opim tingting, askim kwesten na skruim save bilong ol, "Misis Maniat i tok.

Em i tok olgeta senis i kam insait long edukesen sistem i gat ol gutpela na nogut bilong ol na tu, bai kisim taim long luksave na go insait long nupela senis.

"Tasol yumi mas gat "open mind" o opim tingting na noken hariap long agensim o sapotim tasol glasim, skelim na traim ol nupela tingting. Long olpela kurikulum, olgeta kurikulum metiriel we ol tisa i yusim em ol i redi pinis tasol dispela i senis nau bikos nau ol tisa i wokim plen, redim ol samting na ol i kamap olsem ol kurikulum divelopa.



Ol Gret 11 sumatin bilong ol La Salien skul long PNG i bin bung long De La Salle Hai skul long namba tu Yut Kongres bilong ol. Namba tri bung bai kamap neks yia na De La Salle bai go pas long en gen.

Foto: NICKY BERNARD

De La Salle bai kamap Sekonderi skul

Veronica Hatutasi i raitim

DELA Salle Hai Skul bilong ol sumatin man long Bomana ausait tasol long Mosbi Siti bai kamap Sekonderi skul neks yia.

Hetmasta Leo Maia i bin tokaut long dispela long bung bilong ol papamama na was papamama long Sande.

Skul bai kisim ol namba wan Gret 11 sumatin long 2006 skul yia. Long dispela yia, em i gat 650 sumatin man long em.

De La Salle em i wanpela long taim skul bilong ol sumatin manki na long neks yia tu, em bai makim namba 60 krismas bilong em.

Skul i save kamapim planti top sumatin long skul sait na planti lida man long PNG i bin skul long De La Salle.

Long 5-pela yia i go pinis, skul i bin gat sam-pela hevi bilong hombru, drak na ol jeneresen kalt we ol sumatin i save bihainim na piksa bilong skul i no gutpela long pablik na kantri.

Tasol nau dispela i senis bihain long hetmasta, skul bot, ol papamama na sumatin i wok wantaim long daunim ol dispela hevi bikos ol i laik kamapim bek gutpela nem bilong skul. Mekim na skul i bin kisim tok orait long Nesanel Edukesen Dipatmen las wik long kamap olsem Sekonderi skul neks yia.

Mista Maia na Deputi bilong em Mista Eli i tok ol i amamas long dispela nius bikos dispela i min olsem ol atoriti luksave long ol senis i kamap long skul tasol wok i stap nau long ol sumatin, papamama na ol tisa long wok bung wantaim na strongim gutpela piksa bilong De La Salle.

Smok bilong paiawut i ken kamapim sik kensa

SMOK bilong diwai o paiawut bilong kuk i ken kamapim sik kensa, wanpela sevei o wok painimaut i tok.

Ripot i tok tru tobako smok em i namba wan as long pipel i dai long lang kensa, sotwin na strongpela kus, tasol smok bilong diwai mipela i save yusim long kuk long en i as long sampela dai tu.

Wanpela risets o wok painimaut ol i karimaut long kantri Meksiko i tokaut olsem 62 manmeri i gat lang kensa we ol i glasim, klostu hap long ol em smok i kamaut long diwai ol i kuk long en i as long sik ol i kisim. Na ol dispela siklain em ol meri husat i no save smok tasol ol i save yusim paiawut. Na ol i nogat

simni o smok paip long stiaim smok i go aut long haus.

Long planti kantri, ol i save yusim paiawut long hotim ples o haus na kuk long en.

Wanpela wok glasim long Brazil i soim olsem ol stov we ol i yusim paiawut long en i ken kamapim kensa long

maus, nek na ol arapela wok glasim i soim olsem paiawut smok i save helpim long kamapim sik brongkaltis o strongpela kus, sot win na ol wankain sik olsem.

Samting olsem 39 pesen long ol lain we ol i mekim wok painim em smok long paiawut i kamapim sik long ol.

Ol lain i bin karimaut dispela wok glasim i tok smok bilong paiawut i kamapim sik kensa bilong lang na tu, em i ken kamapim sik long ol lain i no save smok.

Ripot i tok long 24 sik manmeri we paiawut smok i kamapim, 22 em ol meri bilong ples na ol i kam long ol eria we ol i sot long samting.



Salim ol pas i kam long WANTOK NUSPEPA: P.O. Box 1982, Boroko N.C.D 111
 Fax: 325 2579
 Email: word@global.net.pg

Husat papa long ol dispela kampani bilong Is Sepik

Dia Edita

Mi laik raitim dispela pas i go long Wantok Niuspepa na tokaut long husat ol bikpela sinia ol pablik seven insait long Is Sepik Provinsel Etnimistresin i papa long ol dispela ol kampani na wanem ol wok ol i mekim long provins bilong yumi.

Em hia nem bilong ol dispela kampani; Baimusu Konstraksen Ltd, Power Life Ltd, Eiyon Engineering Ltd, Capital Works Management Co. Ltd, Sepik Holdings Ltd na Sepik Investment Trust Ltd.

Olgeta dispela kampani i save stilim na paulim ol moni bilong Is

Sepik provins long ol giaman wok bilong ol na inap polis i painim aut? I tru ol sinia pablik seven ol i kamap ol dairekta, siahoida na holim ol siknesa long ol akaun long beng i brukim lo bilong Pablik Fainens Manesmen Ekt na ol Jenerel Oda bilong Pablik Sevis. Dispela em bikpela asua na wai na gavman bilong Praim Minista Sir Michael Somare i larim ol dispela man long Is Sepik Provinsel Dipatmen i stap yet.

**JOHN KRIOSAKI
 WEWAK
 IS SEPIK PROVINS**

Erap pipel kisim taim long pe bilong ka

Dia Edita

Mi pikinini Erap, mipela Erap pipel mipela i stap klostu tru long Nadzab. Mipela i harim batas i pundaun. Mipela i harim ol bikpela kar i ron. Tasol, taim mipela i ron long ka, mipela i save ron 3-pela aua tasol pe bilong ka em mipela save baim K8 na K7. Na tu mipela baim ol samting we mipela karim i kam long salim. Sampela hap em tru tru ol i no save baim ol kago. Olsem na mipela Erap i laikim Len Trenspot Bod mas raun na sekim na makim ol kilomita bilong rot ating bai orait. Memba bilong mipela i dai dai na i no save toktok. Na ol kansol tu long Erap olgeta i maus pas tasol. So Erap pipel kala bilong ol em yumi lukim pinis. Bikpela hev i yumi karim stap. Lukluk gut long 2007. Yu husat i laik sapatim o agensim rait tasol long Wantok na bai mi lukim.

**WOKIE KABSII
 ERAP
 MOROBE PROVINS**

Mi sapat yet long Mendi Muruks

Dia Edita

Mi bilong Tari, Sauten Hailans provins na nau mi stap raun nambaut long kantri sait Kimbe, Wes Nu Briten provins. Mi laik singaut i go long ol selektas bilong Mendi Muruks long selektim ol pilaias long Tari, Kagua, lalibu na ol narapela senta na pilaim Mendi Muruks tim. Maski Mendi Muruks lus na stap las tru long poin lata mi sapatim yet Mendi Muruks. Olsem na olgeta pilaias bilong Mendi Muruks, Treina na Koa mi sapatim yupela olgeta. Yupela olgeta mas save olsem las em kamapim sem long yumi olsem na ol wik bi kam bihain yupela mas mekim samting stret. Narapela yu husat man bipo yu save pilai long Mendi Muruks, na nau yu pilai long narapela klap yu mas lusim pilai. Sapos yu pilai yet, yu lukaut bikos olgeta stail na teknik bilong pilai yu save na blokim olgeta win bilong Mendi Muruks na Mendi Muruks lus olgeta taim. Em tasol na yu husat laik sapat o agensim mi yu wel kam tasol.

**BILLY HARI ILU
 KIMBE
 WES NU BRITEN PROVINS**

Spot tasol, na ol sik?

Dia Edita

LONG National Niuspepa Trinde 22/6/05, mi ritim het tok i tok Trukai Industri i bin givim K314,900 i go long PNG Spot Federesen long dispela 2005 SP Mini Saut Pasifik Gems long Palau.

Na tu mi save lukim olsem sampela Industri na kampani na ol arapela institut i save givim ol dispela kain donesen long planti ol klap, sampela save mekim gut na win, planti save lus, na mani save lus nating. As tingting long raitim dispela pas i olsem, i gutpela tru sapos ol Industri na kampani na husat moa i ken


givim ol dispela bikpela mani olsem i go long baim ol masin bilong stretim bodi na laip bilong yumi long ol kain sik we yumi nogat ol masin i stap tude long mekim dispela wok.

Ol kain sik olsem; sik kensa, bodi i dai (paralais) sik long kru, pengkres obstraksen (Pengress obstruction), ston, o gall bladder na ol arapela sik we yumi ya long PNG i nogat masin long mekim wok na stretim sik manmeri na savim laip.

Long baim tiket bilong go daun long Australia em i dia tumas na ol mani manmeri tasol inap long mitim kos, na mipela turangu gras ruts olsem

wanem? Mi ritim planti stori save tokaut long ol turangu man o meri husat dokta i tok ol mas go daun long Australia na kisim operesen, na ol save apil na singaut long pablik na ol bikmanmeri na gavman na ol arapela industri, kampani, praiwet sekta, na ol bikpela bisnis grup long helpim na donetim moni long baim tiket. Turangu bai i nogat bekim hariap o bai i nogat tru tasol long sait bilong spot, em mani save pundaun hariap tru olsem ren kamdaun long skai.

**P.I.
 LORENGAU
 MANUS PROVINS**



Toksave: Sampela ol pas mipela i kisim i longpela tumas na i no givim spes long ol arapela pas, plis raitim pas liklik. Na tu putim nem na adres bilong yu long olgeta pas yu salim i kam, tenkyu. - Edita

Tingting, lukluk na skelim

Dia Edita

Mi wanpela ples man bilong Nabak. Mi laik autim wari bilong mi. tingting nau mi i gat mi laik tokim Nesanel Gavman na Provinsel Gavman inap yupela apim pe bilong ol kaunsel.

Na tokaut long pipel long pablik i ken luksave amas baset plen mani alokesen bilong kaunsel bai brukim na plenim na karim sevis bilong gavman i go long ples na viles.

Bikos olgeta kaunsel bilong Nabak LLG wantaim Presiden bitong ol i save paulim ol pipel bilong Nabak.

Long dispela as tasol mi askim Nesanel Gavman long apim pe bilong ol kaunsel bilong wanem pe ol save kisim em liklik long ol na ol save stilim mani bilong pipel na gavman.

Na yupela pipel bilong wan wan kaunsel eria long Nabak na yupela pipel tu yupela save paul long makim ol wankain stil lain bai kamap kaunsel bilong yupela na stilim mani bilong projek na sevis na bai tokim yu olsem yu yet putim moni pastaim na bihain gavman bai putim hap na bringim sevis bilong gavman.

Em tok bilong ol kaunsel bilong Nabak eria.

Alokesen baset moni plen bilong wan wan ya i save go we na ol save tok olsem.

2007 em taim bilong nupela kaunsel memba, nupela kaunsel presiden. Yu husat agensim o sapatim yu kam tasol mi wetim yu stap.

**ROBERT NAIQ
 GOLDIE RIVA BAREKS
 SENTRAL PROVINS**

Siti, taun na ples i bagarap

Dia Edita

Mi laik autim wari bilong mi i go long gavman.

Inap Papua Niugini gavman daunim prais bilong kaikai i kam daun olsem taim bipo.

Sapos yu i no laik long daunim prais bilong kaikai i kam daun orait larim ol husat turangu manmeri na pikinini ol i ken salim buai, simuk na kaikai na sevim ol na i stap.

Em bai gutpela. I nogat lo long stopim, pasim maus na daun prais bilong olgeta samting i kam daun olsem bipo taim.

Yu husat brata o susa i laik sapatim rait tasol long Wantok Niuspepa na mipela lukim.

**MELTON RIMBO
 BOROKO
 NCD**

Tok bilong God na het bilong yu

Dia Edita

Mi LAIK bekim pas bilong brata P.I. bilong Lorengau, Manus long 07/07/05, het tok - Yupela i paul yet.

Brata P.I. yu tok olsem mi paul long lo bilong God, tasol yu save long as tru bilong Matyu 22:37-38 long laikim God long bel, tingting na strong o nogat.

Sapos yu glasim gut dispela tok bai yu save olsem tok ya i stap bipo yet long Ex 20:3-11, na sapos yu glasim gut wantaim spirit tru tru i kam long God bai yu save olsem dispela tok long Ex 20:3-11 ya i stap bipo yet long Gaden Iden na dispela tok yet em God ya.

Brata dispela lo i stap long Matyu 22:39 o Ex 20:12-17 em olgeta hap long graun i gat wankain lo, ol Muslims o Indus o Mamons o Gavman bilong yumi tu i gat wankain lo.

Tasol dispela lo long Matyu 22:37-38 o Ex 20:3-11 ya i no wankain long ol narapela lotu o gavman. Sapos yu laik lotuim God Jehova, God bilong Abraham, Aisak na Jakob orait, yu i go insait long dispela banis long Matyu 22:37-39 o Ex 20:3-17 na yu resis long winim prais bilong laip.

Nogut yu aipas na sapatim dispela man i bin fulfilim profesi Daniel 7:25 long 7 Mas 321 AD na yu bungim Revelesen 13:16-17 na bai yu fulfilim Amos 8:11 na yu tuleit olgeta.

Long ai bilong God mi tok olsem, mi i no i stap memba bilong wanpela sios, o misin long dispela graun, na tu mi i no fosim yu long joinim wanpela misin olsem SDA save luksave long sabat, nogat, kipim trupela lek mak bilong Jisas Kraus tasol, em nogat poseson, nogat biknem, nogat kastom lo, nogat nem misin, na stap long lo na pasin i kam long papa wanpela tasol.

**PETER TILINI
 LAE**

God em i papa bilong de sabat

Dia Edita

Inap yu givim mi liklik spes long mi stretim tingting bilong brata David Gorua bilong Uppa Asaro, Goroka. Pas bilong em i kamap long Wantok Niuspepa long Mei 26, 2005. Het tok long pas bilong em i tok olsem, God i les pinis long sabat. Na em i tok moa olsem, i nogat wanpela hap Baibel ves we em i tok long olgeta manmeri mas lotu long de sabat.

Yes, brata mi ridim olgeta Baibel ves yu raitim i go daun long pas bilong yu, tasol i luk olsem yu i no klia long tok bilong God yet. Sapos yu klia gut long tok bilong God, bai yu inap klia wanem mining bilong de sabat.

Sapos yu ridim buk Genesis 2:2-3 em i tok olsem, God kamapim dispela graun insait long 6-pela de. Na long de namba 7 em i pinisim wok bilong em na em i malolo. 3-pela samting em mekim long dispela namba 7 de sabat. Em i malolo, em i blesim na em i kamapim dispela namba 7 de holi.

Na God putim dispela de sabat bilong yumi olgeta manmeri bilong dispela graun, maski yu Jew o i no Jew, God i putim sabat bilong yumi lotu. Yumi ridim Exodus 20:8-11, Isaia 13: 14, Revelation 14: 6-7. Jisas Kraus em i lotu long de sabat taim em i stap long dispela graun, Luk 4:16, 31, 6: 6, 13: 10. Ol aposel lotu long de sabat, i no Sande. Aposel 13:13-14, 42, 44, 17:1-2, 18:4. Heven bai yu i go lotu long de sabat, i no Sande, Isaia 66:22-23.

Brata yu ritim ol dispela Baibel ves antap na bai yu klia olsem sabat em de bilong lotu, i no Sande. God em i no les long de sabat. Yu yet les long lotu long de sabat. Em tasol na sapos yu laik save moa long de sabat, rait i go long Wantok na bai mi lukim.

**RONNIE KENGI
 MENDI
 SAUTEN HAILANS PROVINS**



Yama na Yali pait long wanpela bun pik

MEMBA bilong Usino-Bundi, Peter Yama na Memba bilong Raikos, James Yali nau i pait long wanpela bun bilong pik. Dispela bun bilong pik em sia bilong Gavana bilong Madang Provins.



TOK PISIN
wanpela
PETER MAIME

Mista Yali i bin stap gavana bilong provins inap tripela yia nau bihain long 2002 Nesenel ileksen. Tasol long de 15 long dispela mun, Madang Provinsel Asembli i bin bung na votim Mista Yama olsem nupela gavana bilong Madang. Mista Yama i bin stap long dispela miting tasol ol arapela nesenel memba bilong Madang Provins no bin stap. Dispela vot bilong Mista Yama i bin kamap bihain long Mista Yali i kisim wanpela Nesenel Kot Oda na stopim dispela Provinsel Asembli miting. Nesenel na Suprim Kot jas, Moses Jalina, taim em i givim

Kot Oda, em i tok, ananit long lo, taim Nesenel Palamen i sindaun, bai i nogat Provinsel Asembli miting long ol provins. Dispela Kot Oda i bin stopim Deputi Gavana, Buang Kiup long singautim ol provinsel memba na holim asembli miting. Maski long Kot Oda i stap, Mista Kiup i go pas long holim Provinsel Asembli miting na asembli i votim Mista Yama. Namba long dispela asembli miting em 18-pela na planti bilong ol, em ol presiden bilong ol Lokel Level Gavman. I gat 26 memba long Madang Provinsel Asembli.

Mista Kiup i tok long dispela asembli miting olsem as bilong rausim Mista Yali em, Mista Yali i brukim lo long patim wanpela man na nau i stap long gud bievia bon, na tu em i stap long Nesenel Kot long reip sas long wanpela skol meri. Mista Yama i tok, grup bilong em i bihainim lo. Em i tok, ol i no holim wanpela asembli miting. Dispela bung ol i holim em wanpela "Ekstra Odiner" miting long rausim Mista Yali na votim em i go long sia bilong gavana. Tasol ol majistret bilong Madang Distrik Kot i luksave long dispela Kot Oda na i tok nogat long givim Mista Yama luksave, olsem em nupela gavana bilong provins. Ol majistret i les long kisim sas bilong sakim Kot Oda. Mista Yama i tok em i kisim edvais long ol loya bilong em na ol pasin ol i bihainim long makim

em gavana i stret ananit long lo. Mista Yali i strong olsem em i gavana yet na Provinsel Asembli miting long 15 Julai i sakim Nesenel Kot Oda. Em i redim pinis sas long kotim Mista Yama na Madang Provinsel Asembli long sakim Nesenel Kot Oda. Dispela sas bai kamap long kot long neks mun. Long dispela taim, maski yumi kisim tingting bilong loya bilong Mista Yama, long loya bilong Mista Yali, o edvais bilong Atoni Jenerel Opis, edvais bilong Provinsel Afeas, o long tingting bilong Spika bilong Nesenel Palamen, Jeffery Nape o Inta Gavman Rilesens Minista, Sir Peter Barter, Nesenel Kot i gat fainet disisen. Nesenel Kot i gat las toktok long mekim husat i papa tru bilong dispela wanpela bun bilong pik bilong Madang.

WANTOK KOMENTRI

Wanem rot bilong Bogenvil nau?

LONG Sande bilong dispela wik, man husat i bin kirapim bikpela pait we inapim 10-pela yia olgeta i lusim laip bilong em.

Bai yumi ken tok olsem PNG i lusim wanpela bikpela lida man bilong em tu o nogat?

Sapos yumi lukluk long ol samting Leit Ona i bin kamapim, bai inap long mak we em i ken kisim luksave bilong kantri olsem wanpela lida husat i tingim ol pipel bilong em?

Tru tumas, planti manmeri bilong Bogenvil yet na tu ol wantok bilong ol arapela hap husat i bin lusim laip bilong ol long han bilong ol pait man bilong Ona.

Tasol em i bin pait long wanem samting tru?

Sapos yumi skelim as tingting bilong olgeta samting Ona i mekim i kam inap long taim we gutpela sindaun i kirap bek long Bogenvil, yumi bai lukim olsem Ona i bin laikim ol pipel bilong Bogenvil long kisim stret pei bilong olgeta samting bilong graun we i bin lus bihain long main i kirap.

I tru olsem taim ol biknem man i save lusim laip bilong ol, bai planti gutpela samting ol i mekim long laip bilong ol bai kamaut. Na i tru tu olsem long sait bilong Ona, bai i gat ol manmeri i kisim narapela tingting long en.

Tasol traim na glasim dispela man Francis Ona.

Em i bin wanpela bikpela papa graun bilong Bogenvil. Em i bin luksave long mak bilong ol gutpela samting we ol pipel bilong em i mas kisim.

Na taim em i lukim olsem ol pipel bilong em bai no inap long kisim samting, em i bin go bek long as ples bilong em, na banisim em yet gut tru.

Bikpela samting we em i bin karim wantaim olgeta hevi em i kamapim, em laik na bihain taim bilong ol pipel bilong Bogenvil.

I tru olsem planti i bin lusim laip bilong ol, na i tru olsem sindaun bilong kantri i bin bagarap.

Tasol sapos Francis Ona i no bin kirapim pait bilong stretim sindaun bilong ol pipel bilong em long bihain taim, bai mipela i gat ol gutpela na strongpela gavman polisi long taim bilong sanapim ol nupela pait?

Bai mipela i gat luksave long sindaun bilong ol as ples lain we wok maining i kirap long en?

Bai mipela i wokabout long rot bilong statim nupela otonomes gavman bilong Bogenvil o nogat?

I gat planti samting we yumi ken tok olsem Ona i bin kamapim na bagarapim. Tasol i gat ol samting i stap we gavman nau i luksave long en, ol bisnis nau i luksave long en, na mipela olgeta i kisim skol long en.

Dispela em sampela samting we mipela i mas tingim wantaim indai bilong dispela bikman bilong Bogenvil.

- Em i soim tru tru pasin bilong Papua Niugini na Melanesia we em i bin redi long lusim laip bilong em long holim pasim graun bilong em;
- Maski planti manmeri i bin agensim ol samting em i wokim, Ona i no bin abrus long as tingting long olgeta samting em i wokim kamap;
- Long taim bilong traim, olsem long taim bilong namba wan Bogenvil Otonomes Ileksen, Ona i bin luksave long rait bilong ol pipel long vot; na las tru,
- Mipela bai no inap lukim wanpela lida gen olsem Francis Ona. Na sapos mipela i no givim luksave long ol bikpela lida bilong yumi husat i givim bikpela hap bilong laip bilong ol long sanapim, strongim na karim dispela kantri i go het, bai ol i tus nating olsem Ona i lusim ol pipel bilong Bogenvil.

Plantai bai gat tingting olsem wok long Bogenvil bai i go het gut nau. Tasol bikpela sore bai stap tu wantaim planti Bogenvil manmeri husat i bin bilip long strong bilong Ona. Na nau taim olgeta rot bilong painim gutpela sindaun i wok long stret, man husat i bin dispela rot bai no inap stap long lukim pinis bilong em.

*I go moa nau long wok lidasip bilong Abraham...

Abraham i luksave long Blesing

ABRAHAM i pas wantaim God na larim em yet long Han bilong Yaweh, Abraham i luksave long planti gutpela Blesing bilong God.

Namba wan, God i bleswantaim planti em wantaim planti animol - sipsip, meme, kamel, donki na bulmakau. [Gen: 2a; 24: 35ff] God tu i blesim em

wantaim gol na silva. Baibel i no tok klia olsem Abraham bin gat silva o gol main olsem Wafi Gol Main. Tasol God i save blesim em wantaim gol na silva long wok bilong bisnis wantaim ol narapela lain o tokples. [13:2b] Narapela samting God i blesim Abraham wantaim ol wok manmeri (servants) olsem Genesis 12:16 na 20: 14 i tokaut klia. Planti wokboi na meri i no kam long Hibru. Ol i kam long Isip na ol ples klostu long dispela graun God i makim. Ol wokboi na wokmeri i wok insait long wok bilong menesim haus sel bilong Abraham, menesim ol animol na wok mani bilong Abraham.



Ol prinsipol bilong gutpela lida wantaim Evangelist OHARE JABERE

Kranki pasin bilong Abraham (wiknes) Abraham em i man bilong graun olsem na maski em i gat gutpela bung wantaim God Yaweh tasol em i bin soim sampela kranki pasin. Em i bin pret tru

long king bilong narapela kantri i stap klostu long graun God i bin soim em. Pret long laip bilong em yet, Abraham tokim Sarah long em i mast ok olsem em i susa bilong Abraham olsem bai King bai larim em stap laip. [Gen 12: 10-16] Tasol God i gat narapela rot olsem na em i kisim bek Sarah long han bilong King taim King i kisim sik na soa. King i larim Abraham na Sarah go bek long graun God i bin soim em wantaim kago, kaikai, wok manmeri na animol. Abraham tu i bin mekim wankain pasin long meri bilong Sarah, lukim Gen 20: 1ff.

Abraham i pasin traim Long Genesis 22: 1ff, God i laik testim Abraham long lukim

olsem Abraham bai pundaun long traim mi bai givim o nogat. Long dispela traim God laik luim sapos Abraham inap pret o tingting planti long bihainim maus bilong God o nogat.

Tasol Abraham i soim em inap tru long kilim Aisak olsem ofa i go long God, tasol God i larim Aisak i go.

Dispela traim i soim Abraham i trupela wokman bilong bihainim laik na tok bilong God.

Lidasip poin

Lida mas pas wantaim God olgeta de long mekim wok. Maski wok i bikpela tru, maski wok i nupela, maski lida i nogat save long dispela wok. God bai go pas long em, stap bilong God bai pas wantaim em.

WANTOK
Published Weekly, Wednesday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: 325 2500
Fax: 325 2579
Email: word@global.net.pg

Pe bilong wanpela yia 52 niuspepa

| | |
|-----------------------|------------|
| Ples: | Air: |
| PNG | K140.00 |
| AUSTRALIA | US\$100.00 |
| ASIA PACIFIC na JAPAN | US\$80.00 |
| AMERICA na EUROPE | US\$150.00 |

General Manager
Justin Hansu Kili

Editor
Neville Choi

Published by Justin Hansu Kili, MBE of Section 58, Allotment 3, Office 2, Waigani Drive.

Word Publishing Company Limited is owned by the four major churches of Papua New Guinea - Catholics 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

First Informal Sector Skills Expo 13th - Community Justice Liaison Unit in partnership w

GINIGOADA

Ginigola i bin stat lon 1997 wantaim strongpela tingting long "Learning for all" o lainim em i bilong olgeta.

Mi bilip strong olsem lainim em i bilong olgeta manmeri.

Na mipela i kamapim "Ita kara o Yumi wokim na sapos i go het gut, pipel i ken go insait long maikro fainens skim. Mipela i holim ol miting i go na i kam inap mipela i statim samting long wanem, mi strong na mi no givap.

Mipela i bin kirapim bisnis na skils trening senta na kisim ol lain long givim trening.

Na kisim fanding o mani helpim long wokim dispela long AusAID.

Mipela i bin laik go insait long maikro fainens na olsem, wanpela wok stadi i bin kamap long dispela wantaim helpim gen bilong AusAID na Esia Developmen beng. Na mipela i kirapim Bisnis developmen.

Bilong wok long go het gut, mipela i bin kirapim opis long Koki na Ginigoada i bin kamap.

Em i min olsem go long ol hap na pipel we nogat i bin pastaim na lukluk



• Kelly Kaekin i soim save na trening em i gat long wokim ol klei pot. Em ibin winim pes prais long poteri seksen.

long givim namba tu sans long ol dispela we fomel sekta i no givim ol sans. Long inapim dispela, bai mipela i mas gat helpim mani long ausait.

Tasol mi wanpela i save bilip strong long lainim long save na wokim em i bilong olgeta, Dame Kidu i bin pinisim toktok bilong em olsem.

Toktok bilong Dame Carol Kidu.



• Dispela ripota, bilong Saplimen, Elizabeth Solomon-Babate i sanap kisim toktok bilong tupela bikman meri. Dame Carol Kidu i bin opim dispela Ekspo na Siaman bilong Pot Mosbi Semba ov Komes, David Conn i bin stap tu.



• Pot Mosbi Arch Daiosis soim save bilong wokim pepa basket yusim olpela telefon darektorl pepa



• Yasap PopoItai, Sinia Plening Opisa bilong Nesanel Plening Opis, Priscila Kare bilong YWCA, Siameri-Infomel Sekta Komiti lukluk.



• Kelly Kaekin i soim sampela ol jar na pot na kap em i wokim pinis.



• Kelly Kaekin bilong Erima Ats Senta i bisi tru long wokim pot. Pes de bilong Ekspo, ol yangpela i sanap raunim em long kisim sampela skul.



• Dispela grup ol i kolim Komes saksak sup spun ol save maononi na helpim sindaun bilong

15th July, 2005, Sir John Guise Stadium with NCDC and Ginigoada Bisnis Development Inc.



• Tupela meri Papua i soim ol stall klos na laplap ol i save samapim. Kain liklik bisnis ektiviti i save bringim moni i go long hauslain.



• Waigani Unalted Sios Felosip meri i sindaun smail taim ol visita, ripota i go iuktuk raun long ol klos ol i samapim.



• Waigani Unalted Sios wimens Grup tu ibin soim sampela ol skil trening ol i kisim long samapim klos na kukim kaikai.



• CDS em wanpela komyniti bes ogenaisen husat i bin tek pat long Infomel sekta ekspo. Ol i putim planti gutpela infomesen bilong kirapim liklik bisnis na arapela prosek.



• Koukou Backyard i bin salim ol mekim na salim bilong kisim bilong ol long wanwan hauslain.



• Aninit long rihebilitesen program bilong CIS, i gat yam prosek istap tu long ekspo. Hia tupela opisa i go pas long yam prosek i soim ol yam we ol kalabus i planim na i karim kaikai.



• Angli-care Stop Aids i pulim planti yang pipel i go long ridim ol ripot na kisim skul long rot bilong abrusim sik Aids.

INFOMOL SEKTA SKILLS EKSPLO

Trening bilong givim save long ol wok i ken helpim laip na sindaun- Plen bilong daunim Kraim o trabel

Bekgraun o Tok klia

SKILLS Trening o trening long kisim ol laip skil i save helpim ol manmeri em i wanpela gutpela rot bai helpim ol yangpela man na meri long go insait long ol wok ol i ken kisim mani long em. Em i wanpela gutpela rot tu long helpim ol yangpela man na meri na ol i noken go insait long ol kriminal aktiviti o wokim trabel we i kamapim lo na oda hevi long PNG.

Long wanpela ripot asesmen ol bin karimaut, ol bin painim olsem i em i hat long painim maket long salim ol samting we ol i wokim. Ol lain husat i bin kisim skills trening i painim hat long salim ol samting ol i wokim bikos i nogat maket bilong ol. Taim i nogat maket long o rot bilong kisim mani long em, pipel i save go insait long ol kriminal aktiviti. Bikos mipela i no inap long givim wok, mipela i bin kisim tingting long kamapim ples we ol i ken salim ol prodak na kisim mani long em.

Long dispela as, mipela i bin tingting long holim infomol Sekta Skills Ekspo. Na mipela i wok patna wantaim NCDC long holim dispela long Sir John Guise Stadium long Julai 13 inap long de namba 15. Bikos ripot we i gat ol asesmen long glasim na skelim skills trening na rot bilong kamapim mani long en bai kamap yet mipela i lukim dispela olsem sans long ol lain we i bin kisim skills trening long mekim na kamapim samting long ol save ol bin lainim na kamapim mani bilong ol yet. Infomol Sekta Skills Ekspo o so i gutpela bikos em i kamapim rot bilong ol lain i go insait na ripot na asesmen i ken kamap.

Ol Objektif o as tingting bilong infomel sekta Skills Ekspo

- Long kamapim rot we ol lain i bin kisim skills trening i ken gat sans long maketim ol prodak bilong ol. Dispela ol save em ol i kisim long ol trening ol bin kisim long ol wan wan eria intres bilong ol.

- Long helpim ol lain i nogat sans tumas long mekim wok we ol i ken pulim mani long em. Long wankain taim tu, dispela bai helpim ol long abrusim ol bikhet pasin o kraim.

- Long promotim skills trening (bilong strongim) olsem plen long daunim kraim o trabel.

- Antap long ol dispela, infomel sekta skills ekspo o so em i wanpela sans bilong yumi long glaim na skelim na wokim ripot long ol wok kamap i karamapim ol lain husat i bin kisim ol trening long ol skills trening ogeaisesen long NCD.

Gutpela bilong Open De long Lo na Jastis Sekta praioriti na ol objektif o as tingting bilong sekta.

Open de i kamap long wankain tingting bilong :
OL Sekta Praioriti o bikpela samting sekta i laik wokim:

- 1- Impruvim sekyuriti na sefti insait long ol eben eria wantaim Pot Mosbi na em i namba wan ples long etresim

- 5- Sapotim ol wok developmen long ol progrem i kamap long ol provins na rurel eria bilong strongim sefti na sekyuriti bilong ol meri, man, ol pikinini, daunim kraim level aninit long ol plen we ol aspies lain o komyuniti i gat long en.

- 7- Go hetim ol progrem bai helpim ol yangpela na ol i noken tingting long wokim trabel na bihainim ol rot bilong stiaim ol yangpela trabel meka i stap gut.

Ol Sekta Objektif

- 1-Impruvim o kamapim gut sekyuriti na sefti
- 2-Mekim isi rot bilong kisim jastis
- 3-Promotim ol arapela rot na i no bilong salim mani



• John husat igo pas long Pot Mosbi Farmers Trening, soim rebit em isave skluim ol yangpela long lukautim. Taim ol rebit i bikpela, em isave helpim ol tu long go salim. CJLU i bin helpim em long ronim ol prosek taim em isot long risosis.

go long haus kalabus na impruvim o kamapim gut ol koreksen na rihabilitesen sistem.

Nesenel Lo na Jastis Polisi

Nesenel lo na Jastis Polisi we i sut long kamapim jastis o gutpela luksave na pasin long olgeta manmeri i foksia long :

- Ol sekta o grup i bung wantaim na wok
- Gutpela envaironmen polisi
- Aweanes long Lo na Jastis i go long olgeta komyuniti
- Kamapim patna namel long gavman, komyuniti na ol stekholda

Rot long ol sekta i wok bung wantaim we polisi i tokaut long en i mas noken kamap tasol long Lo na Jastis sekta ejensi, tasol i mas kamap tu long ol narapela lain gavman Dipatmen long kamapim ol ansa bilong wok long sotpela o longpela taim. Aninit long dispela, ol i bildim ol wok patna na link o netwok wantaim ol arapela gavman Dipatmen na ol NGO we i givim sevis we bai daunim ol yut o yangpela long wokim kraim o trabel.

Rot i givim insentiv o tingting

Komyuniti Jastis Liesen Yunit i tingting pinis long kamapim ol rot long givim mani o ol narapela samting i go long ol patisipens long ol bes o gutpela prodak ol bin putim long so long pablik i lukim. Mipela i lukim dispela olsem rot bilong strongim ol long yusim ol skil o save bilong ol na ol bai i bisu na i no inap long tingting long wokim trabel.

Mipela i kamap wantaim 4-pela kategori o eria we ol samting ol bin salim long ekspo bai kam aninit long ol. Em ol dispela:

Kategori 1- Ais na Kraf- Max Tinoi (Poteri o samting ol i kamapim long klei)

- Kraf- i karamapim ol bilum, met, basket, kaving, poteri,
- Apholsteri- Ol kusen, pilokeis na ol samting ol i wokim long wul olsem ol bitas samting bilong hangamapim long wol o haus.

Kategori 2- Ol Kaikai (DCA Kompaun na ol Wimens grup)

- Ol kaikai ol i beikim olsem keik, pitza na skon
- Ol kuk kaikai

Kategori 3- Ol Agrikalsa prodak (Sen Anne's Gerehu St G Gaden Bois)

- Poltri- Rabbit faming
- Pot Plenting
- Ol Kumu

Kategori 4- Manuel Skil o wokim ol samting long han (Kira kira yut grup, Kopa Biting)

- Kapentri
- Joineri
- Skalpsa

Jenerol Wutwok

Mipela i lukluk long ol dispela grup na kamap wantaim tingting long givim prais long ol samting we dispela 4-pela grup i wokim gut stret. Prais em mipela i givim ol vause o tiket long kisim ol samting long ol saplaia olsem:

- Kategori 1- Ais na Kraf**
Tiket Vause long Brian Bell
- Kategori 2- Kaikai**

Tiket Vause long Flame Intenesenel
Kategori 3- Ol Agrikalsa prodak
Tiket Vause long Brian Bell

NB: Ol arapela grup i bin kam insait long ekspo bai kisim ol konsolidesen prais tu.

Kategori 4- Manuel Skils
Tiket Vause long Kapentas Hatwea
Ol bin kisim prais long Fraide Julai 15 long Sir John Guise Stadium.

Toktok bilong Dame Carol Kidu long Infomel Sekta

I bin gat infomel sekta polisi i stap bipo?

Stat yet long yia 2002, mipela i bin gat developmen polisi bilong infomel sekta. Na taim mi kam insait long Palamen, mi bin pilim olsem yumi mas kamapim sampela senis long en. Na mi bin strong long kamapim lo bilong kontrolim infomel sekta. Mi bin no laik tru long lukim ol polisi i patim na mekim nabuat ol liklik pipel. Ol polisi i poinim gan long ol pipel, stilim mani bilong ol na mi kirap nogut stret olsem yumi nogat humen rait kot keis agensim ol polisi. Planti taim, polisi i yusim ol gan long pretim ol pipel long sotpela taim tasol.

Taim mi kamap Minsita bilong Wimen na Yut olsem ol bin kolim pastaim, NRS i bin givim luksave long Dipatmen bilong mi tasol nogat luksave i bin go long infomel sekta. i no bin maus long makim ol infomel sekta long dispela taim. Dipatmen i bin gat maus long makim ol meri na yut tasol i bin gat laik long luksave long infomel sekta.

Namba wan rot i bin kamap taim i gat luksave. Nau NEC i givim luksave, mipela i wok long sait bilong streit dispela samting.

Namba tu, mipela i bin kisim NCDC ektim menesa Iva Kola long mekim rot bilong mipela i kam aninit long NCDC. Mi bin tokim em olsem mipela i laikim sampela samting i mas senis insait long sili bilong ol infomel sekta. Mipela i bin laikim long kisim ol lain i gat ol kain save na dispela i go het yet. NCD i bin helpim long kamapim ol kain skil o save long infomel sekta tasol em i go daun i go long ol provins na save long rit na rait (literesi) we yu helpim ol pipel long putim mani long ol literesi progrem na risal bilong en em long kirapim ol mikro fainens beng na dispela i gutpela tru.

Namba tri em long kisim Kwality (strong bilong samting) na Kwantiti (namba bilong samting) Kontrol. Long dispela eria, mipela i mas gat Marketing Menesmen bilong mipela yet, maketing risets, klab bilong olgeta insait long kantri, na sek lis bilong olgeta kain prodak na gaden samting i stap insait long kantri. Mipela i mas painim ol maket we mipela i ken salim ol tumbuna

samting wantaim ol samting bilong tude.

Mi pilim olsem em i wok bilong gavman long kirapim ol progrem we ol grasrut pipel long kantri i ken kisim gutpela samting long en. Wanpela samting we gavman i ken mekim em long kisim ol projek we ol dona ejensi bai givim mani long en bai i ken helpim ol pipel na ol i ken glasim na skelim ol samting taim ol i redi na salim long maket.

Ol infomel sekta lain bai salim ol samting long maket.

Sampela ol rot long daunim ol hevi long maket.

- 1- Sapos mipela i kisim ol speselis o ol saveman long lukautim maket.
- 2- Yumi mas i gat gutpela rot long maketim wok risets bilong yumi
- 3- Yumi mas bihainim ol nupela senis i kamap insait long maket.

Long pasin bilong Hailans, maket kalsa em resis na kamapim wok. Olsem na yumi mas painim nupela tingting long ol nambis lain bilong yumi.

Ol Motu Koitabu pipel i gat les pasin. Tasol bai yumi helpim long strongim kalsa long wanpela rot i wankain bilong olgeta, tasol pastaim long yu go het, yumi mas luksave long kain tingting bilong ol pipel.

Long Motu, ol i mas lukluk long nupela tingting long wanem sekta em i hat na yumi mas bihainim ol rul o lo. Yumi no inap long tanim baksait moa.

Namba foa samting em long mani mak i antap moa long ol prodak long ol rurel eria. Olsem long Hagen we ol i groim ol bikpela patpela painap tasol ol i sting i stap. Yumi mas i gat ol pipel wantaim save long mekim jem. Mi tok olsem dispela taim mi tok putim manimak long ol rurel prodak na kotis bisnis.

Infomel Sekta olsem i kamap long sili i narakain. Long ovasis em bai mi givim wanpela eksampel bilong kantri Tailen we yumi ken bihainim insait long taun eria.

Long Tailen, ol i pekim ol banana tasol ol i no yusim tumas teknoloji. Dispela em infomel sekta i helpim infomel sekta yet.

Infomel sekta i ken kamap strong long sampela ples.

Yumi save toktok planti long Invesmen tasol planti ol ro prodak bilong yumi em ol i wokim long ovasis. Mi sanap lukluk na makim infomel sekta na tok dispela i bikpela samting. Gavman i no papa bilong mani., Samting olsem 5 pesen long graun em Stet i papa long em. Bikpela hap graun i bilong ol pipel. Mipela i mas painim ol ples bilong kamapim ol infomel maket na mipela i mas mekim ol ekspo. Mi lukim olsem Dipatmen inap long kamapim ekspo tasol mi laik lukim dispela kain samting i mas save kamap, wankain olsem Kraf so long Ela Bis we i save kamap long taim bilong em yet.

I gat ples ol i makim long Infomel Sekta long karimaut maket na sivil sekta i ken go maket long ol hap olgeta de. Em bai guupela sapos NCDC i makim ol hap stret bilong ol.

Sapos ol i ken menesim gut olsem long Tabari Ples o Koki. Ol lain i lukautim lo na oda i mas stap long ol ples we infomel sekta i karimaut maket long em na ol i ken sanapim stendet. Dispela i min olsem yumi ken pusim infomel sekta bil long sait bilong lukautim Kaikai Sefti we ol sivil patisipens i mas save long en. Fud Sefti Kos i min olsem bai ol samting i go moa gut, olgeta lain i salim kaikai i kuk i mas go long Fud sefti trening kos bihain long olgeta siksipela mun. Bai i nogat fi long sindaun long kos.

Buai na sigaret maket i kamap strong long infomel sekta. Ol lain i salim buai na smok i wok long kisim mani olgeta de. Sampela taim em i save hat, yu no inap salim ol i go long Hohola bikos ol bai lukautim rait bilong ol long kisim mani long en. Long lukluk bilong mi, i moabeta long ol lain i salim buai i go insait long maket tasol ol maket inspekta i mas putim strongpela was na pipel i noken kaikai buai insait long maket ples.

Mi no inap long tok oraitim pasin pamuk long go het long kantri tasol long wankain taim tu, kisim ol lain i papa long ol haus pamuk (pimps) na ol klain o ol lain i save kisim sevis i go long kot. Olsem na yumi mas developim infomel sekta na givim wok long ol pipel taim yumi skelim ol nupela samting.

INFOMEL SEKTA SKILLS EKSPLO RIPOT

Tok klia:

OL bin holim Infomel Sekta Skills Ekspo long Julai 13 inap long 15 long Sir John Guise Stadium bilong promotim skills tening o strongim ol grup long ol samting ol i ken mekim olsem pten bilong putim banis long kraim o trabel na long opim rot long ol pipel i kisim trening long kisim mani long em.

Skills Ekspo i sapotim beis lain sevei we jastis Edvaiseri grup wantaim Nesenel Rises Institut i bin karimaut we long wanpela, i bin soim olsem nogat wok em i wanpela as long lo na oda hevi.

Olsem yumi lukim pinis, Ekspo ya i kamapim sans long long ol lain i gat save long kamapim ol samting na salim bilong kisim mani long lukautim ol yet na abrusim na daunim ol trabel.

Ekspo i bin gutpela tru maski ol bin kamapim long traime tasol. i bin gat moa long 20 stol o ol liklik haus we ol patisipens i bin kam olgeta tu long Bomana.

Hia em nem bilong ol grup we i bin stap long ekspo:

- Ol kalabus meri long Bomana
- Gerehu Stej 6 manki
- Kira Kira yut grup
- Koukou Bekyad Gaden grup

- Rock of Ages Yut grup
- PNG Rivaivel Wimens Felosip
- Wod 11-Gerehu Yut grup
- DCA Kompaun Wimens grup
- Pot Mosbi Famas Trening Senta
- Gereka Wimens grup
- Katolik Famili Sevis
- Badili vokesenl Senta
- Salvesen Ami Jevenail Senta
- Onsobera grup
- Waigani Yunaitet sios felosip na ol narapela wan wan man husat i bin putim ol liklik haus long tripela de bilong ekspo.

Antap long ol dispela i bin kam long soim ol samting we ol i mekim, i gat ol narapela husat i bin kam long autim ol infomesen olsem Komyuniti Developmen Skim, ICRAF na CIMC (infomol sekta lo aweanes), Anglikea Stop AIDS na Emploimen Orientet Developmen progrem/Skills trening Risos Yunit em han bilong vokesenel edukesen sistem.

Ol patisipenji i bin laikim moa ptes long karimaut maket bilong ol, long yisim ol skil o save na ol i ken bisu long wok na abrusim ol kraim o tingting long wokim trabel. Ol i bin mekim klai olsem em i hat long salim ol samting we ol i wokim bikos i nogat maket i stap long salim ol.

Ol bin singaut long CJLU long kamapim moa maket long ol. Long sait bilong stopim na daunim ol hevi, skills trening i ken helpim long stopim ol trabel sapos i gat sans long ol save lain i stap insait na wanpela rot em long maket.

Ol i ken kamapim ol samting long save ol i laikim tasol sapos i nogat maket long ol prodak bilong ol, ol i tok save ol i tainim em i samting nating na ol i save painim ol rot i no gutpela long helpim go hetim sindaun na laip bilong ol.

Tasol ol patisipens i bin autim tok amamas long CJLU long kamap wantaim dispela tingting long holim ekspo na ol i askim long moa so olsem i mas kamap long bihain taim.

Ol i tok bikos CJLU i kamapim tingting long namba wan eskpo, ol i laikim em (CJLU) long kamapim moa so na bai i gat maket long ol samting bilong ol na tu, kamapim gutpela rot bilong daunim kraim o trabel.

Stori na ol poto i kam long Elizabeth Solomon-Babate



Sharzy bai kukim ples

Andrew Molen i raitim

NAMBAWAN musik atis bilong Solomon Ailan, "Sharzy" bai i kam kukim nambis bilong Papua Niugini long mun Ogas na ol manmeri i redi tasol long lukim na harim musik i kam long maus bilong em yet.

Ol ogenaisa bilong dispela bikipela musik tua i tokaut long en

na bikipela sponsa SP Brewery aninit long "SP Lager" prodak bilong ol dispela wik.

Dispela musik tua ol i kolim "SP Ailan Wei Tour" bai i kisim Sharzy i go raun olsem long Lae, Madang, Kokopo na Pot Mosbi we wan wan ol lokel ben na atis long dispela ol ples bai i sapotim pilai bilong em.

Long Lae bai em i pilai long Club 69, Madang long Pil's Rappa,

Kokopo long Club Mil na long Pot Mosbi em Pot Mosbi kantri klab na Player's.

"Mipela i amamas long kisim Sharzy i kam bilong wanem mipela i save olsem em i gat planti sapota long PNG husat i save laikim musik bilong em," maketing menesa bilong SP Brewery, Albert Veratau i tok.

Tok bilong mista Veratau i no

kranki bilong wanem planti singsing bilong Sharzy long "YumiFM weekly hit parade" i save stap namba wan longpela taim tru.

Kain singsing bilong em olsem Mi Nao i bin stap 7-pela wik oigeta long namba wan ples.

"Insait long wanpela de mipela i ken kisim olsem 12-pela rikwes i kam long ol man husat i laik harim

wanpela singsing bilong Sharzy," Kas-T bilong YumiFM i tok.

"Dispela i soim olsem i gat bikipela sapot long ol pipel long PNG," Mista Veratau i tok.

Em i tok tu olsem planti manmeri i harim olsem Sharzy bai i kam na ol i kalap kalap i stap long lukim em i kam pairap long hia.

Hepi Bondei Ia Lao FM Central Dekenai

YU KEN kisim liklik luksave wantaim intanesenel musik wantaim Ngaiire long Klab 69 na Gold Klab o dring ret wain wantaim ol bikipela pes long namba 50 bondei kaikai bilong Telikom long Crowne Plaza hotel, o kukim danis wantaim Dadiigii long Hagen.

Tasol pati bilong pinisim oigeta pati bai pairap long redio long dispela wiken insait long Pot Mosbi taim hari be do FM Central ena pati badana ta do idia abia mai inai tanobada lalonai - taim FM Central i amamasim bikipela bondei pati bilong ol na ol sapota bilong ol.

Em bai namba wan bikipela pati tru long graun, we bai em i bikipela na winim oigeta arapela pati i kamap pinis long dispela yia.

Dispela Hiri Motu redio stesen bai amamasim namba 5 yia bilong em i wok insait long redio industri bilong kantri long dispela Sarere long Pot Mosbi Kantri Klab. Faivpela biknem ben bilong Sentral provins na samting olsem 2000 manmeri bai bun na danis long amamasim bondei bilong namba wan redio stesen bilong ol. Na oigeta bai singaut Maoro!!

"Mipela lukluk long mekim dispela pati bai bikipela pati nait tru na oigeta manmeri bai i mas amamasim gut. Mipela bai karim ol tru tru nek bilong wan wan biknem ben bilong Sentral bai kamap long POMCC long dispela Sarere nait i kam, na mi bai amamas tru long tok olsem oigeta dispela ben bai kam pilai," Tasman Samuel i tok. "Mipela wok long wok redi long mun Mas yet i kam na nau oigeta samting i redi pinis."

Tasman em i namba wan yangpela redio stesen Jenerel Menesa insait long redio industri long PNG na em i lukautim 20 wokmanmeri. Em i makim oigeta pinis long lukautim gut ol lain manmeri husat bai stap long Sarere nait.

"Mipela bai soim ol bikipela Hiri Motu ben musik bilong leit 60s na 70s na eli 80s olsem Kirokiro Ben, Krymus Ben, BB Kings, Bamogu Union na long pinisim gut em namba wan lainap bilong ol Paramana Strangers bai pairapim musik bilong ol."

Tasman i tok em i no isi wok long stretim oigeta musik bilong dispela Hiri Motu Musik Festival long



wanem ol dispela ben i stap long ol liklik ples bilong Sentral provins na toktok i save painim ol long maus bilong ol famili bilong ol i stap insait long siti.

Plantu long ol memba bilong ol dispela bikipela Motu ben em ol i marit pinis o i go painim ol arapela wok, olsem Bamogu Union bilong Gabagaba we ben lida bilong ol, Karo Gamoga i wok olsem loya long Lae na tupela memba bilong ben i kamap pasto na i wok insait long ol bikipela bus ples long Rigo Distrik. Laspela yangpela memba bilong ben Noel Asi em wanpela tasol we ol i painim.

Kirokiro Ben bilong ples Waima long Hiritano haiwe em ben lida bilong ol i wok long Lae nau.

Ol memba bilong Krymus Ben i wok long pairapim musik bilong ol yet long Roku, Westen Hiri. Namba wan bikipela singsing bilong ol em Paisi Gabua, we ol i bin raitim bilong namba wan pikini-bilong Sentral, Martin Beni.

"Na tu i gat ol BB Kings, pawahaus ben bilong Babaka Viles long Hula, na mipela i laki tru long painim ol Geno brata, Vagi, Kiki na Navu, ol namba wan nek bilong Paramana Strangers."

Mi bin wanpela long planti ol lain bilong arapela ples husat i bin 'bikipela' wantaim musik bilong ol dispela bipo ben long 1970s long Pot Mosbi long taim tru pastaim long ol ben bilong Is Nu Briten i brukim musik maket wantaim Tolai rok bilong ol, na mi bin pilaim oigeta dispela motu singsing planti taim tru long redio. Nau ol i save pilaim yet, na tru tumas, nek bilong ol i kraik wankain yet

olsem 35 krismas bipo.

FM Central i bin traime wanpela konsert bilong bung bek gen long 2001, wanpela yia bihain long ol i kirap long traime hoim strong ol motu musik bilong bipo.

Sampela long ol musik grup long 60s na 70s husat i bin danis na kalap kalap antap long stes em ol Kopycats, Purple Haze na ol arapela, tasol i no bin gutpela tumas. Tasol nau ol i klia long mekim pinis.

Las yia FM Central i bin mekim wankain samting gen aninit long 'bondei bilong stesen', na pilis, oigeta manmeri long provins i bin kamap. Em i bin wanpela gutpela nait tru na planti sapota bilong ol i askim ol long mekim wankain samting gen long dispela yia.

Tasman i tok olsem stesen i lukim ol Papua marit long brum i kam long dispela pati long wanem em ol dispela lain tasol husat i bin bikipela wantaim ol dispela musik. Na planti long ol i no seksekim lek bilong ol inap long 20 krismas nau.

"Plantu, o nogut oigeta yet bai kamap wantaim ol pasifik siot bilong ol na kirapim das long dens floa. Na sapos lek bilong ol i no inap strong moa, bai ol i strongim yet long soim olsem ol i gat strong yet."

Taim em i stat long namba 31 de bilong mun Julai 2000, stesen i wok long painim hat long pulim ol sapota na mani. Bikipela hevi ol i karim nau em hap we studio bilong ol i stap long en. Em i stap long namel bilong provins stret.

Tasol long tripela yia i go pinis, FM Central i mekim wok bihainim luksave olsem ol i stap long ples we planti wok bisnis bilong ol i save kamap.

Stesen yet i kamap nupela rijinel wok program we 85% em ol i mekim long Hiri Motu na 15% em ol i mekim long tok Inglis. Ol i kamapim ol nupela rot bilong mekim ol program na ol nupela sels plen. Em nau bisnis bilong stesen i wok long go bikipela moa insait long Pot Mosbi.

"Mipela save kisim ol ripot olsem siknel na ol program bilong mipela i save go oigeta long Alotau na



• Sarah Lofena anaunsa bilong 89.9 FM Central..Maoro!!

Kerema," Tasman i tok. "Tasol mipela no inap long go long ol ples olsem Abau o Goilala na antap tasol long Sogeri, tasol mipela i wok long wok hat long traime pulim siknel i go insait long ol dispela distrik."

Mi gat wankain bilip olsem jenerel menesa olsem stesen i mas go long oigeta hap bilong Sentral provins, long wanem em i wanpela Hiri Motu redio stesen, olsem na mi no luksave long Gavana Alphonse Moroi husat i tromoi planti tausien kina long pulim siknel bilong wanpela Inglis redio stesen i stap aninit long lukaut bilong nesenel gavman. Nogut planti long ol pipel bilong Goilala bai no inap klia tumas long tok ples bilong dispela stesen.

Tru tumas, sapos gutpela gavana i tingting gut long bungim ol vot bilong em bilong 2007, em bai tromoi mani long ol redio stesen we bai i ken karim gutpela kaikai bilong ol pipel bilong em olsem FM Central o Radio Central bilong NBC husat i nogat inap mani bilong opim ol redio sevis bilong ol.

"Samting FM Central i promotim em provins i mas luksave long gutpela musik mipela i gat bipo na ol musik bilong oigeta distrik i mas kamap long redio bilong ol pipel long harim na amamas, na namba wan rot bilong mekim dispela em long wanpela laip konsert we ol tru

tru singa na musik atis i pilai long dispela wiken. Olsem na mipela i singaut long oigeta manmeri long kamap."

Sapos dispela wiken i ron gut, stesen bai kamapim wanpela arapela long Niu Yia taim FM Central i lukluk long mekim wanpela so bilong ol ben na musik atis bilong Koiari, Sogeri, Goilala na ol distrik long Hiritano Haiwe.

"So bilong ol dispela biknem ben long Sarere i no fri na stesen i baim ol dispela ben long wanem mipela i save olsem ol pipel i laikim musik bilong ol," Tasman i tok. "Na mipela laik tok tenkyu long ol sponsa bilong mipela, Tolokuma Gold Mines, Metal Refining Operations, Telikom PNG, P.B.C Cash & Carry Koki, Police & State Services Savings & Loans Society na SP Brewery.

We sapos ol i no kam givim sapot bilong ol, dispela bikipela pati long graun bai no inap kamap."

Wok promosen long dispela pati i stat yet long mun Jun. Ol tiket em K25 long wan wan na ol i wok long pinis hariap. Olsem na, Pati Badana Momokani Tanobada Lalonal Mai Moale FM Central ida...Maoro!!

Yu ken ridim oigeta stori bilong PNG Musik and ol nara-pela atis insait long Wantok Niuspepa na The National tasol.

EMTV GAID

| Fonde 28/07/05 | | Mande 1/08/05 | |
|----------------|---|---------------|---|
| 5.29AM | G STATION OPEN | 5.27AM | G STATION OPEN |
| 5.30AM | G JOYCE MEYER | 5.30AM | G JOYCE MEYER |
| | MINISTRY: "LIFE IN THE WORD" | 6.00AM | G NATIONAL NINE NEWS |
| | Religious programme | 6.00AM | G MALOLO CLUB |
| 6.00AM | G NATIONAL NINE EARLY MORNING NEWS | 11.00AM | G CREFFLO DOLLARS |
| 7.00AM | G TODAY | 11.30 | G EMTV PRIME LINEUP |
| 9.00AM | G CREFFLO DOLLAR | | KIDS KONA |
| | Religious programme | 2.30PM | G BANANAS IN PYJAMAS |
| 9.30AM | G EMTV PRIME LINE UP | 3.00PM | G NEW MACDONALD'S FARM |
| | KIDS KONA | 3.30PM | G JOHNNY BRAVO |
| 2.30PM | G BANANAS IN PYJAMAS | 4.00PM | G HOT SOURCE |
| 3.00PM | G NEW MACDONALD'S FARM | 4.30PM | G FOREIGN EXCHANGE |
| 3.30PM | G WHAT'S NEW SCOOBY DOO | 4.57PM | G EMTV TOK SAVE |
| 4.00PM | G Y - kids favourite science program | 5.00PM | G THE PRICE IS RIGHT MONSTER SHOWCASE |
| 4.30PM | G HOT SOURCE | 5.30PM | G TEMPTATION |
| 4.57PM | G EMTV TOK SAVE | 6.00PM | G NATIONAL EMTV NEWS |
| 5.00PM | G THE PRICE IS RIGHT \$500,000 MEGA SHOW CASE | 6.30PM | G A CURRENT AFFAIR |
| 5.30PM | G TEMPTATION | 6.59PM | G NEWS UPDATE IN TOK PISIN |
| | Quiz show hosted by Ed Phillips & Lwina Nixon | 7.00PM | G LOTTO DRAW |
| 6.00PM | G NATIONAL EMTV NEWS | 7.01PM | G PRAISE |
| 6.30PM | G A CURRENT AFFAIR | 8.00PM | G TOK PIKSA |
| 6.57PM | G NEWS UPDATE IN TOK PISIN | 8.27PM | G EMTV TOK SAVE |
| 6.59PM | G LOTTO DRAW | 8.30PM | PG WHO WANTS TO BE A MILLIONAIRE |
| 7.00PM | G CHM SUPERSOUND | 9.30PM | G PNG RUGBY LEAGUE: SP CUP: Round 13 - Bombers Vs Broncos |
| 7.57PM | G EMTV TOK SAVE | 11.30PM | G EMTV NEWS REPLAY |
| 8.00PM | G SPORT SCENE | 12MIDNIGHT | G STATION CLOSE |
| 9.30PM | M NRL FOOTY SHOW | | |
| 11.00PM | G AFL FOOTY SHOW | | |
| 1.00AM | G EMTV PRIME LINE UP | | |

| Fonde 29/07/05 | | Tunde 2/08/05 | |
|----------------|--|---------------|---------------------------------------|
| 5.29AM | G STATION OPEN | 5.29AM | G STATION OPEN |
| 5.30AM | G JOYCE MEYER | 5.30AM | G JOYCE MEYER |
| | MINISTRY: "LIFE IN THE WORD" | 6.00AM | G NATIONAL NINE EARLY MORNING NEWS |
| | Religious programme | 7.00AM | G TODAY |
| 6.00AM | G NATIONAL NINE NEWS | 9.00AM | G MALOLO CLUB |
| 7.00AM | G TODAY | 11.00AM | G CREFFLO DOLLAR |
| 9.00AM | G CREFFLO DOLLAR | | EMTV PRIME LINE UP |
| | Religious programme | 2.30PM | G BANANAS IN PYJAMAS |
| 9.30AM | G EMTV PRIME LINE UP | 3.00PM | G NEW MACDONALD'S FARM |
| 2.00PM | G KIDS KONA | 3.30PM | G JOHNNY BRAVO |
| 2.30PM | G BANANAS IN PYJAMAS | 4.00PM | G Y - kids favourite science program |
| 3.00PM | G NEW MACDONALD'S FARM | 4.30PM | G HOT SOURCE |
| 3.30PM | G WHAT'S NEW SCOOBY DOO | 4.57PM | G EMTV TOK SAVE |
| 4.00PM | G Y - kids favourite science program | 5.00PM | G THE PRICE IS RIGHT MONSTER SHOWCASE |
| 4.30PM | G HOT SOURCE | 5.30PM | G TEMPTATION |
| 4.57PM | G EMTV TOK SAVE | 6.00PM | G NATIONAL EMTV NEWS |
| 5.00PM | G THE PRICE IS RIGHT \$500,000 MEGA SHOWCASE | 6.30PM | G A CURRENT AFFAIR |
| 5.30PM | G TEMPTATION | 6.57PM | G NEWS UPDATE IN TOK PISIN |
| 6.00PM | G NATIONAL EMTV NEWS | 6.59PM | G LOTTO DRAW |
| 6.30PM | G A CURRENT AFFAIR | 7.00PM | G HAUS & HOME |
| 6.58PM | G NEWS UPDATE IN TOK PISIN | 8.00PM | PG SUPER NANNY |
| 6.59PM | G LOTTO DRAW | 8.27PM | G EMTV TOK SAVE |
| 7.00PM | G CHM SUPERSOUND | 9.00PM | G WIFE SWAP USA |
| 7.57PM | G EMTV TOK SAVE | 10.30PM | G EMTV NEWS REPLAY |
| 8.00PM | G SPORT SCENE | 11.00PM | G CHM SUPERSOUND |
| 9.30PM | M NRL FOOTY SHOW | 12MIDNIGHT | G STATION CLOSE |
| 11.00PM | G AFL FOOTY SHOW | | |
| 1.00AM | G EMTV PRIME LINE UP | | |

| Fonde 29/07/05 | | Tunde 3/08/05 | |
|----------------|--|---------------|---------------------------------------|
| 5.29AM | G STATION OPEN | 5.29AM | G STATION OPEN |
| 5.30AM | G JOYCE MEYER | 5.30AM | G JOYCE MEYER |
| | MINISTRY: "LIFE IN THE WORD" | 6.00AM | G NATIONAL NINE EARLY MORNING NEWS |
| | Religious programme | 7.00AM | G TODAY |
| 6.00AM | G NATIONAL NINE NEWS | 9.00AM | G MALOLO CLUB |
| 7.00AM | G TODAY | 11.00AM | G CREFFLO DOLLAR |
| 9.00AM | G CREFFLO DOLLAR | | EMTV PRIME LINE UP |
| | Religious programme | 2.30PM | G BANANAS IN PYJAMAS |
| 9.30AM | G EMTV PRIME LINE UP | 3.00PM | G NEW MACDONALD'S FARM |
| 2.00PM | G KIDS KONA | 3.30PM | G JOHNNY BRAVO |
| 2.30PM | G BANANAS IN PYJAMAS | 4.00PM | G Y - kids favourite science program |
| 3.00PM | G NEW MACDONALD'S FARM | 4.30PM | G HOT SOURCE |
| 3.30PM | G WHAT'S NEW SCOOBY DOO | 4.57PM | G EMTV TOK SAVE |
| 4.00PM | G Y - kids favourite science program | 5.00PM | G THE PRICE IS RIGHT MONSTER SHOWCASE |
| 4.30PM | G HOT SOURCE | 5.30PM | G TEMPTATION |
| 4.57PM | G EMTV TOK SAVE | 6.00PM | G NATIONAL EMTV NEWS |
| 5.00PM | G THE PRICE IS RIGHT \$500,000 MEGA SHOWCASE | 6.30PM | G A CURRENT AFFAIR |
| 5.30PM | G TEMPTATION | 6.57PM | G NEWS UPDATE IN TOK PISIN |
| 6.00PM | G NATIONAL EMTV NEWS | 6.59PM | G LOTTO DRAW |
| 6.30PM | G A CURRENT AFFAIR | 7.00PM | G HAUS & HOME |
| 6.58PM | G NEWS UPDATE IN TOK PISIN | 8.00PM | PG SUPER NANNY |
| 6.59PM | G LOTTO DRAW | 8.27PM | G EMTV TOK SAVE |
| 7.00PM | G CHM SUPERSOUND | 9.00PM | G WIFE SWAP USA |
| 7.57PM | G EMTV TOK SAVE | 10.30PM | G EMTV NEWS REPLAY |
| 8.00PM | G SPORT SCENE | 11.00PM | G CHM SUPERSOUND |
| 9.30PM | M NRL FOOTY SHOW | 12MIDNIGHT | G STATION CLOSE |
| 11.00PM | G AFL FOOTY SHOW | | |
| 1.00AM | G EMTV PRIME LINE UP | | |

| Sarare 30/07/05 | |
|-----------------|---|
| 8.00AM | G PLANET FANTA |
| | PIGS' BREAKFAST & BABY LOONEY TOONS |
| 9.30AM | G GOODSPOOTS |
| 10.00AM | PG SO FRESH |
| 11.30AM | G SCHOOL BOYS RUGBY LEAGUE |
| 5.00PM | G ESCAPE WITH ET |
| 5.30PM | G FISHING AUSTRALIA |
| 6.00PM | G NATIONAL EMTV NEWS |
| 6.30PM | PG AUSTRALIA'S FUNNIEST HOME VIDEO SHOW |
| 7.30PM | G MR BEAN: |
| 8.00PM | G SOUTH PACIFIC MUSIC |
| 8.57PM | G EMTV TOK SAVE |
| 9.00PM | PG XENA: |
| 10.00PM | G HERCULES |
| 11.00PM | G LEGEND OF THE HIDDEN VALLEY |
| 12MIDNIGHT | G CLOSE |

| Sande 31/07/05 | |
|----------------|--|
| 7.26AM | G "STATION OPEN" |
| 7.27AM | G EMTV TOKSAVE |
| 7.30AM | G BUSINESS SUCCESS |
| 8.00AM | G BUSINESS SUNDAY |
| 9.00AM | G SUNDAY |
| 11.00AM | PG SUNDAY ROAST |
| 11.30AM | G SUNDAY FOOTY SHOW |
| 12.30PM | G BOOTS 'N' ALL |
| 1.00PM | G SUNDAY AFL: Round-Kangaroos Vs Port Adelaide |
| 4.00PM | G SUNDAY FOOTBALL Round 21 - Cronulla Vs West Tigers |
| 6.00PM | G NATIONAL EMTV NEWS |
| 6.30PM | G HAPPY GARDENER |
| 7.30PM | G 60 MINUTES |
| 8.27PM | G EMTV TOKSAVE |
| 8.30PM | M SUNDAY NIGHT MOVIE: LOOKING FOR ALI BRANDI |
| 10.30PM | G EMTV NEWS REPLAY |
| 11.00PM | G PRAISE |

Raun wantaim Kanage olgeta wik



YUMI FM NATIONAL WEEKLY HITPARADE Sarare Julai 30, 2005

| Singsing | Musik Atis | Dispela Wik |
|-------------------|-----------------------------|-------------|
| MaTen Kandiek | Twin Hoks of Kavieng | 1 |
| Quiney Lewa | X-Vibes | 2 |
| Mangi Sirisiri | Sebeats of Sepoe | 3 |
| Tei Kariko | Sebeats of Sepoe | 4 |
| Mi Nao | Sharzy | 5 |
| Quincy Lewa | X-Vibes | 6 |
| Lalatora | Sebeats of Sepoe | 7 |
| Sorpendeng | Twin Hoks of Kavieng | 8 |
| Boina Tuna | Twin Hoks of Kavieng | 9 |
| Rosie Marara | Sharzy | 10 |
| Malako | Twin Hoks of Kavieng | 11 |
| Reject | X-Vibes | 12 |
| Towescop | Itambu | 13 |
| Pariva Mori | Sebeats of Sepoe | 14 |
| Mi No Bik Sot Yet | DadiiGii | 15 |
| Mep Pamba | Imbokeri | 16 |
| Sina Sohe | Troublezone ft Sasha Silovo | 17 |
| Mi No Bin Tok | DadiiGii | 18 |
| Maia E | Tipa | 19 |
| Sore Lewa | Sharzy | 20 |

CATHOLIC RADIO 103.5 FM

| Fonde | | Mande | |
|-------|--------------------------------|-------|---------------------------|
| 6.00 | ANGELUS | 6.05 | SUNDAY EUCHARIST (replay) |
| 6.05 | MEDITATION/INSPIRATIONAL MUSIC | 7.30 | HOLY ROSARY |
| 7.00 | VATICAN RADIO WORLD NEWS | 7.30 | CATHOLIC INSIGHT |
| 7.15 | VATICAN ENGLISH PROGRAM | 8.00 | VATICAN WORLD NEWS |
| 7.35 | NON-STOP GOSPEL MUSIC | 8.15 | VATICAN ENGLISH PROGRAM |
| 8.00 | JOURNEY HOME (EWTN) | 8.40 | IN THE LORDS VINEYARD |
| 8.00 | VATICAN RADIO WORLD NEWS | 10.00 | NON-STOP GOSPEL MUSIC |
| 8.15 | VATICAN ENGLISH PROGRAM | | |
| 8.40 | KIDS SING-ALONG | | |
| 9.00 | CATHOLIC JUKEBOX | | |
| 9.15 | GOSPEL MUSIC | | |
| 9.40 | NON-STOP GOSPEL MUSIC | | |
| 10.00 | ANGELUS | | |
| 10.30 | VATICAN WORLD NEWS | | |
| 11.00 | VATICAN ENGLISH PROGRAM | | |
| 11.00 | REFLECTION MUSIC | | |
| 12.00 | REFLECTION MUSIC | | |
| 12.05 | REFLECTION MUSIC | | |
| 12.20 | REFLECTION MUSIC | | |
| 12.40 | REFLECTION MUSIC | | |
| 1.00 | REFLECTION MUSIC | | |
| 2.00 | REFLECTION MUSIC | | |
| 3.00 | REFLECTION MUSIC | | |
| 3.30 | REFLECTION MUSIC | | |
| 4.00 | REFLECTION MUSIC | | |
| 4.30 | REFLECTION MUSIC | | |
| 5.00 | REFLECTION MUSIC | | |
| 6.00 | REFLECTION MUSIC | | |
| 6.05 | REFLECTION MUSIC | | |
| 6.10 | REFLECTION MUSIC | | |
| 6.30 | REFLECTION MUSIC | | |
| 7.00 | REFLECTION MUSIC | | |
| 7.30 | REFLECTION MUSIC | | |
| 8.00 | REFLECTION MUSIC | | |
| 8.15 | REFLECTION MUSIC | | |
| 8.30 | REFLECTION MUSIC | | |
| 9.00 | REFLECTION MUSIC | | |
| 10.30 | REFLECTION MUSIC | | |

| Fraide | | Tunde | |
|--------|--------------------------------|-------|--------------------------------|
| 6.00 | ANGELUS | 6.00 | ANGELUS |
| 6.05 | MEDITATION/INSPIRATIONAL MUSIC | 6.05 | MEDITATION/INSPIRATIONAL MUSIC |
| 7.00 | VATICAN WORLD NEWS | 7.00 | VATICAN WORLD NEWS |
| 7.15 | VATICAN ENGLISH PROGRAM | 7.15 | VATICAN ENGLISH PROGRAM |
| 7.35 | NON-STOP GOSPEL MUSIC | 7.35 | NON-STOP GOSPEL MUSIC |
| 8.00 | JOURNEY HOME (EWTN) | 8.00 | JOURNEY HOME (EWTN) |
| 8.00 | VATICAN RADIO WORLD NEWS | 8.00 | VATICAN RADIO WORLD NEWS |
| 8.15 | VATICAN ENGLISH PROGRAM | 8.15 | VATICAN ENGLISH PROGRAM |
| 8.40 | KIDS SING-ALONG | 8.40 | KIDS SING-ALONG |
| 9.00 | CATHOLIC JUKEBOX | 9.00 | CATHOLIC JUKEBOX |
| 9.15 | GOSPEL MUSIC | 9.15 | GOSPEL MUSIC |
| 9.40 | NON-STOP GOSPEL MUSIC | 9.40 | NON-STOP GOSPEL MUSIC |
| 10.00 | ANGELUS | 10.00 | ANGELUS |
| 10.30 | VATICAN WORLD NEWS | 10.30 | VATICAN WORLD NEWS |
| 11.00 | VATICAN ENGLISH PROGRAM | 11.00 | VATICAN ENGLISH PROGRAM |
| 11.00 | REFLECTION MUSIC | 11.00 | REFLECTION MUSIC |
| 12.00 | REFLECTION MUSIC | 12.00 | REFLECTION MUSIC |
| 12.05 | REFLECTION MUSIC | 12.05 | REFLECTION MUSIC |
| 12.20 | REFLECTION MUSIC | 12.20 | REFLECTION MUSIC |
| 12.40 | REFLECTION MUSIC | 12.40 | REFLECTION MUSIC |
| 1.00 | REFLECTION MUSIC | 1.00 | REFLECTION MUSIC |
| 2.00 | REFLECTION MUSIC | 2.00 | REFLECTION MUSIC |
| 3.00 | REFLECTION MUSIC | 3.00 | REFLECTION MUSIC |
| 3.30 | REFLECTION MUSIC | 3.30 | REFLECTION MUSIC |
| 4.00 | REFLECTION MUSIC | 4.00 | REFLECTION MUSIC |
| 4.30 | REFLECTION MUSIC | 4.30 | REFLECTION MUSIC |
| 5.00 | REFLECTION MUSIC | 5.00 | REFLECTION MUSIC |
| 6.00 | REFLECTION MUSIC | 6.00 | REFLECTION MUSIC |
| 6.05 | REFLECTION MUSIC | 6.05 | REFLECTION MUSIC |
| 6.10 | REFLECTION MUSIC | 6.10 | REFLECTION MUSIC |
| 6.30 | REFLECTION MUSIC | 6.30 | REFLECTION MUSIC |
| 7.00 | REFLECTION MUSIC | 7.00 | REFLECTION MUSIC |
| 7.30 | REFLECTION MUSIC | 7.30 | REFLECTION MUSIC |
| 8.00 | REFLECTION MUSIC | 8.00 | REFLECTION MUSIC |
| 8.15 | REFLECTION MUSIC | 8.15 | REFLECTION MUSIC |
| 8.30 | REFLECTION MUSIC | 8.30 | REFLECTION MUSIC |
| 9.00 | REFLECTION MUSIC | 9.00 | REFLECTION MUSIC |
| 10.30 | REFLECTION MUSIC | 10.30 | REFLECTION MUSIC |

| Sarare | |
|--------|--------------------------------|
| 6.00 | ANGELUS |
| 6.05 | MEDITATION/INSPIRATIONAL MUSIC |
| 7.00 | VATICAN WORLD NEWS |
| 7.15 | VATICAN ENGLISH PROGRAM |
| 7.35 | NON-STOP GOSPEL MUSIC |
| 8.00 | JOURNEY HOME (EWTN) |
| 8.00 | VATICAN RADIO WORLD NEWS |
| 8.15 | VATICAN ENGLISH PROGRAM |
| 8.40 | KIDS SING-ALONG |
| 9.00 | CATHOLIC JUKEBOX |
| 9.15 | GOSPEL MUSIC |
| 9.40 | NON-STOP GOSPEL MUSIC |
| 10.00 | ANGELUS |
| 10.30 | VATICAN WORLD NEWS |
| 11.00 | VATICAN ENGLISH PROGRAM |
| 11.00 | REFLECTION MUSIC |
| 12.00 | REFLECTION MUSIC |
| 12.05 | REFLECTION MUSIC |
| 12.20 | REFLECTION MUSIC |
| 12.40 | REFLECTION MUSIC |
| 1.00 | REFLECTION MUSIC |
| 2.00 | REFLECTION MUSIC |
| 3.00 | REFLECTION MUSIC |
| 3.30 | REFLECTION MUSIC |
| 4.00 | REFLECTION MUSIC |
| 4.30 | REFLECTION MUSIC |
| 5.00 | REFLECTION MUSIC |
| 6.00 | REFLECTION MUSIC |
| 6.05 | REFLECTION MUSIC |
| 6.10 | REFLECTION MUSIC |
| 6.30 | REFLECTION MUSIC |
| 7.00 | REFLECTION MUSIC |
| 7.30 | REFLECTION MUSIC |
| 8.00 | REFLECTION MUSIC |
| 8.15 | REFLECTION MUSIC |
| 8.30 | REFLECTION MUSIC |
| 9.00 | REFLECTION MUSIC |
| 10.30 | REFLECTION MUSIC |



Bisnis bilong Groim Diwai insait long PNG - Planim diwai long ol renfores eria

Rot bilong groim ol spisis diwai i save groa insait long PNG

Araucaria cunninghamii (hoop pain)



Nem bilong en: hoop pain

Ples we em i save groa: Ol diwai long dispela famili i gat 19 kain kain spisis we i groa long lsten nambis bilong Australia, Niugini, Nu Kaledonia, Nofok Ailan, sauten na sentral Sile, Ajentina na sauten Brasil. Papua Niugini i gat tupela spisis - A. cunninghamii (hoop) na A. hunsteinii (klinki).

Hoop pain i groa nabaut long lsten nambis bilong Australia stat long Noten Nu Saut Wels i go inap Not lsten Kwinslen na not i kamap long PNG. Insait long PNG, ol spisis i save groa long hia i save groa long Bulolo, Wau, Waria, Watut, Waghai na Jimi Veli. Spisis i save groa long ol sab monten Fagaceae fores. Mak antap long mak bilong solwara we em i ken groa em namel long 600 na 1500 mita long ol ples i save kisim bikpela ren. Em i save groa long ol kain kain renfores graun na i ken groa long graun i nogat planti gris long en. Long PNG, em i save groa wantaim Castanopsis acuminatissima, Cinnamomum spisis, Podocarpus neriifolius, Prumnopitys amara na Schiomeria spisis.

Wanem kain diwai: Wanpela diwai, longpela bilong em inap long 60 mita na bikpela bilong namel bilong en inap long 2 mita.

Het bilong em i save groa narakain long ol han bilong em. Skin diwai bilong em i ret na braun na i save bruk bihainim ol longpela longpela pinga. Ol lip i rau wantaim wanpela sap nus bilong em. Ol i grin na i gat bikpela wara bilong em. Ol man plaua i longpela na i save hangamap long ol han diwai i stap aninit long het bilong em. Longpela bilong ol inap long 5 sentimita. Ol meri plaua i save sindaun antap long het bilong en na longpela bilong ol inap long 2 sentimita tasol. Ol plaua i save tanim i go yelo taim em i mau. Prut i save kamap olsem wanpela kon (5-10 cm raunim namel bilong em), grin o braun kala, drai na i gat sait bilong em. Plaua i save kamap olgeta yia namel long mun Mas na Jun. Prut i stap long wanpela kon tasol na namel long mun Oktoba na Disemba em i taim bilong kisim ol prut.

Yu ken yusim: Dispela diwai i save givim gutpela diwai bilong mekim ol kain kain liklik haus samting, na long mekim tu plaiwut bilong mekim pepa. Yu ken kaikai ol pikinini bilong en. Dispela spisis em i wanpela gutpela plantesen diwai na ol i save groim insait long PNG long mekim plaiwut o timba.

Rot bilong groim: Yu ken groim ol pikinini diwai insait long ol bet we i gat gutpela graun i silip antap tru. Yu ken brukim skin bilong ol pikinini tupela de bihain long kru i stat long groa na yu ken stat planim ol namel long 18 na 22 mun taim longpela bilong ol inap namel long 20 na 25 sentimita.



MCCARTHY & ASSOCIATES (FORESTRY) PTY. LTD.

National & International Forest Consultants

mccaf@datec.net.pg

"Long kisim tok stia long olgeta wok diwai"

Bogenvil kisim tingting bilong mekim pawa

Neville Choi i raitim

MEMBA bilong Tauneta-Teop Joseph Gitovea, Joseph Pais wanpela komyuniti lida bilong Kotoita, na Thomas Keriri, memba bilong Wakunai i sanap wantaim Minista bilong Maining Sam Akoitai taim ol i raun lukim nupela 30 megawat Jio Temal pawa stesen bilong Lihir Gol Main long Mande.

Ol i makim Otonomes Gavman bilong Bogenvil (ABG)

na go raun lukim dispela nupela rot bilong pulim pawa long wanem ol i laik kisim tingting long sanapim wankain pawa stesen antap long ol hot wara ples insait long Bogenvil yet.

"Mipela i kam long lukim wanem kain wok i mas kamap long sanapim dispela kain pawa stesen. Nau mipela i gat planti haitro pawa stesen, tasol kos bilong em i antap tumas. Olsem na ABG yet i kisim tingting long mekim dispela wok painimaut,"

Thomas Keriri i tokim *Wantok Niuspepa*.

Em i tok bikpela tingting bilong ABG nau em long kirapim na strongim ikonimi bilong provins, long wanem sapos dispela samting i stret, bai olgeta arapela wok i go het.

"Mi bilip olsem dispela kain nupela pawa stesen i ken saplaim pawa i go long olgeta hap long ailan long wanem i gat planti ol hat wara i stap aninit long graun," Mista Keriri i tok.



• Minista bilong Maining Sam Akoitai taim ol i raun lukim nupela 30 megawat Jio Temal pawa stesen bilong Lihir Gol Main long Mande. Foto: NEVILLE CHOI

Eks pait lida Masiria laik kirapim kopi long Bogenvil

James Kila i raitim

WANPELA strongpela rebel paitman bipo long Bogenvil hevi Hilary Masiria i tokaut olsem em i redi tasol long kamap lida o man i go pas wantaim kopi plantesen long Bogenvil. Em i tok agrikalisa i stap long as bilong ikonimik developmen.

Mista Masiria husat i bin go pas long ol rebel paitman long Bogenvil i tokaut long dispela taim em i bung wantaim ekting-sief eksekutiv opisa bilong Kopi Industri Koporesen, Ricky Mitio. Mista Masiria i bin toktok wantaim Mista Mitio taim tupela i bin bung long Nesenel Gan Kibung long Goroka long stat bilong dispela mun.

Em i bin go olsem wanpela memba bilong Bogenvil

Delegesen long givim toktok long save bilong ol long dispela Nesenel Gan Samit.

Mista Masiria i bin askim Mista Mitio sapos em inap long kisim sampela pikinini kopi we em bai karim i go na wokim neseri na saplaim ol pipel long Bogenvil long planim. Dispela bai sapotim kopra na kakau long sait bilong ikonimi.

Em i tok tu olsem em i bin planim pinis sampela kopi long ples bilong em na ol dispela kopi i groa pinis.

Tasol bikpela tingting bilong em nau em long kisim moa pikinini kopi na wokim wanpela bikpela neseri tru na saplaim kopi long ol pipel na tu i mas planim kopi.

Dispela em bikos taim ol pipel i gat ol kes-krop olsem kopi,

kakau na kopra ol bai i ken kisim mani na helpim ol yet long kisim mani na stretim gen sindaun bilong ol na tu developim ikonimi bilong Bogenvil.

Mista Mitio i tok olsem em bai toksave long ol wokman bilong em long saplaim ol kopi sid we i ken groa gut long nambis ples na toksave long Mista Masiria.

Ol dispela sid bilong kopi em ol i save groim long Kerevat long Is Nu Briten na long Omuru long Madang na saplaim long ol fama.

Dispela ol sid Mista Masiria i bin karim i go planim long ples bilong em long Bogenvil em i bin kisim long Kerevat.

Tasol sampela kopi i no kamap gut na em i askim long Mista Mitio sapos CIC i ken givim ol sampela stia tok.

Cat D6N

TRACK-TYPE TRACTOR

ENGINEERED TO EXCEED THE MOST DEMANDING GOALS

Designed for high productivity, long life and low operating costs in many applications. The Cat® 3126 HEUI engine increases horsepower, improves fuel efficiency and reduces emissions. The new model also boasts differential Steering and a quieter, more comfortable operator's station.

Hastings Deering



PORT MORESBY
Spring Garden Road, Hohola, PNG
Ph: (675) 300 8300 - Fax: (675) 325 0141

| | PHONE | FAX |
|---------|----------|----------|
| LAE | 472 2355 | 472 1477 |
| TABUBIL | 548 9162 | 548 9155 |
| RABAUL | 982 1244 | 982 1129 |
| LIHIR | 986 4105 | 986 4107 |
| KIMBE | 983 5144 | 983 5144 |

Product People Commitment.

We deliver.



Radio Australia
101.9FM Port Moresby

Tok Pisin Service
6am - 7am : 6000; 7240(KHZ)
7pm - 8pm : 5995; 6020; 9710; 12800(KHZ)

RADIO TOK PISIN PROGRAM
TUNE IN: 101.9 FM

Radio Australia Tok Pisin Program - stat long mun Mas 2005

| | |
|-----------------------|--|
| MANDE Morning | 6AM Stesen Op - Nius Hetlain - Musik na ol intaviu |
| 6.30AM | Nius na Karent Afes |
| 7AM Nait | 7PM Stesen Pas |
| 7PM | Stesen Op |
| 7.01PM | Ol Hetlain na Program Priviu |
| 7.15PM | Musik na Chit-Chat |
| 7.30PM | Nius na Karent Afes |
| 8PM | Helt |
| 8.15PM | Musik |
| 8.30PM | NIUS |
| 8.40PM | Spots Riplei |
| 8.55PM | Musik |
| 9PM | Stesen Pas |
| TUNDE Morning | 6AM Stesen Op - Nius Hetlain - Musik na ol intaviu |
| 6.30AM | Nius na Karent Afes |
| 7AM Nait | 7PM Stesen Pas |
| 7PM | Stesen Op |
| 7.01PM | Ol Hetlain na Program Priviu |
| 7.15PM | Musik na Chit-Chat |
| 7.30PM | Nius na Karent Afes |
| 8PM | Mama Graun |
| 8.15PM | Musik/Spots |
| 8.30PM | NIUS |
| 8.40PM | Helt Riplei |
| 8.55PM | Musik |
| 9PM | Stesen Pas |
| TRINDE Morning | 6AM Stesen Op - Nius Hetlain - Musik na ol intaviu |
| 6.30AM | Nius na Karent Afes |
| 7AM Nait | 7PM Stesen Pas |
| 7PM | Stesen Op |
| 7.01PM | Ol Hetlain na Program Priviu |
| 7.15PM | Musik na Chit-Chat |
| 7.30PM | Nius na Karent Afes |
| 8PM | Focus |
| 8.15PM | Musik/Spots |
| 8.30PM | NIUS |
| 8.40PM | Mama Graun Riplei |
| 8.55PM | Musik |
| 9PM | Stesen Pas |
| FONDE Morning | 6AM Stesen Op - Nius Hetlain - Musik na ol intaviu |
| 6.30AM | Nius na Karent Afes |
| 7AM Nait | 7PM Stesen Pas |
| 7PM | Stesen Op |
| 7.01PM | Ol Hetlain na Program Priviu |
| 7.15PM | Musik na Chit-Chat |
| 7.30PM | Nius na Karent Afes |
| 8PM | Youth |
| 8.15PM | Musik/Spots |
| 8.30PM | NIUS |
| 8.40PM | Focus Riplei |
| 8.55PM | Musik |
| 9PM | Stesen Pas |
| FRAIDE Morning | 6AM Stesen Op - Nius Hetlain - Musik na ol intaviu |
| 6.30AM | Nius na Karent Afes |
| 7AM Nait | 7PM Stesen Pas |
| 7PM | Stesen Op |
| 7.01PM | Ol Hetlain na Program Priviu |
| 7.15PM | Musik na Chit-Chat |
| 7.30PM | Nius na Karent Afes |
| 8PM | Wantok |
| 8.15PM | Musik |
| 8.30PM | NIUS |
| 8.40PM | Youth Riplei |
| 8.55PM | Musik |
| 9PM | Stesen Pas |
| SARERE | Nait |
| 7PM | Stesen op - Ol Nius Hetlain/Program Priviu |
| 7.05PM | Musik na Chit Chat |
| 7.30PM | Nius |
| 7.40PM | Wantok |
| 8PM | Lokal Ben |
| 8.30PM | Nius |
| 8.40PM | Musik/Chit Chat |
| 9PM | Stesen Pas |
| SANDE | Nait |
| 7PM | Stesen op - Ol Nius Hetlain/Program Priviu |
| 7.05PM | Musik na Chit Chat |
| 7.30PM | Nius |
| 7.40PM | Femil Blong Serah (Radio Plei) |
| 8PM | Lukluk Bek Long Wik |
| 8.30PM | Nius |
| 8.40PM | Musik/Chit Chat |
| 9PM | Stesen Pas |

PACIFIC BEAT

Sea prais bilong BCL go antap bihainim dai bilong Ona

PRAIS long ol sea bilong Bogenvil Kopa Limited i bin go antap taim nius long dai bilong Francis Ona i kamap. Mista Ona em man husat i bin kirapim pait long Bogenvil na pasim main long 1990. Bihainin dai bilong Ona las wik Sande, ol sea prais bilong BCL i sut i go antap. Tasol i nogat kliapela tingting long sans bilong opim bek main.

Man i Askim: Sean Dorney
Man i Bekim: Syd Yates, Menesing Dairekta bilong Kina Sekyuritis

YATES: Yes Sean, mi ting em ol toktok tasol olsem wanpela long ol rotblok i pasim main long op bek i raus. Tasol dispela i no wanpela rotblik i stap long etresim.

DORNEY: Wanem ol narapela?

YATES: Em i olsem main em, pastaim, Francis Ona na lain bilong em. Yu save, nupela lida bai kisim ples na toktok long opim bek main bai stap yet. Yu gat, a, em i lou gret main, mi minim olsem yu mas kisim ol seaholda i kam bek na investim o putim bikpela mani bilong opim bek main na wok.

DORNEY: Mi harim samting olsem long mak bilong bilien dolas Yu klia long dispela?

YATES: Yes, mipela i bilipim dispela bikos em i lou gret main na em bai nidim ol bikpela masin na trak long opim bek

main. Na bai i nidim bikpela mani na long mani bilong Amerika, em bai nap long wan bilien dola long mani bilong Amerika. Dispela em bikpela mani. Yu save, em bai tri o foa bilien Kina. Mi minim olsem em bikpela mani tumas long tromoim long ples em bikpela pait na hevi i stap long en, o ples we wo i bin kamap pastaim long em.

DORNEY: Stat long taim yet pait i bin bruk long hap, nau yumi go bek planti krusmas pinis, i go bipo yet. Olgeta dil ol i wokim long opim ol nupela main na oil projek ol i opim long PNG bihain long Bogenvil hevi i karamapim intres bilong ol papagraun. Na sapos ol i wokim disisen bilong kirapim bek Panguna i main i gat sampela wok yet ol i mas stretim wantaim ol papagraun. Na sapos disisen i kamap long statim bek gen main bai gat yet ol samting bilong stretim long em. Wanpela em ol papagraun ya, em i tru?

YATES: Em i tru na olsem yu tok pinis, long ol nupela main we i bin kirap bihain, bikpela negosiesen i save kamap we i save lukluk strong long inapim laik bilong ol papagraun. Na i no wanpela grup bilong papagraun tasol we yumi toktok long ol. Planti taim, i gat planti ol sab grup papagraun we ol i mas amamasim.

Olgeta i save kam wantaim long sainim agrimen na olsem PNG gavman i save redi gut i stap long lukautim intres bilong ol papagraun. Na dispela i save kisim taim long negosietim long em.

DORNEY: Bogenvil Kopa i bin gat plan-ti mani taim ol hevi i stat na ol i stap yet long lista bilong mani maket long Australia. Yu gat save tu ol i mekim wanem samting wantaim dispela mani?

YATES: Yes, kampani i kamap moa olsem Invesmen kampani nau. Mani i stap na ol i investim long baim ol sea na ol arapela Invesmen. Em i stap long anuel ripot. Ol i mas wokim olsem wetim taim wanpela sans bai kaamp.

DORNEY: Ol i stap long PNG mani maket lista?

YATES: Nogat. Tasol ol i gat planti moa seaholda winim ol narapela kampani seaholda long kantri husat i stap long Pom Soks. Mi ting samting olsem 16,000 PNG pipel i gat sea long Bogenvil Kopa.

DORNEY: Gavman i papa long 19 pesen sea. Em i ken salim tu o?

YATES: Ha Ji, dispela i hatpela askim. Mi minim olsem long dispela kain prais, mi minim olsem, yu save- mi ting olsem em i bikpela mani, yu save Sean. Mi minim olsem. Tasol long sait bilong politiks, em i no gutpela samting long mekim. Olsem investa, yu save long ol prais, mi minim olsem mi ken kisim mani bilong mi tude.

WOL NA PASIFIK NIUS

Vanuatu rausim 4-pela mun tambu long ol Fiji bisket

VANUATU i rausim foapela mun tambu long baim i go insait ol bisket bilong Fiji.

Vanuatu i bin putim dispela tambu long mun Mas bilong lukautim lokel bisket kampani.

Flour Mills bilong Fiji i tok em i wok long lusim samting olsem 1.1 milian US dolas long wan wan yar bihain dispela tambu.

Disisan bilong Vanuatu long rausim tambu i pasim liega action ikam long Mills na tu long wanpela kava ban i kam long Fiji.

Foreign Affairs Chief Executive bilong Fiji, Isikeli Mataitoga i tok, ol i bin rausim dispela tambu wantaim nogat ol narapela askim or tingting.

"Mi bin bilip olsem pasin bilong Melanesia bai strong yet na

gavman bilong Vanuatu bai apim dispela tambu long ol Fiji bisket. Mipela tok tenkyu tasol long Vanuatu long mekim ol dispela senis."

Westen Provins bilong Solomons i gat nupela Premia

Western Provins blong Solomon Islands nau i gat niupela Premia.

Dispela man em Alex Lokopio.

Ripot i tok Mr Lokopio i bin winim 19 vot long esembli elek-sen, minim olsem em i winim klia majoriti na i winim narapela kendidet nem blong en Robert Kuve husat i bin kisim 6 vot.

Planti handret pipal i bin bung long kapital Gizo, blong lukim Mr Lokopio i kisim mak blong en blong en olsem Premia bilong Western Provins.

Pacific BEAT Listen to Radio Australia 101.9FM Port Moresby

4, 5, 6am & 4pm, 5pm including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.

RAGBI LIG
PNGRFL SP KAP LIG
Sande 31/07/05
3:00 Gurias vs Muruks- Rab
3:00 Bombers vs Broncos- POM
3:00 Bulldogs vs Lahanis- Gka
3:00 Cowboys vs Mioks- Lae

POT MOSBI RAGBI LIG
Sarere Julai 30, 2005
PRL 1
09:00 Defence vs Royals U19
10:00 Dobo vs Puma A
11:30 DCA vs Hawks A
1:00 Defence vs Royals A
3:00 Magani vs Paga A
PRL 2
09:00 Dobo vs Puma U17
10:00 DCA vs Hawks U17
11:00 Dobo vs Puma U19
12:00 DCA vs Hawks U19
1:00 Defence vs Royals Res
2:30 Dobo vs Puma Res
PRL 3
09:00 Magani vs Paga U17
10:00 Defence vs Royals U17
11:00 Magani vs Paga U19
12:00 DCA vs Hawks Res
1:30 Magani vs Paga Res

Sande Julai 31, 2005
PRL 1
09:00 Brothers vs Kone Tigers U17
10:00 Waliya vs West A
11:30 Brothers vs Kone Tigers A
1:00 Souths vs Tarangau A
3:00 Monier Broncos vs LBC Bombers (SPC)
PRL 2
09:30 Souths vs Tarangau U17
10:30 Brothers vs Kone Tigers U19
11:30 Waliya vs West U19
12:30 Brothers vs Kone Tigers Res

PRL 3
09:30 Waliya vs West U17
10:30 Souths vs Tarangau U19
11:30 Waliya vs West Res
1:00 Souths vs Tarangau Res

SOKA
POT MOSBI SOKA ASOSIESEN
Sarere Julai 30, 2005
Bisini 1
08:00 Tarangau vs Verave D2
09:30 Zombie vs Raitman D3
10:30 Sunset vs Cosmos U21
11:50 LBC Defence vs Souths Utd W1
13:10 Naniu vs Guria D1
14:20 Sunset vs Cosmos Prem
Bisini 2
08:00 Mirel Momase vs K/Andra P/Res
09:30 LBC Defence vs Rapatona U21
10:30 Los Negros vs Mungkas W1
11:50 Souths Utd vs Blue Kumuls U21
13:10 PNG Gardener vs PS Rutz WP
14:20 Sobou vs KG Utd D3
16:00 Souths Utd vs Blue Kumuls Prem
SJGS - Oval 1
08:00 Bavaroko vs Mungkas U21
09:20 Los Negros vs Badili Utd U21
10:30 UBOG vs Orogen D2
11:50 Souths vs Blue Kumul P/Res
13:05 Tawala vs Sunset W1
14:20 KG Utd vs Nomads D3
16:00 Femor vs PNG Gardener D2
SJGS - Oval 2
08:00 Sobou vs Jaha W1
09:20 Pom BusColl vs Cellnet U21
10:30 Korion vs Jaha D2
11:50 Maset vs Moonbi D3
13:05 KB Utd vs Yawata D3

SJGS - Oval 1
08:00 Bavaroko vs Mungkas U21
09:20 Los Negros vs Badili Utd U21
10:30 UBOG vs Orogen D2
11:50 Souths vs Blue Kumul P/Res
13:05 Tawala vs Sunset W1
14:20 KG Utd vs Nomads D3
16:00 Femor vs PNG Gardener D2
SJGS - Oval 2
08:00 Sobou vs Jaha W1
09:20 Pom BusColl vs Cellnet U21
10:30 Korion vs Jaha D2
11:50 Maset vs Moonbi D3
13:05 KB Utd vs Yawata D3

Sande Julai 31, 2005
Bisini 1
08:00 Mirel Momase vs K/Andra U21
09:20 Mungkas vs Ela Utd D1
10:30 PS Rutz vs University P/Res
11:50 Rapatona vs Lamana WP
13:10 Murat vs Telikom WP
14:20 Murat vs Los Negros D1
16:00 Mirel Momase vs K/Andra Prem

Bisini 2
08:00 LBC Defence vs Rapatona P/Res
09:20 Manambu vs Badili Utd D1
10:30 PS Rutz vs University U21
11:50 University vs WMI WP
13:10 Pacifica Utd vs Cellnet D1
14:20 LBC Defence vs Rapatona Prem
16:00 PS Rutz vs University Prem
SJGS - Oval 1
08:00 Sobou vs Markham Yarangs U21
09:20 KG Utd vs Nomads D3
10:30 Sobou vs Bomana PC D3
11:50 Guria vs Manambu U21
SJGS - Oval 2
08:00 Tawala vs Lus Prutz D2
09:20 Mopi Soweto vs Naniu W1
10:30 Mopi Soweto vs M/Yarangs D3
11:50 Tawala vs Femor D2
13:05 Maset vs Nomads D3
14:20 Sobou vs Pom BusCol U21

Oro Viles Soka Asosiesen
Sarere Julai 30, 2005
07:30 Tamata vs Hillside MB
08:20 T/Fjords vs Zandas MB
09:10 Saipex vs Mambus MB
10:00 Tamata vs Ormilats W
10:40 Mamas vs Diwune W
11:20 Papas vs Ormilats MB
12:10 T/Fjords vs Hillside W
12:50 Asumnaiyes vs Bokoro W

1:30 Saipex vs Ottas W
2:10 Tamata vs Hillside A
3:00 Papas vs Ormilats A
3:50 T/Fjords vs Zandas MA
Sande Julai 31, 2005
07:30 Songe vs Kumus MB
08:20 Asumnaiyes vs Diwune MB
09:10 Musa vs Ottas MB
10:00 Songe vs Mambus W
10:40 Asumnaiyes vs Diwune MA
11:30 Songe vs Kumusi MA
12:20 Musa vs Ottas MA
1:10 Ehe Kombu vs Pongoros MB
2:00 Beda vs Bokoro MB
2:50 Musa vs Zandas W
3:30 Ehe Kombu vs Pongoros MA
4:20 Beda vs Bokoro MA
5:10 Saipex vs Mambus MA

BASKETBOL
CBL
Hohola Kot
Sarere 30 Julai, 2005
Kot 1
8:30 Jazz vs Muruks U19B
9:30 Jazz vs Muruks U19G
10:30 Jazz vs Muruks RW
12:00 Jazz vs Muruks RM
1:30 Jazz vs Muruks AW
3:00 Jazz vs Muruks AM
Kot 2
8:30 Birdwing vs Saints U19B
9:30 Birdwing vs Saints U19G
10:30 Birdwing vs Saints RW
12:00 Birdwing vs Saints RM
1:30 Birdwing vs Saints AW
3:00 Birdwing vs Saints AM

Sande 31 Julai, 2005
Kot 1
8:30 Souths vs Chariots U19B
9:30 Souths vs Chariots U19G

10:30 Souths vs Chariots RW
12:00 Souths vs Chariots RM
1:30 Souths vs Chariots AW
3:00 Souths vs Chariots AM
Kot 2
8:30 Tamaraws vs Exodus U19B
9:30 Tamaraws vs Exodus U19G
10:30 Tamaraws vs Exodus RW
12:00 Tamaraws vs Exodus RM
1:30 Tamaraws vs Exodus AW
3:00 Tamaraws vs Exodus AM
Bai: Titans

VOLIBOL
FAIRFAX
Sir John Guise Indoor Stadium
Sarere Julai 30, 2005
Kot 1 (Meri)
08:30 Kakidos vs Wet WAR
09:30 Seeto Kui POM vs Telikom WAR
10:30 Esi Loan Neibas vs Frenz WAR
11:30 Yonkies vs Freeway Hox WAR

Kot 2 (Man)
08:30 Telikom vs Moukele MAR
09:30 Esi Loan vs Lagoons MAR
10:30 Seeto Kui POM vs Wet MA
11:30 Fire Fox vs Lagoons MA
Kot 3 (Man)
08:30 Frenz vs Freeway Hox MAR
09:30 Dolphins vs TI Doria MAR
10:30 Kakidos vs Yonkies MA
11:30 14 Mixers vs Dolphins MA
12:30 Telikom vs Moukele MA
Kot 4 (Man)
08:30 Fire Fox vs Kakidos MAR
09:30 Arnotts vs WET MAR
10:30 Freeway Hox vs Arnotts MAR
11:30 Esi Loan Neibas vs Frenz MA



• Kia! Mosbi pilaia i laik kisim bal na ronawe long ol Crows pilaia tasol i hat. Ol Crows i kruakum gut long em bipo long em i ronawe. Dispela em A Gret pilai long Colt oval las Sarere.



• Florey Kapouna i laik sutim bal i go insait long ring taim Mermaids pilaia i wok long pasim em long Pot Mosbi A gret pilai long las Sarere. Ol top tim olsem Telsta, Sparrows, Mermaids na Paramana i wok long lus.



• Pot Mosbi Gaigais i laik brukim banis bilong ol Alotau long Sauten rijon traiels long Bava Pak las Fonde. Gaigais win. Bihain long dispela ol selekta bai makim skwat long rijinol sempionsip long Lae.



• Pot Mosbi skul osi ru! Hia pilaia bilong Kilakila praimer i redi long kikim bal i go bipo long Taurama pilaia i pasim. Dispela em long Amini Pak long las Sarere.



gutpela ol wok redi i karim kaikai

... i kam long bek pes

na wetlifting tim Leo Kivavalong 65 kilo grem divison i winim brons medol. Long 62 kilo grem Jeffery Robbie i winim silva medol. Wantaim em Joe Numano husat i bin hapim totel 97 kilo grem i hapim ain tasol long asua long hevi em i gat long wet i lukim em i kisim tu silva medol.

Ol wetlifting pilai i pinis aste. Go bek gen long etletiks em Cecilia Kumalalame i winim brons long 800m, na Chris Bais i winim gol medol long 800m resis.

Long ron bilong ol man long 200m em Fabian Niulai na Wally Kirika bai mekim fainol bilong bihain long ol i kamapim sampela gutpela mak.

Long tenis Mark Gibbons i lus long olgeta set bilong em. Narapela PNG pilaia Kris Cano i bin stat gut tasol i pundaun namel long Reins Ford 6-4, 0-6, 1-6.

Gibbons i bin wok hat tru long olgeta pilai bilong em we long sampela hap i luk olsem em bai win tasol abrus na em i pundaun i go daun.

Long wanpela hap em i kros na paitim nabaut reket bilong em long graun.

Long sofbol tim husat i pilai wantaim Solomon Ailan long Tunde em nius i kamap olsem ol i nekim gen Noten Mariana long aste. Ol i 5-0 ran. Wantaim Federeted Stet ov Maikronesia long mekim 16 ran.

Swimming tim tu i bin kamap tasol i nogat kliapela tok long mak em ol i kisim long aste.

Long basketbol ol tim bilong man i nekim tim bilong Solomon Ailan 69-31 na ol meri i nekim ol 65-28.

Ol bai pilaim Niu Kaledonia tede.

Wanpela ripot i kamap olsem yangpela swima Judith Meauri i gat sik mams olsem na ol atoriti long Palau Gem i stopim em long em i no ken pilai long dispela ol gem.

Sori tru long harim long dispela nius long em husat i laikim makim kantri na swim.

Long Tunde ol wetlifita bilong PNG Dika Toua na Rita Kari i rekim sikspela gol medol long hapim mak bilong PNG.

Tupela i winim long klin na jek, snets. Kari husat i bihainim

tasol lek mak bilong wantok Hanuabada bilong em i winim gol medol namba wan taim long Saut Pasifik Gem.

Long 2003 Fiji Saut Pasifik Gem Kari husat i 13-ya skul meri long St Michael's skul, Hanuabada i winim tasol silva medol. Tasol driman bilong em na hangre bilong em long winim gol medol i karim kaikai taim em winim gol medol long dispela taim.

Kari nau i gat 16 krismas na i mekim Gret 9 long Badiagwaha Hai Skul. Long taim em i win Kari i tok: "Mi amamas tru surukim dispela silva medol mi bin kisim long Fiji Gems. Dispela i bekim dinau long mi abrusim gol medol long dispela taim."

"Em i bin hat tru long tupela laspela yia tasol wantaim helpim i kam long kosa bilong mi, Douglas Mea na meri bilong em Riku Miria mi winim medol nau.

"Mi laik tok tenk yu long famili bilong mi, olgeta PNG manmeri na Trukai Industri husat i mesa sponsa bilong mipela long mekim gut long dispela ol pilai. Long ol na mi pilai gut."

Swima gat mams-bai abrusim pilai

WANPELA hop bilong PNG long kisim medol long swim, Judith Meauri i gat sik mams na olsem em bai i no inap swim.

Meauri husat i nogat kliapela tingting i kamap long wanem wei em i kisim dispela sik, sapos em i kisim long hia na go o sapos em i gat bilong wanem ol opisel bilong PNG i no laik sekim bipo long em i go, dispela ol askim em i nogat gutpela bekim i kamap yet.

Tasol bikpela hevi nau olsem dispela yangpela swima husat i save swim gut na inap winim medol nau bai i no inap makim kantri.

Ol atoriti long Palau i tok dispela nius long mams i kamap long kantri em 20-ya bihain nau ol i harim gen dispela sik. Ol i no laik dispela sik i kamap long hap bilong ol.

Sik mams i save kamap long wisket bilong ol manmeri we sapos man o meri i gat bai wisket bilong ol i solap. Em i ken kalap long man sapos man o meri i go klostu long husat i gat dispela sik. Sik mams i save kamap long taim blut i sot o long sampela kain hevi long bodi.

Dispela i min olsem ol narapela swima olsem Dorcas Emmanuel, Nathan Nades, Tahira Mulas, Cameron Kolta na Timothy Emmanuel tasol bai kalap long wara.


Ol narapela pilai we i kamap yet em etletiks, sofbol, basketbol, wetlifting, tenis kanu resis.

Medol lata

De 4

| Kantri | Gol | Silva | Brons | total |
|-------------------|-----------|-----------|-----------|------------|
| NC | 25 | 12 | 12 | 49 |
| Nauru | 15 | 0 | 0 | 15 |
| PNG | 11 | 6 | 4 | 21 |
| Fiji | 8 | 10 | 4 | 22 |
| FSM | 4 | 1 | 0 | 5 |
| Palau | 4 | 0 | 4 | 8 |
| Tonga | 3 | 1 | 3 | 7 |
| N/Mariana | 1 | 8 | 3 | 12 |
| Solomon | 1 | 4 | 1 | 6 |
| Samoa | 1 | 4 | 0 | 0 |
| Guam | 1 | 2 | 7 | 10 |
| Cook Ailan | 1 | 1 | 1 | 3 |
| Wallis/Futu | 1 | 1 | 1 | 3 |
| Vanuatu | 1 | 0 | 0 | 1 |
| Niu | 1 | 0 | 0 | 1 |
| Tuvalu | 0 | 0 | 2 | 2 |
| Medol i | 0 | 24 | 35 | 59 |
| no win yet | | | | |
| A/Samoa | 0 | 0 | 0 | 0 |
| Kiribati | 0 | 0 | 0 | 0 |
| Marshall | 0 | 0 | 0 | 0 |
| Norfolk | 0 | 0 | 0 | 0 |
| Tahiti | 0 | 0 | 0 | 0 |
| Tokelau | 0 | 0 | 0 | 0 |
| Total | 77 | 77 | 77 | 231 |

• Ol pilai bai pinis long narapela wik Fonde Ogas 4. PNG Tim menesa Numa Alu i tok em i amamas long wei PNG i pilai.



• PNG wetlifting sempion Dika Toua husat i winim tripela gol medol long klin na jek, snets long 53 kilo grem divison long wanpela lif bilong em.




• Sopalai Yao husat i kisim gol medol bilong em long winim 3000m resis long Palau.



• PNG basketbol pilaia i kalap long putim wanpela basket.



• Esau Vinarang i makim bal long sutim i go long Solomon Ailan tim.



• PNG tenis pilaia Kris Kano husat i pilai hat tasol lus long Reins Ford 6-4, 0-1, 1-6. Ol foto: JASON PINI



• PNG sempion wetlifting tim. Dispela em bihain long Toua na Rita Kari husat i winim sikspela gol medol bilong kantri.



NRL NIUS



• Hop bilong ol Bulldog long winim gen primiasip taitol nau i luk krangki bihain long pilai-meka bilong ol na man husat i go pas long NRL poin lata bilong poin bilong ol pilaia Hazem El Masri i kisim bagarap. Long dispela bagarap ol opisel i no save sapos em i bikpela bagarap tru o nogat na sapos em i bikpela bagarap El Masri bai mas malolo sampela taim. Tasol gutpela nius long ol olsem fowet Mark O'Meley na Willie Mason i kisim bek gutpela fom long pilai.



• K50,000 i lus! West Tigers sif eksekutiv opisa Steve Noyce i no amamas long NRL opisal i stopim klostu 20,000 sapota bilong West Tigers las wiken taim ol i laik kamap long Leichart ovol na sapotim tim. Las wiken i bin gat 22,000 manmeri olgeta i kamap long lukim ol i Tigers i kaikaim gut tru South Sydney 42-20.



Canberra Raiders winga Craig Frawley i laik mekim ol gutpela samting long pinisim 2005 sisen. Na long lukim dispela em bai sta long dispela wiken taim Raiders i kisim olpela klab bilong em, Brinsbane Broncos long Suncorp Stedum long Brisbane. Em i wanpela bilong tupela pilaia em Raiders i singautim long pilai gen long ol taim ol i kisim bagarap na malolo.



• Ol Broncos opisal i tok strong olsem ol i no inap toktok moa long wanem samting i no gutpela takol na wanem i gutpela takol. Dispela em bihain long NRL i bin sasim senta Justin Hodges long ol i tok em i mekim takol nogut long Bulldog fowet Tony Grimaldi long las wiken pilai bilong ol. Hodges i no inap pilai dispela wiken taim Broncos i kisim Canberra long Suncorp Stedum.



• Biknem Parramatta Eels man Peter Sterling i pret olsem long ol i stap long bai bai bagarapim ron bilong ol long NRL kompetisen. Nau yet Eels i stap siks-pela poin bihain long ol lida Brisban Broncos.

Las tupela pilai bilong Eels i lukim ol i no win na olsem Sterling i tok dispela i bin mekim ol i pundaun na nau sapos ol i stap long bai dispela bai i no inap givim ol sans long pilai, win, kisim poin na hapim mak bilong ol i go antap.

Tasol long wankain taim Sterling i givim gutpela tok long nupela Eels boi na hap bek Tim Smith long em i mas pilai strong na abrusim Blues pilaia meka na hap bek Andrew Johns.

• Sori long sait bilong ol Roosters we ol gutpela fowet bilong ol bai i no inap pilai long taim ol i kisim bagarap long bodi.

Na em i bikpela pilai bilong ol long taim ol i traim mekim olgeta wei long go insait long top eit bilong NRL na mekim fainol.


Bikpela wari em long ol fowet olsem Jason Cayless na Chris Flannery.

Kwinslen bek rowa Flannery i gat hevi long lek na Niu Silan intenesenol prop Cayless i gat bagarap long skru bilong em.

"Em i no luk gut, (Cayless) i no inap tren nau," namba tu kosa John Cartwright i tok.



"Mipela bai i maskisim tok orait long ol dokta pastaim sapos mipela i laik em i pilai. Tasol wantaim Chris mipela i gat hop yet inap long taim pilai i kamap.

Tasol kam bek bilong Kwinslen fowet Michael Crocker i gutpela nius long ol bihain long em i kisim saspenson.





Raun 21

Fraide, Julai 29- Dragons vs Roosters. Yu ken lukim long EMTV long 8.30 long nait.

Sarere, Julai 30 -
Knights vs Storms
Warriors vs Panthers
Broncos vs Raiders

Sande, Julai 31 - West Tigers vs Sharks. Yu ken lukim dispela long EM TV long 4:00-6:00 avin'.

Sea Eagles vs Cowboys
Rabbitohs vs Bulldogs
Bai: Eels

NRL Poin Lata (after rnd 15)

| Klab | P | W | D | L | B | P/D | Pts |
|----------------|----|----|---|----|---|------|-----|
| 1 Broncos | 18 | 14 | 0 | 4 | 2 | 151 | 32 |
| 2 Eels | 19 | 12 | 0 | 7 | 1 | 129 | 26 |
| 3 Storm | 19 | 11 | 0 | 8 | 1 | 203 | 24 |
| 4 Cowboys | 18 | 10 | 0 | 8 | 2 | 83 | 24 |
| 5 Dragons | 19 | 11 | 0 | 8 | 1 | 56 | 24 |
| 6 Wests Tigers | 18 | 10 | 0 | 8 | 2 | 17 | 24 |
| 7 Sharks | 18 | 10 | 0 | 8 | 2 | -20 | 24 |
| 8 Sea Eagles | 18 | 10 | 0 | 8 | 2 | -23 | 24 |
| 9 Bulldogs | 18 | 9 | 1 | 8 | 2 | -24 | 23 |
| 10 Raiders | 18 | 9 | 0 | 9 | 2 | -55 | 22 |
| 11 Warriors | 19 | 9 | 0 | 10 | 1 | 35 | 20 |
| 12 Roosters | 18 | 8 | 0 | 10 | 2 | 9 | 20 |
| 13 Panthers | 19 | 6 | 0 | 13 | 1 | -50 | 14 |
| 14 Rabbitohs | 19 | 5 | 1 | 13 | 1 | -235 | 13 |
| 15 Knights | 18 | 3 | 0 | 15 | 2 | -276 | 10 |


* P: Pilai, W: Win, D: Dro, L: Lus, B: Bye, P/D: Poin Diferens, PTS: Poin

Top 10 poin skora

| Pilaia | Tim | Poin |
|-----------------------|------------|------|
| 1. Hazem El Masri | Bulldogs | 180 |
| 2. Brett Hodgson | Sharks | 172 |
| 3. Preston Campbell | Panthers | 138 |
| 4. Michael Witt | Sea Eagles | 134 |
| 5. Luke Covell | Sharks | 128 |
| 6. Matt Orford | Storms | 128 |
| 7. Darren Lockyer | Broncos | 125 |
| 8. Luke Burt | Eels | 116 |
| 9. Clinton Schifcoske | Raiders | 114 |
| 10. Stacey Jones | Warriors | 113 |



• Peter Cusack bai kisim wok kepten long South Sydney long 2006 sisen bihain long ol opisel i mekim toksave.



Madang bai danis long SP Kap pilai

Paul Zuvani i raitim

LONG namba wan taim bihain long planti yia taim Madang i bin gat tim, Madang Globe Trotters, na taim we em i save holim kain bikpela ragbi lig pilai em bai long dispela wik i lukim gen narapela bik, 'a pilai.

Bipo Madang Globe Trotters i save pilai long Wilfield o Cambridge Kap Madang i save lukim ol gutpela pilai. Dispela amamas bilong ol i bin pinis taim sponsa, Madang bes mit keneri, James Barnes husat i save mekim Globe Kon Bif i stop long sponsa long wanem Globe Trotters i no save kamapim strongpela pilai. Dispela i Madang i no moa holim ol bikpela ragbi lig pilai olsem dispela semi-profesinol SP Kap lig.

Tasol long dispela Sarere ol pipel i ken amamas gen long lukim tupela hailans tim Mt Hagen Chemica Cowboys na Wabag Toyota Mioks i kaikaim tupela yet long graun, bilo... ol.

Cowboys na Mioks gat inap sapota long singaut long ol long wanem i gat inap ol manmeri bilong Mt Hagen na Wabag i stap long Madang.

Wantaim dispela sapot bai singaut bai kam long ol lokal pipel yet long wanem tim ol i save o i laik sapotim.

Dispela pilai bai lukim tupela tim wantaim bai laik long abrusim ol yet long SP Kap poin lata.

Nau bihain long raun 12 Cowboys i stap tupela poin antap long Mioks we Mioks i gat 6 poin na Cowboys i gat 8 poin.

Ol tim em Brian Bell Bulldogs i go pas wantaim 18 poin, Agmark Guria 17, LBC Bombers 15, Monier Broncos 14, Lahanis 12 na stap long 6 poin wantaim Mioks em Mabey & Johnson Mendi Muruks.

Long pilai yet Mioks kosa Toksy Nema bai kisim yet wankain sait we i bin pilaim



• Toyota Mioks Richard Yallon i no laik ol Broncos i stopim ron bilong bal na olsem em i redi long tromoi bal i go long Patrick Philip long SP Kap raun 11 long Pot Mosbi. Yallon i man nogut bilong Mioks na olsem em bai givim pret long Cowboys. Foto: AMOLEN

Bombers las wik. Long go pas long tim Nema bai kisim kepten na faiv eit Robert Tela long dairektim pilai long fil. Nema bai kisim helpim long hap bek Moses Konga husat i kisim ples bilong Stanis Kale. Wantaim Konga em tupela prop we bai brukim difens bilong Cowboys em Danny David na Leo Kondai. Narapela pilaia we i ken pretim Cowboys em buldosa bilong ol na iok Richard Yallon. Ful skwat em James Maning long fulbek, Luke Minjuk na Stanis Tepend long wing, Eki Yallon na Jason Desmond long senta. Long fowet pek em huka Nathan Anjo na tupela seken ro Iki Manasa na Peter Sarr. Ol senis em

Nissan Pakistan, Otto Sana, Mose Kungu na Patrick Philip.

Long ol Cowboys em kosa Bobby Ako bai kisim kepten na senta Robert Beni long go pas long tim. Beni bai kisim sapot long hap bek Isaac Wek na na fulbek Rueben Ruing bek. Wantaim dispela ol pilaia long bek lain em tupela winga Jack Gilip na Kupa Rumints, senta Francis Ray na faive eit Rex Ray. Long fowet pek em tupela prop Peter Noki na Rodney Pora, huka Richard Gary, seken ro Leo Koipa na Simon Iyan na lok Fred Tom. Ol senis em Kuli Jacob, George Baker, George Muni na Steven Clay.

Sauten makim jon skwat

Long wankain taim, Pot Mosbi ragbi futbol lig i tokaut long nem bilong ol pilaia husait bai i stap insait long sauten zon tim nesenol zon sempionsips.

Sinia tim em; Burau Burau, Lama Lion, Richard Polly, Nene Moide, Barry Karabai, Richard Sinamoi, David Puguma, Suckling Danage, Yapa Kapa, Justin Soki, Simon Tonge, Alfred Kaiabe, Freddy Kuman, Bobby Yakopa, Momoa Nuana, David Ako, Dacso Noe (POM), Emmanuel Oimeve, Emmanuel Oimeve, Steven Johns, ol shedo pilaia em Nick Andy na

Boge Dikana, Dr James Naipao (kosa), Philip Boge (trena), Jack Ninkama (meneja).

Junia tim em; Joe Barero, Gabriel Timiriki, Mathias Emiabo, Silas Kingdal, Jeffrey Wai, Harley Dagu, Brian Apo, Blatus Wai, John Ruma, Timothy Anton, Danny Emiabo, Marcus Waue, Sylvester Ovabu, Scotty Lobby, Mathew Paul, Philip Dama (POM), Michael Faroti, George Mai (Malalaua), Jonathan Iova, Newman Manba (Koia), Paulsam Ewal (kosa), Jeffrey Malaisa (trena), Karava Haiveta (meneja).



• Lahanis pilaia i kisim taim nogut long han bilong Broncos John Wagambie jnr na Eki Ene long SP Kap raun 9 long Pot Mosbi. Dispela wik i bikpela wik bilong ol.

Hailans makim jon skwat

LAS wiken Papua Niugini Ragbi Futbol Lig Hailans rijinol opis i makim skwat bilong ol.

PNGRFL Hailans rijinol developmen opisa Joe Tokam i tok ol lig olsem Tabubil Diggers, Pogera Nuggets, Hagen Eagles, Nondugul Tais, Whagi Tumbé, [Kurumul] Simbu Warriors, Goroka Nokondis, Hela Warriors, Wabag Tambuaks, Imbongu na lalibu i bin kamap na brukim bun long kamapim ol tim bilong sinia divison na anda 19 skwat.

Em i amamas long kain pilai i bin kamap we ol sapota i lus tingting long wanem ol i kam na sapotim olgeta tim we i bin kamap na pilai.

Wantaim ol gutpela pilai we i bin kamap em i bilip olsem hailans bai kamapim gutpela long pilai long ol sisen i kam bihain.

Anda 19 skwat em Ako Selvin, (Goroka) Ipae Steven (Goroka), Max Raymon Mendi Jason Tali (Mt Hagen), Jonah Leah (Mt Hagen), Dion Aiye (Imbongu), Dondon Kari (Imbongu) Raymon Tia (Mendi) Ogum Koyapu (Mendi), Samyuel Dupanga (Hagen), Api Warigeso (Goroka), Ju Oka (Nondugul) Pune Peter (Hagen), Nos Gabriel (Hagen), Joe Mape (Kurumul), Toni Boss (lalibu), Iassiah Peter (lalibu), Maska Maru (Imbongu), Blammy Wepi (Mendi) na Barry Mikawe (Goroka nokondis). Kosa em John Kola (Hagen), trena Peter Danga (Goroka) na tim menses Joe Puang.

O bai pilai wantaim Sauten Jon long BOC Ges nesenol jon sempionsip long Lae long Ogas 7, 2005.

Lae bungim Mosbi

Andrew Molen i raitim

OL LBC Lae Bombers i raun long ol narapela hap na traim bun wantaim ol narapela tim tasol ol i no i bin kam long Pot Mosbi yet.

Dispela wiken bai ol i traim long bomim ol Monier Broncos long hom graun bilong ol.

Tasol em i no namba wan taim bilong tupela tim long bung. Ol i bin bung pinis long raun siks long Lae we tupela tim wantaim i bin dro 14-14.

Nau bai ol i lukluk long raun siks bipo.

Las wik ol Broncos i kisim taim nogut long han bilong ol brata Brian Bell Bulldogs 32-20.

Dispela gem i lukim Bulldogs senta, Charlie Wabo i putim tripela trai we em i skoaim wanpela long fes hap na tupela long seken hap.

Kain pilai i gutpela long kain taim we fainol i kam klostu.

Ol Bombers tu long las wik i winim Toyota Mioks 24-12 long Lae.

Bombers husat ol i stap namba foa long poinis lata i ken kisim win olsem ol i gat sans nau long go long ol fainol.

Long wankain taim Monier Broncos i lukluk long kilim paia bilong ol.

Tupela moa raun tasol na SP Kap bai i go insait long namba wan fainol salens bilong ol olsem na olgeta taim bai pait

strong long go insait long fainol.

Bombers i gat sans long winim Broncos husat ol i no ron gut tumas long liklik taim i kam tasol em i namba wan taim bilong ol long kapitol siti na ol i no luksave long pilai graun yet.

Dispela i graun bilong Broncos na olsem ol i no inap long tingting planti long wei ol bai pilai.

Narapela samting tu em, sapos olgeta pilaia bilong Broncos olsem Romalus Mago, Andrew Norman, Kawage Gagma na ol narapela husat i no pilai sampela taim nau i kam insait long dispela tupela las raun bai inap long strongim tim ken, nogat bai Bombers i bai bomim ol.

Bikpela de bilong Lahanis/Bombers/Broncos

DISPELA wiken na narapela wiken i bikpela wiken bilong Coca-Cola Lahanis, LBC Broncos na Monier Bombers.

Dispela tripela tim bai pait long kisim ples na go insait long fainol.

Nau yet Lahanis i stap long 12 poin, tupela poin bihain long Broncos husat i gat 14 poin na Bombers i gat 15 poin.


Lahanis bai pilaim top tim bilong kompetisen Brian Bell Bulldogs na dispela bai wanpela hatpela gem. Na Broncos bai pilaim Bombers.

Bihain long raun 12 Brian Bulldogs i go pas wantaim 18 poin na Guria 17 na bihainim tupela em Bombers na Broncos.

Lus bilong Lahanis i min olsem em bai pinis olgeta. Sapos em i win em i gat sans long kisim ples bilong Bombers o Broncos.




Wanpela PNG wetlifita i redi long hapim ain taim em i putim das long pinga bilong em. Foto: JASON PINI



• PNG hai jam na tripel jam sempion Sandy Katusele husat i winim gol medol aste nait long tripela jam i soim wei em i winim dispela kalap.



• Salome Deil, meri Kainantu, Isten Hailans provins husat i save stap long Ukarumpa Sama Institut ov Linguistik i winim tupela gol medol long ol 800m resis bilong em aste nai.



• Bikpela PNG pis Ryan Pini husat i traim wara bilong Kenada long XI FINA Wol Sempionsip long Parc Jean Drapeaus 50m bataflai resis long las wiken. Pini i mekim pesinol bes long surukim mak long 22 i kam antp long namba 20 ples long wol.



• Solomon Ailan pilaia i pasim bal. Ol i go daun long PNG meri 65-31 aste.



• PNG tim i givim sapat na amamas long 800m resis sempion Sapolai Yao bihain long em i kisim gol medol. Foto: JASON PINI

Hap hap spot

Souths dro wantaim Rapatona long Mosbi soka

SOUTHS United i kamapim wanpela strongpela gem long dro wantaim main primia bilong Pot Mosbi soka asosiesen, Rapatona 0-0 long Sande.

Long gem we planti manmeri i kamap long lukim i rausim stret stail bilong tupela tim we ol i no lusim brek inap long gem i pinis.

Tupela wantaim i lokim na i no givim sans long narapela narapela.

Souths i kisim sans long kamapim win bilong ol wantaim tupela penolti kik long sait bilong gol pos insaitl ong 18-yad boks tasol ol kika bilong ol i no skoa.

Fes kik i kam long seken hap taim stopa bilong Rapatona, Duri Yawari i pudaunim Chris Marjen, Jnr taim tupela i pait long bal.

Refri, Hillary Ani givim penolti tasol mid-fil Lawrance Diau i apim tek tumas na kikim bal i antap long ba bilong gol pos

Staika, Kema Jack tu i misim wanpel sans bilong em long narapela penolti we i pasim gutplea win bilong ol.

Bipo intenesenol pilaia na Rapatona pilaia, Jeffrey Emang i kam insait long namel bilong gem na i nap long brukim lok taim em i givim bal long ol flenka Lewen Bob, Clinton Caleb na ol striaka Percy Mataio na Kiaiou Pouri tasol ol i i no painim mak wantaim kik bilong ol.

Long ol narapela gem i kamap pastaim, PS Rutz i givim Lae biscuit Defence 4-1 na University i safim Sunset i go long haus 1-0.

Pot Mosbi hoki helpim haus sik

WOD bilong ol liklik manki long Pot Mosbi jenerol haus sik bai kisim helpim i kam long Pot Mosbi Hoki asosiesen (PMHA) taim ol i kamapim seriti hoki salens bilong ol stat long mun i kam.

Dispela kopret salens bai kamap long IEA TAFE kolis long Pot Mosbi yet na bai iron olgeta Sarere long Ogas i go long Novemba. Presiden bilong PMHA, Kaluwin Potuan it ok dispela kompetisen i kamap long bungim moni long helpim wod bilong ol manki long haus sik.

Potuan it ok 28-pela kopret kampani i soim intres long stap insait long dispela salens we bai i lukim sikspela pilaia is tap insait long wanpela tim.

Wanepal tim i mas i gat 10-pela pilaia husait i rejista tasol tripela man na tripela meri tasol i ken is tap insait long taim bilong pilai.

Em it ok 40 pesenbilong moni ol i mekim bai i go long haus sik narapela 30 pesen bai i go long prais moni na laspela 30 pesen bai i go long PMHA. Em i singaut tu long olgeta kampani i mas is tap insait long kampani sponsa uniform bilong ol. Wanem tai mi laik stap insait long dispela salens tu i ken ken toktok wantaim Trevour Birney o Potuan yet long telepon namba 325 5644.

Potuan i tok tu olsem i bai gat miting wanpela wik bipo long pilai i stat long toksave long ol tim long ol lo na we bilong pilai long dispela tonamen. Long wankain taim Mick Evans bilong Hoki Cairns asosiesen bai i holim wanpela kosing klinik bilong ol ampalia na refri long pinis bilong Ogas long IEA TAFE kolis. Potuan i tok bipo long wanpela tim i go long klinik bilong Evans ol i mas i go pastaim long klinik bilong Birney long 2 kilok avinun long Sarere

**LAE
BISCUITS CO.**




SPORTS

**LAE
BISCUITS CO.**



**SP Kap
riviu/
priviu
insait
Pes 30**



**Moa Palau
Gem
stori/poto**

Pes 28

Paul Zuvani i raitim

PAPUA Niugini spitmeri Mae Koime i bihainim driman na hangre bilong em taim em i win namba wan taim long winim gol medol long 100m long Tunde dispela wik long Palau min Saut Pasifik Gem.

Tede em bai ron long 200m resis wantaim narapela wantok meri bilong Toea Wisil.

Long Tunde tupela wantaim i bin ron we Koime i kisim gol na Wisil i kisim brons.

Long 100m resis Koime husat i bilong Baimuru, Galf provins i abrusim tru Fiji meri long kamap pas.

Na resis bilong nau bai lukim gen husat tru i sempion bilong 100m na 200m resis long Saut Pasifik.

Sapos i tru mipela bai save long nius nau o tumoro.

Aste nait Koime wantaim Wisil i winim ron bilong ol gut tru long kamap long fainol bilong tede. Long aste nait Salome Del i winim gol medol long 800m na Sandy Katusele i winim wangepela gol medol long tripel jam.

Long longpela hap resis (long distens) liklik Simbu man Sapolai Yao i winim tu gol medol bilong PNG long 3000m long Tunde. Dispela man long stat bilong resis i lusim bihain olgeta arapela rana na i stap olsem tasol inap ron i pinis.

Long ol arapela pilai long aste PNG basketbol meri i winim Solomon Ailan 65-28, ... i go moa long pes 28



Driman karim kaikai



Salome Del i winim gol medol long 800m long nait. Na Sandy Katusele i winim narapela gol medol long tripel jam taim em i kalapim 4.40m.



K30 TRADE-IN OFFER BILONG KEROSENE LAMP

Sapos yu gat olupela kerosene lamp na emi no wok o bagarap, noken trom oi! Karim olupela kerosene lamp kam na bai mipela givim yu *K30 discount long niupela Coleman kerosene lamp.

*Yu no nap kisim moni. K30 ol i rausim long prais bilong niupela Coleman 214 o K6 model kerosene lamp.



COLEMAN KEROSENE LAMP SPARE PARTS ISTAP

Brian Bell
Shop with a friend

Wanpela trade in tasol long wanpela niupela Coleman lamp

PROMOSEN BAI KAMAP JULY 4TH NA PINIS AUGUST 12TH, 2005

DISPELA PROMOSEN ISTAP LONG OLGETA BRIAN BELL STOA NA WANWAN DEALER HUSAT I WOKIM DISPELA PROMOSEN.

The publisher of the newspaper is Justin I Iansu Kili, MBE of Section 58, Allotment 3, Office 2, Waigani Drive